

[Type text]

## **Hset Biac Yiang Hadròeh...**

### ***Jesus tõe ta plinh***

**1 ..**

<sup>1</sup> Wì craq Thiôpi , oe ta hset adroe au khoe anoe rìm trong Chuaq Jesus ma khoe broq rai hnài qmòe enh jò baxèm, <sup>2</sup> trùh hì haq jah dèch atõe ta plinh, atiq ka haq khoe canòm ka Yiang Hadròeh ðòeq hu hnài deh bài mangai tiaq cla haq ma khoe ràih. <sup>3</sup> Atiq ka haq khoe pòq kan xalep, enh ngèa ka bài mangai tiaq cla haq yõe bác trong ðòeq patô ka wì loq haq kô rih , èh haq oe ti bài tiaq cla pôn jàt hì , anoe ka wì trong diac Boc plinh

<sup>4</sup> Jò oe ti bài mangai tiaq cla, haq tanap: Apa q loh enh gùng ka Jérusalem ,mahaq pì ep oe ta aih raq gòm yiniq Baq ma khoe têu am ka pì , aih yiniq pì khoe tàng au doe. <sup>5</sup> Majah qmang aih Jon khoe broq ka pì baptem xi diac ,mahaq toq bíaq hì hòm ,pì jah broq baptem xi Yiang Hadròeh . <sup>6</sup> Bài mangai ma tagop ta aih bòch : Waiq Chuaq ! manòeq kô raq ùh xài ih ma dèch paqnàng hlài diac Isorali ? <sup>7</sup> Haq padreo bàu “ Hì leq jò leq toq cla Baq khoe loq deh , trong aih pì ùh khòh loq . <sup>8</sup> Mahaq Jò Yiang Hadròeh jràp enh qnhèq ka pì , aih èh pì hì jah yõe kan cwìang itai ðòeq hu lam anoe ðòq wì loq ka au , ta Jérusalem, jàp hloe gùng Judê ,gùng Samari trùh jàp jà crõng taneh .

<sup>9</sup> Khoe ka anoe qmang aih , haq jah dèch atõe ta plinh , jò wì ta aih qnang ngan qngoc haq , i yùc glom qnung haq lam , pì hnoq hòm. <sup>10</sup> Jò wì ta aih oe raq haqmiang ngan haq jah dèch atõe ta trõe i baiq ngai gualô caxùnh eo taboc loh enh ngèa wì haq , <sup>11</sup> rai doe : “ Wùih mangai Galili , pì yòng ajàng kô hanhoe dèh ta trõe qmang qmat iq ? Jesus kô khoe jah dèch atõe ta trõe enh ngèa ka pì , èh haq hadai wìh hlài qmang ka pì khoe hnoq haq tõe ta trõe ðiq.

<sup>12</sup> Khoe aih , wì haq enh nòe wang Ôliu hlài ta Jérusalem , wang aih hangai ka Jérusalem lam bu mòeq hì sabat <sup>13</sup> Jò wì haq hlài khoe trùh , drah tõe talau aih

[Type text]

nòe Phiero , Jon , Jaco , Anrê , Philip , Thôma , Bathêlemi , Mathio , Jaco kon da Aphê , Simôn Silot , Jiude kon da Jaco loq oe .<sup>14</sup> Diq dõng ka wì aih cajap mòeq manoh waiq khàn pajùm ti bài mangai gucadri , Mari miq da Chuaq Jesus xam wì oh haq .

*Mathia jah broq mangai tiaq cla .*

<sup>15</sup> Ta bài hì aih , Phiero yòng taqne oh daq tagop ti dabau–bài mangai tagop ta aih jah mòeq hrinh baiq jàt ngai , haq doe : <sup>16</sup> “ diq dõng oh daq calô xam oh daq cadri , bàu Yiang Hadròeh ma khoe canòm ka hacùng Đawit capoch pajàu tanòe Hset Hadròeh anoe trùh Juda mangai khoe ajèn trong dõq wì rùp Chuaq Jesus , aih khoe xit .<sup>17</sup> Majah qmang aih haq hanoh oe ti bèn , hadai khoe jah broq mangai tiaq cla qmang ka bèn .<sup>18</sup> Haq aih yõc bac baha kan dù da rađeh rot moeq haqnech ruàng , ta aih haq taclih hatàp gàu padah loh dõng cliac .<sup>19</sup> Bìac aih diq ka Jêrusalem mangai loq đeh hra , wì loh qmoè ka creo ka ruàng aih tiaq bàu wì haq aih Haëndama , aih ruàng mahim .<sup>20</sup> Ta hset Calêu plinh i achih :

“Xoeq diq nòe da haq oe loh ka clui hawit

Apaq i cabô oe ta aih .

Èh hòm :

Xoeq diq i mangai mùt yõc ajang nòe da haq

<sup>21</sup> Aih iq ,taqne mangai ma khoe tiaq bèn enh jò Chuaq Jesus baxèm oe ti bèn ,  
<sup>22</sup> pang Jon ma broq baptem trùh hì Chuaq Jesus jah dèch atõc khoe ka bèn ,  
taqne wì aih ep i mòeq ngai hu wiang lam anoe ti bèn trong Chuaq Jesus khoe rih hlài. <sup>22</sup> Mangai tiaq hõc raih baiq ngai : Jôsep aih Basaba , tang jò creo Juctu , xam Mathia ,<sup>24</sup> khoe aih wì waiq khàn : Waiq Chuaq , ih loq manoh cliac rìm ngai , ih patô am ka nhèn loq wa baiq ngai kô ih khoe di deh maleq ,<sup>25</sup> òeq hu broq mangai tiaq cla , hu qmùt hlài ajang nòe da Juda ma khoe cađac hu lam oe dèh tanòe .<sup>26</sup> Khoe aih , wì pàih panaih , hì troq ka Mathia , haq hì jah qmùt ajang mòeq jàt mòeq ngai tiaq cla.

2..

[Type text]

### *Yiang Hadròeh loh enh plinh.....*

<sup>1</sup> trùh Ramènh hì padam jàt , mangai tiaq hóc tagop dabau mòeq nòe .<sup>2</sup> Cadoe i atêh loh enh plinh qmang atêh ka cayeo hlui , jàp jia ta hnim mangai tiaq hóc hangui .<sup>3</sup> wì haq hnoq i tang pla ùnh tiah ka rapet, loh jràp tang ngai ta wì haq.<sup>4</sup> Rìm ngai jah bình Yiang Hadròeh , pang aih wì hi capoch bài bàu qnoeq , tiaq qmang ka Yiang Hadròeh am ka rađeh capoch.

<sup>5</sup> Jò aih , ta Jêrusalem bài mangai Juda ma loq iu yùq ka Boc plinh enh rìm diac oe ta caqnàm plinh trùh ta aih .<sup>6</sup> Jò wì haq tàng atêh bàu aih , wì tùh loh ngan , mangai leq mangai meh hi haglènh đeh hra majah qmang aih wì haq tàng bài mangai tiaq hóc capoch bàu gùng wì haq .

<sup>7</sup> Wì haq yùq pi cajaq rai bòch dabau: Diq dǒng ka wì qmat ma ùh xài mangai Galili qmòh ?<sup>8</sup> Tàng joq qmang aih , hagleq bèn majah tàng wì haq tapoch bàu gùng bèn ?<sup>9</sup> Bài magai Bathê , Mêđi , Êlamit , mangai oe ta Mêsôbôtami, Jiu đê , Capbadoc , Bong , Asi ,<sup>10</sup> Phirigi, Bam phili , Êdip , Libi ma haten ka gùng Siren , mangai trùh enh Rôma ,<sup>11</sup> mangai Jiuda hloe xam mangai maneo tiaq trong mangai Jiuda , mangai Coret ,mangai Aràp , nhèn tàng wì haq capoch bàu gùng nhèn đoeq anoe kan haqnèq kàn kaiq da Boc Plinh .<sup>12</sup> wì hamàih loh ka pi qnì hèm cleq , wì tabòch dabau : Yiniq kô iq qmang leq ?<sup>13</sup> Mahaq i bài mangai ma loq ti halê doe: Wì qmat bù ka alac neo .

### *Bàu Phiero hnài ....*

<sup>14</sup> Jò aih Phiero yòng pajùm ti mòeq jàt mòeq ngai tiaq cla , dèch bàu anoe ka mangai bắc ta aih : “ Oh daq Jiuda xam diq ka mangai oe ta Jêrusalem , dǒq au anoe ka pì qmang kô ,pì tamàng ma adia haq.<sup>15</sup> Wì kô ùh i bù qmang ka pì xoh , majah qmang aih manòeq kô bu hachin jò đi sroq<sup>16</sup> Mahaq kô raq yiniq Jôen mangai pajàu Boc Plinh ma khoe anoe :<sup>17</sup> “ Boc Plinh doe :

Tahì atiq kô èh , Au ùc qnoh Yiang au am diq ka kon mangai ,

Kon calô xam kon cadri pì diq jah tapoch pajàu ,

Bài guradam jah hnoq kan mahno

Mangai craq jah hnoq apô

[Type text]

<sup>18</sup> Joq qnàng tabài hi aih èh , au ùc qnoh Yiang au jàp ka mangai hapõng calô xam hapõng cadri

Diq ka wì haq jah capoch bàu pajàu,

<sup>19</sup> Au mahno tam ka wì haq kan halac oe ta plình

xam ta crõng taneh ;

Aih la mahim , ùnh , xam kan nhòe

<sup>20</sup> Mahi loh ka clam ,

Khê wih wìa mahim

Adroe ka hi kàn hi ranhòm da Chuaq trùh ,

<sup>21</sup> Aih èh cabô ma canòm ka Chuaq , mangai aih hi jah dèch .

<sup>22</sup> Mangai Isorali , pì tamàng bàu kô : Chuaq Jesus mangai Naxaret kô , aih raq mangai Boc Plình khoe yõc haq òdeq broq trong i cwiàng itai , kan halac , kan hamàih oe taqne pì , òq pì jah loq òdeq pì hu anoe ka wì qnoeq qmang ka cla pì ma khoe loq . <sup>23</sup> Pì khoe rùp haq am ka wì , tiaq manoh Boc Plình ma khoe loq khoe tamroq deh adroe , pì khoe canòm tì kõng mangai dù tiang ònh haq talong pagat òdeq hu jêh cađac .

<sup>24</sup> Mahaq Boc Plình khoe broq ka Chuaq Jesus rih hlài , hràt catech caxi kan cachit , majah qmang aih kan cachit ùh jah rùp padràng Chuaq Jesus oe enh qneq ka cwiàng haq . <sup>25</sup> Ràu trùh haq , Đawit khoe anoe :

Au hmaq hnoq yôt Chuaq oe enh ngèa ka au ,

Majah qmang aih haq oe enh apah qma au ,

Đôq au ùh hiaq dalac .

<sup>26</sup> Aih iq raq ,manoh cliac au lem bùi , rapet au manè.

Chac au hadai jah padài ta kan canòm .

<sup>27</sup> Majah qmang aih Chuaq ùh òq mahua yiang au oe ta hwinh .

[Type text]

Hanoh ùh cadac au oe ta kan cachit .

Haq ùh dôq chac mangai hadròeh haq hech hnhung .

<sup>28</sup> Chuaq khoe patô ka au trong kan rih

Am ka manoh au jah bình kan lem bùi enh ngèa ka ìh

<sup>29</sup> Diq ka oh daq Isorali , au anoe qnàng ka pì , Đawit aih kan cadraq bèn ,haq khoe cachit , wì khoe catùh , manòeq kô ralùng hanang haq oe raq taqne bèn . <sup>30</sup> Mahaq , haq aih mangai pajâu , haq loq Boc plinh khoe hapah òeq têu bàu ka haq , aih ta xinoe haq Boc plinh dèch mòeq ngai òeq hangui tanòe gèq bùa haq . <sup>31</sup> aih haq khoe chôn timer hnoq yiniq ma padon trùh , chôn timer anoe trùh kan rih hlài da Christ rameh : Haq ùh oe hloe tanòe kan cachit , chac haq hadai ùh hech ùh hnhung . <sup>32</sup> Boc Plinh khoe broq ka Chuaq Jesus kô rih hlài , diq ka nhèn hadai wiang hnoq . <sup>33</sup> Jò haq khoe jah dèch atóc hangui apah qma Boc Plinh , enh nòe Baq haq khoe jah yóc Yiang Hadròeh Baq ma khoe têu am , haq hi ùc qnoh Yiang Hadròeh , aih yiniq pì ma qnang hnoq qnang tàng kô <sup>34</sup> Majah qmang aih Đawit qnhòq lah tóc ta plinh , mahaq cla haq raq doe :

Chuaq khoe doe ka Chuaq au :

Hangui enh qma ka au ,

<sup>35</sup> Trùh jò au roh mangai git ka ìh oe enh qneq ka ìh , òeq broq radua ròh jèn timer ka ìh . <sup>36</sup> Qmang aih diq ka mangai Isorali pì ep loq qmang kô Boc Plinh khoe dèch Chuaq Jesus kô mangai pì ma khoe tiang ðing haq talong pagat broq Christ broq Chuaq . <sup>37</sup> Jò wì tàng bàu kô , wì tadèch qmòe ta manoh , wì bòch Phiero xam bài mangai tiaq cla : Wì daq ! nhèn ep broq qmang leq? <sup>38</sup> Phiero padreo bàu : thê pì loq raxach , rì timer ngai ep canò timer ka yiniq Chuaq Jesus òeq jah broq baptem , dôq yiniq lui pì jah caqn timer , khoe aih hi jah yóc Yiang Hadròeh . <sup>39</sup> majah qmang aih bàu ma khoe têu aih jah pì xam bài kon da pì , xam diq ka bài mangai oe hangai , aih bài mangai Boc Plinh bèn ma khoe padon creo”. <sup>40</sup> Phiero yóc tam bác trong òeq rai hnài rai pariaq wì , haq doe “ Pì drah doeh radeh cl timer enh xinoe ngang dù kô”. <sup>41</sup> Mangai ma tamàng bàu haq diq jah broq baptem , hi aih i tam piq muàn mangai jah qmùt tanòe Tagop Hadròeh.

*Mòeq manoh ka dabau ..*

[Type text]

<sup>42</sup> Wì aih diq ka manoh wèq bàu bài mangai tiaq cla hnài , hatroq ka dabau , wèq Ramènh goh bèn h wèq trong waiq khàn . <sup>43</sup> Rìm ngai i manoh iu yùq , majah qmang aih i bàc kan halac loh enh ti kǝng mangai tiaq cla . <sup>44</sup> Diq dǝng mangai ma lùì Chuaq Jesus , pajùm mamoh ti dabau , yǝc rìm yiniq broq hang pajùm . <sup>45</sup> Tech dǝng dèh bài kùng hang , taneh ruàng dǝeq hu axong ka dabau , tiaq dèh tang ngai ma i yiniq nan ka waq pang leq. <sup>46</sup> Hì leq hì meh panim ka tǝc ta hnim kùh waiq . Jǝ oe ta hnim wì haq diq ka manoh lem bùì goh bèn acaq ôq ti dabau , <sup>47</sup> rai manè apôì Boc Plinh , wì haq jah lem ka manoh phù crǝng . Rìm hì Chuaq qmùt tam mangai jah dèch ta Tagop Hadrǝeh .

### *Mangai pen jah brèh ....*

### **3 .....**

<sup>1</sup> I mòeq hì , wa Phiero wa Jon tǝc ta hnim kùh waiq , hu waiq khàn , jǝ aih khoe jah piq jǝ dixèq . <sup>2</sup> Ta aih , i mòeq ngai pen enh jǝ haq clih enh cliac , rìm hì wì aràng pagui dǝeq haq ta hnim kùh waiq ajang nǝe qmang wì ma creo Qmang lem , hu axìn enh bài mangai ma mùt ta hnim kùh waiq. <sup>3</sup> Hnoq wa Phiero wa Jon mùt , haq hnhu ti bǝch đeh bac wa aih . <sup>4</sup> Phiero xam Jon chrìh ngan haq , èh Phiero doe : Ngan ma kǝ . <sup>5</sup> Mangai aih hì ngan đeh wa ja cajoq , xoh dèh ta manoh canau loq jah đeh toq xit toq criah cleq . <sup>6</sup> Yàng èh , Phiero doe ka haq : Au ùh i ka bàc wang , mahaq au i cleq au am ka ìh ka aih : Canòm ka yiniq Chuaq Jesus Christ , mangai Naxaret , cadiang lam beq! . <sup>7</sup> Phiero rùp ti pah qma dèch haq yǝng . Tajǝe qmǝe jǝ aih , capiang jènh xam mat ka haq loh ka qnhrang . <sup>8</sup> Haq hì padình yǝng tiaq wa mùt ta hnim kùh waiq , rai lam rai aplǝh calèu manè appôì Boc Plinh . <sup>9</sup> Wì ta aih diq hnoq haq lam rai manè apôì Boc Plinh . <sup>10</sup> Wì canau meh raq mangai ma hangui ajang Qmang lem hu axìn , wì loh dǝng haglènh rai hamàih jǝ hnoq kan halac loh ka haq qmang aih . <sup>11</sup> Haq aih qnang carùp ti Phiero xam Jon , bài mangai ta aih hamàih pì cajaq , rìm ngai tùh loh ngan wì aih , ajang nǝe wì ma creo radua qmang Salǝmǝn. <sup>12</sup> Phiero hnoq qmang aih ,haq doe ka mangai ta aih : Diq ka oh daq Isorali , hagleq pì majah hamàih ka yiniq kǝ ? Hagleq pì majah chrìh ma qmang qmat , tiaq gleq ma khoe canòm kan itai , kan taq atoq da cla ma dǝeq broq ka mangai kǝ jah cadiang lam ? <sup>13</sup> Boc Plinh da Apraham , Ysac , Jacǝp , Boc Plinh da kan cadraq bèn khoe broq ka hapǝng haq aih Chuaq Jesus jah ranhòm , aih Mangai

[Type text]

pì khoe rùp ,khoe ùh waq đac ka haq enh ngèa Philat , jò Philat enh caqnaih haq .<sup>14</sup> Pì khoe cađac Mangai Hadròeh , Mangai taq atòq òeq hu bòch caqnaih ka rađeh mòeq ngai jêh đac mangai, <sup>15</sup> pì khoe jêh đac Yiang kan rih , mahaq Boc plinh khoe broq haq rih hlài enh kan cachit . Nhèn kô mangai khoe hnoq trong aih. <sup>16</sup> Mangai kô haq lùl yiniq Chuaq Jesus , yiniq Chuaq Jesus khoe broq ka mangai pì ma hnoq ma canau loq kô jah brêh , aih la kan lùl enh Chuaq Jesus khoe am haq kô jah brêh lem enh ngèa ka pì .

<sup>17</sup> Manòeq kô oh daq Isorali au loq pì xam bài cwan , pàng pì ùh qnì dài ma khoe broq qmang aih . <sup>18</sup> Mahaq Boc plinh khoe broq qmang aih raq òeq xit qmang ka bàu haq tapoch qnoh enh hacùng bài pajàu : Christ da haq ep glàm bác kan xalep. <sup>19</sup> Drah loq raxach rai tawih hlài ta Boc Plinh ,đòq diq dõng yiniq lui jah caqnaih . <sup>20</sup> òeq trùh jò kan padài loh enh Chuaq, aih èh haq thê deh Christ ma khoe têu am ka pì , aih la Chuaq Jesus. <sup>21</sup> mangai Tróc ep ðih ahlài deh gòm trùh jò diq dõng rìm yiniq jah paneo hlài , aih jò Boc plinh ma khoe anoe adroe enh hacùng bài pajàu hadròeh haq. <sup>22</sup> Môise i doe : Chuaq aih Boc Plinh bèn dèch paqnàng taqne oh daq mòeq Ngai pajàu qmang ka au , pì ep broq tiaq rìm bàu haq thê .

<sup>23</sup> waq toq cabô ùh tamàng bàu Pajàu aih , mangai aih ep nhan qnoh đac enh gùng ka oh daq. <sup>24</sup> Joq diq dõng bài pajàu enh Samuên xam bài wì ma atiq ka haq, diq khoe anoe adroe trùh bài hì kô . <sup>25</sup> Pì qmat xinoe da bài pajàu , xam bàu tajao Boc plinh khoe jap ka kan cadraq bèn , jò haq doe ka Apraham : Dìq ka mangai oe ta crõng taneh canòm ka xinoe ìh kô èh majah xôq ramot (\*)

<sup>26</sup> Boc plinh khoe dèch paqnàng deh hapõng cla haq , adroe aih thê haq aih loh am xôq ramot ka pì , òeq tic ahlài rìm ngai oe taqne pì wih cađac deh trong dù .

#### ***Wa Phiero wa Jon ta hnim hadrah.***

#### **4 ..**

<sup>1</sup> Jò Phiero xam Jon qnang capoch tuàng ka wì ta aih, i bài pajàu , cwan wèq hnim tagop xam mangai Sađusê trùh .<sup>2</sup> wì nòeh pì cajaq jò hnoq wa haq hnài rai doe enh dalam ka Chuaq Jesus i kan rih hlài da mangai cachit .<sup>3</sup> Bài aih rùp clêh

[Type text]

wa haq ta hnim cadrong trùh sroq atiq , majah qmang aih tróc khoe clam . <sup>4</sup> Yac ka qmang aih, i bác ngai lùì jò khoe tàng bàu wa aih hnài , mangai lùì tồc jah padam muàn

<sup>5</sup> Sroq atiq , bài cwan , bài gucraq xam bài mangai hnài ranenh tagop ti dabau ta Jérusalem , <sup>6</sup> xam Anne , aih pajàu haqnèq , Caiphe , Jon , Alexando xam diq đồng bài nang noe pajàu haqnèq . <sup>7</sup> Wì rúp qnoh wa Phiero wa Jon yòng enh ngèa wì haq, wì bóch : Yóc cwiàng enh leq ,tàng ùh meh canòm ka yiniq cabô chóp ma broq qmang kô? <sup>8</sup> Jò aih , Phiero , bình halùih Yiang Hadròeh , haq doe: “ Diq đồng bài cwan xam bài gucraq , <sup>9</sup> tàng joq hi kô pì creó ka ma yòng ajang kô ðòeq hu tah hadrah ma , taiq ma khoe broq lem ka mangai pen , èh bóch ma broq qmang leq haq ma khoe jah brêh . <sup>10</sup> aih diq ka pì xam bài mangai Isorali khòh loq rameh aih canòm ka yiniq Chuaq Jesus Christ mangai Naxaret , Mangai pì khoe tiang ðình talong pagat , Boc plính khoe broq haq rìh hlài enh mangai cachit , canòm ka haq aih mangai kô khoe jah brêh lem , manòeq kô qnang yòng enh ngèa ka pì . <sup>11</sup> Chuaq Jesus aih :

“ Hmo bài pì mangai broq hnim ma khoe khwênh cađac ,

Khoe wia hmo mùm hnim”

<sup>12</sup> Ûh ih kan dèch dech ajang cabô qnoeq, majah qmang aih enh caqnàm plính kô , ùh i ka yiniq ma qnoeq am ka mangai ðòeq bèn ep canòm ajang aih hu jah dèch ”. <sup>13</sup> Jò wì hnoq kan tanoq da Phiero xam Jon , loq ka wa aih mangai blùng ùh qnì ðeh cleq , wì toq hamàih , èh wì loq wa aih hmaq oe ti Chuaq Jesus. <sup>14</sup> Mahaq patep pang jò wì hnoq mangai khoe jah brêh yòng pajùm ti wa ta aih , wì pì oe jah tapoch cleq . <sup>15</sup> Wì hi thê wa aih loh enh gùng ka nòe hadrah , wì hatinh ka dabau : <sup>16</sup> “ Wa kô èh bèn broq qmang leq ? Diq ka Jérusalem mangai loq ðeh hra wa kô khoe broq kan halac kàn , yac ka bèn enh cadoc dua ùh jah. <sup>17</sup> mahaq ðôq yiniq kô pì hiaq prai tam yi hangai , bèn taqnùq hacam ka wa haq , ùh lòh wa haq , pang kô ta èh pì jah yóc yiniq aih ðòeq hu hnài cabô hòm. <sup>18</sup> Wì hi creó ka wa mùt hòm , wì doe : Pì jah ràu yiniq Chuaq Jesus ðòeq anoe ðòeq hnài cabô hòm. <sup>19</sup> Mahaq Phiero xam Jon padreo bàu : Cla pì hèm beq ! maleq ma yeo troq enh ngèa ka Boc plính , tamàng bàu pì , loq tamàng bàu Boc plính ,?” <sup>20</sup> Majah qmang aih da nhèn kô , ùh jah tàng ùh anoe trùh yiniq nhèn ma khoe hnoq khoe tàng ! <sup>21</sup> Aih iq, wì hi taqnùq hacam tam ka wa , khoe hi

[Type text]

caqnaih , pi chaq trong hu rúp wa hòim , majah qmang aih mangai ta aih diq hnoq kan halac neo loh , mangai leq mangai meh manè apôi deh hra Boc plinh .

<sup>22</sup> Mangai ma khoe jah brêh aih khoe loe pôn jât hanam.

<sup>23</sup> Loh enh aih, wa bròc dèh ti bài oh daq , taqmon hlài diq dồng bầu bài pajàu kân xam bài gucraq ma anoe ka wa . <sup>24</sup> Jò diq ka wì tàng bầu aih , wì mòeq bầu ti dabau waiq khàn ka Boc plinh : “ Boc Plinh ma diq jaq haqnèq , ìh khoe broq plinh , taneh , diac rasiq xam rìm yiniq oe ta aih, <sup>25</sup> ìh khoe canòm ka Yiang Hadròeh , tapoch ajang hacùng kan cadraq nhèn, aih bùa Đawit hapõng ìh , rameh :

“Hagleq rìm diac ma plôh nòeh ,

Hagleq phù cròng wiang hatinh trong ùh loh qmòe cleq,

<sup>26</sup> Bài bùa ma padinh yòng .

Bài cwan hangui pajùm ti dabau ,

Đòeq hu tablêq ka Chuaq aih Mangai ìh khoe xùt dầu” .

<sup>27</sup> Joq qnàng Herôt xam Bônso Philat , mangai diac wì xam mangai Isorali khoe tagop ti dabau ta kô òeq hu tablêq ka Hapõng hadròeh ìh aih la Chuaq Jesus ìh ma khoe xùt dầu , <sup>28</sup> òeq hu broq rìm yiniq tì kống xam manoh ìh khoe thê deh adroe . <sup>29</sup> Manòeq kô , ìh tamàng bầu wì ma khoe hacam aih , am ka mangai hapõng ìh bình manoh tanoq òeq hnài trong da ìh . <sup>30</sup> Hnhu qnoh tì kống ìh òeq broq brêh kan yiniq , broq kan halac canòm ajang nòe yiniq hapõng hadròeh ìh aih la Chuaq Jesus. <sup>31</sup> Khoe ka waiq khàn , nòe wì haq tagop loh qmòe ka ralàng . Mangai leq mangai meh jah bình halùih Yiang Hadròeh , ùh lòm yùq qmòe cleq ka anoe trong da Boc Plinh

*Manoh loq waq ka dabau da bòe mangai tiaq Chuaq..*

<sup>32</sup> Diq dồng ka bài mangai ma lùì , wì moeq manoh moeq cliac ti dabau. Pi cabô oe arènh kô dahwèq da au , mahaq diq dồng ka dahwèq wì pajùm dồng ti dabau. <sup>33</sup> Bài tiaq cla yốc kan itai kân hu anoe kan rih hlài da Chuaq Jesus Christ , diq ka wì jah xôq ramot kân . <sup>34</sup> taqne wì ma lùì Chuaq Jesus pi oe i cabô leq nan cleq hòim , majah qmang aih i ruàng i hnim , wì tech dồng , jah toq

[Type text]

leq dua wì wê. <sup>35</sup> aràng òòeq ajang jènh bài mangai tiaq cla , khoe aih cabô nan pang leq axong pang aih . <sup>36</sup> I mòeq ngai yiniq haq Jôsep , bài mangai tiaq cla yiniq ònh ka haq aih Banaba ( Banaba aih la kon calô da kan alông ), xinoe Lêwi , gùng Chipro , <sup>37</sup> i mòeq haqnech ruàng , haq tech ruàng aih yôc bac aràng òòeq ajang nòe jènh bài mangai tiaq cla .

### *Anania xam Saphira...*

#### 5 .....

<sup>1</sup> Mahaq i mòeq ngai yiniq haq Anania , pajùm manoh dèh ti mai haq aih la Saphira , tech dèh kùng hang , <sup>2</sup> bac aih wa òòeq hlài mòeq qnah , khoe aih mòeq qnah wa aràng òòeq ajang jènh bài mangai tiaq cla . <sup>3</sup> Phiero doe : Anania ! aih hagleq Satan ma khoe bình ta manoh ìh , ìh loh qmòe ka qnùt Yiang Hadròeh , bac tech ruàng gleq ìh khoe lah òòeq qnah ? <sup>4</sup> Jò ìh qnhòq tech aih ma ùh joq ruàng ìh ? Jò khoe tech ìh òòeq dèh bac aih ma ùh jah ? Trong aih mùt ta manoh ìh qmang leq ? kô aih ùh xài ìh qnùt kon mangai , mahaq ìh qnùt Boc Plinh . <sup>5</sup> Jò Anania tàng qmang aih haq tabùng cro ta haqneq cachit hloe , diq òng mangai ma loq ka biac aih crè pi cajaan . <sup>6</sup> Khoe aih bài guradam hi trùh lom hanang haq aih , èh wì hi aràng lam catùh . <sup>7</sup> Jah piq jò atiq ka aih , mai haq mùt diq , haq ùh qnì neo loh i yiniq cleq . <sup>8</sup> Phiero doe ka haq : Anoe ka au beq , ajoq chòp Anania tech taneh jah toq kô ? Saphira padreo bàu : Joq , jah toq qmat raq . <sup>9</sup> Phiero doe : Hagleq chòp mahùà mòeq manoh ti dabau òòeq hu nhro ngan Yiang Hadròeh da Chuaq ? <sup>10</sup> Draq drinh jò aih Saphira cro cachit hloe ajang jènh Phiero . Bài wì guradam hlài enh gùng , hnoq haq khoe cachit , wì hi tòng lam catùh haq hatia ralùng dèh òng . <sup>11</sup> Diq òng ka Tagop Hadròeh crè pi cajaan , yac ka wì qnoeq hia hanoh qmang aih .

<sup>12</sup> Jò aih i bàc kan halac broq loh enh ti kòng mangai tiaq cla , diq ka mangai tiaq hóc tagop ti dabau tanòe hawài qmang ngo Salômon . <sup>13</sup> Ùh i cabô hùà taqmùt ti mangai tiaq hóc , yac ka phù cròng dèh bàu manè apôi . <sup>14</sup> Mangai tiaq Chuaq èh rai bàc tam , gucalô xam gucadri hanoh bàc . <sup>15</sup> Wì loh qmòe ka tòng aràng bài mangai yiniq òòeq ti trong lam , taqngùì ta driaah , ta racoh , òòeq jò Phiero lam pagat trong aih , loq qmang leq òòq qmù haq jah pagat òòq toq biao biao ngai hnha . <sup>16</sup> Wì ma oe gùng ten aih hadai qnung dabau tõe ta Jérusalem , aràng bài mangai ùh hróc , mangai kiac pawè , diq òng jah broq brèh.

[Type text]

*Wì rùp baxa mangai tiaq cla..*

<sup>17</sup> Jò aih , pajàu haqnèq xam bài mangai tiaq haq (aih mangai Sađusê ) ta manoh wì haq bình kan taji , <sup>18</sup> rùp clêh bài mangai tiaq cla , <sup>19</sup> Mahaq jò damang i mòeq bình plinh da Chuaq pèh qmang qnoh mangai tiaq cla loh enh gùng . <sup>20</sup> Bình plinh doe : Lam beq ! lam yòng tanòe hamlang hnim kùh waiq , anoe ka wì ta aih loq rìm bàu kan rìh kô. <sup>21</sup> Mangai tiaq cla tàng toq aih nà , bu qngah wì haq mùt ta hnim kùh waiq , hi hnài wì ta aih. Mahaq , Pajàu haqnèq xam bài bua haq trùh , wì creo ka dabau tagop ta hnim hadrah , hloe điq dõng xam bài gucraq mangai Isorali . Wì thê linh lam ta hnim cadrong rùp qnoh bài mangai tiaq cla loh enh gùng am ka wì haq. <sup>22</sup> Mahaq jò bài linh trùh ta hnim cadrong , ùh hnoq bài mangai tiaq cla ta aih , wì hlài doe :<sup>23</sup> Nhèn hnoq qmang oe raq clenh cajap , bài linh rap oe raq yòng ajang trong qmang , mahaq jò pèh qmang enh dalam ùh i hnoq cabô . <sup>24</sup> Cwan wèq hnim tagop xam bài pajàu tàng doe qmang aih , wì nòeh rai hamàih ùh qnì hagleq majah qmang aih . <sup>25</sup> Mahaq i mangai trùh doe : Hatau bài mangai pì cwan ma khoe rùp clêh , manòeq kô wì haq qnang yòng ta hnim kùh waiq , hnài wì ta aih . <sup>26</sup> Cwan wèq hnim kùh waiq xam bài bua haq ,hi lam rùp ahlài mangai tiaq cla , mahaq ùh hùh dalam ka wì aih majah qmang aih wì haq crê ka mangai bàc ta aih loq hachùq wì haq xi hmo . <sup>27</sup> Wì qnung mangai tiaq cla mùt yòng tanòe hadrah , Pajàu Haqnèq bòch bài mangai tiaq cla : <sup>28</sup> Nhèn khoe ùh lòh pì blinh ùh jah hnài yiniq Jesus am ka cabô , aih kiang pì hnài jàp jìa broq ka Jérusalem bình dõng trong da pì , pì enh taqmòq ka nhèn mahim mangai aih dõq haq dahrôq hlài ta nhèn qmòh?

<sup>29</sup> Phiero xam mangai tiaq cla maqnoeq padreo bàu : Nhèn ep iu tiaq bàu Boc Plinh ùh hnau ka bàu kon mangai . <sup>30</sup> Boc Plinh da boc yaq nhèn khoe broq ka Chuaq Jesus , Mangai pì ma khoe tiang đình jêh cađac talong pagat rìh hlài . <sup>31</sup> Boc plinh khoe dèch atôc haq aih oe enh qma Boc Plinh , broq Bùa ,broq Chuaq , òeq am manoh loq raxach xam kan paclaih yiniq lui ka mangai Isorali . <sup>32</sup> Nhèn kô mangai panhìn hlài trong aih , tiah ka Yiang Hadròeh Boc Plinh ma khoe am ka mangai iu bàu haq . <sup>33</sup> Jò tàng bàu aih , wì cadrit qmòe haninh , nòeh pì cajaq , wì hatình ka dabau chaq trong jêh cađac bài mangai tiaq cla. <sup>34</sup> Mahaq i mòeq ngai Pharisi , yiniq haq Gamalien , mangai hnài ranenh , haq aih bàc ngai iu camaih ka haq , yòng taqne nòe hadrah , thê wì qnoh bài mangai tiaq cla loh enh gùng mòeq ahyàc . <sup>35</sup> Khoe aih ,haq doe : Đìq ka mangai Isorali , pì ep

[Type text]

rabiaq haq oq trong pì padon tabroq ka wì kô .<sup>36</sup> Adroe kô nêh , i mòeq ngai yiniq haq Thêuda , yòng doe ðeh kô mangai broq gàu , ten jah pôn hrinh ngai tiaq haq : Wì jêh haq cachit , diq ðong mangai tiaq haq hi pac lac ðong , pulùch èh pì loh cleq .<sup>37</sup> Atiq ka aih , i mòeq ngai yiniq haq Jiuda , mangai Galili , yòng pagàu , aih wop jò bùa thê rên hlài mangai ta diac haq jah toq leq , haq aih adràc bàc ngai tiaq raðeh , haq aih èh hanoh cachit , mangai tiaq haq hadai haprah hapriang .<sup>38</sup> Manòeq kô au doe ka pì : Wia ma hangai ka wì kô , ðôq ða wì haq. Majah qmang aih tàng joq trong kô loh enh kon mangai , aih èh haq raliang ðeh ,<sup>39</sup> mahaq tàng loh enh Boc Plinh , pì ùh i broq cleq ka wì haq jah , aih budàng pì tamua raðeh hu tajêh ka Boc Plinh .<sup>40</sup> Wì tiaq bàu haq, creò ka bài mangai tiaq cla mùt ta hnim , thê mangai blai wì aih , khoe èh blinh ùh am qmòe wì haq yòc yiniq Chuaq Jesus ðòeq hnài cabô hòim , khoe èh hi caqnaih wì lam.<sup>41</sup> Bài mangai tiaq cla loh enh nòe hadrah , lem bùi ka raðeh khoe tajì ka jah broq mangai pòq kan xalep ka yiniq Chuaq Jesus .<sup>42</sup> Hì leq hì meh , ta hnim kùh waiq , enh hnim kô trùh hnim tau , bài mangai tiaq cla toq anoe hnài yôt Bàu lem ða Chuaq Jesus , aih raq Christ.

### ***Ràih yòc Tapèh ngai ...***

#### **6 .....**

<sup>1</sup> Jò aih ,mangai tiaq èh rai bàc ,dài haq mangai Hêlenit mamùc ka mangai Hêbru , majah qmang aih wì ùh hmàng axong ka bài mangai hadrô ða wì haq dahwèq acaq.<sup>2</sup> Wì Mòeq jàt baiq ngai creò tagop diq ðong bài mangai tiaq hõc , wì doe : Caðac trong hnài bàu Boc Plinh ðòeq hu patih trong ranenh acaq aih joq ùh troq .<sup>3</sup> Manòeq kô oh ðaq ràih yòc taqne cla pì qmat tapèh ngai ma i tiang , bình Yiang Hadròeh , i kan rabiaq , khoe aih nhèn hi ðòeq wì haq patih trong kô .<sup>4</sup> Aih èh nhèn jah toq waiq khàn jah diq ka manoh broq ðeh biac .<sup>5</sup> Bàu kô hatroq manoh diq ðong oh ðaq , wì hi patô Êtien , aih mangai bình manoh lùì xam Yiang Hadròeh , Philip ,Bôcoro, Nicanô , Timôn ,Bamêna xam Nicôla , aih mangai Antiôt neo wìh tiaq trong mangai Juda .<sup>6</sup> wì aràng tapèh ngai aih loh enh nèga bài mangai tiaq cla . Bài mangai tiaq cla waiq khàn khoe aih roh tì ta wì aih .<sup>7</sup> Bàu Boc Plinh chàc rai èh rai hangai , ta Jérusalem mangai tiaq rai bàc . I bàc ngai pajàu hanoh tiaq .

[Type text]

<sup>8</sup> Jò aih ,Êtien jah bình xôq yiang xam cwiang itai , broq bác trong halac taqne phù crông . <sup>9</sup> Mahaq i toq bíaq ngai enh hnim tagop wì ma creo dèh : Tagop da mangai pi tawac , xam bài mangai ta Siren , mangai gùng Alecxando , xam mangai Juda oe ta Silisi , gùng Asi , bài aih yòng tarahen ka Êtien . <sup>10</sup> Mahaq wì ùh blêq kan rabiaq enh Yiang Hadròeh am ka haq jò haq capoch . <sup>11</sup> Aih iq wì hi lam baxrùq wì qnoeq , rameh : Nhèn khoe tàng haq kô tapoch qmèq ka Môise xam Boc Plinh . <sup>12</sup> Wì patùt bài phù crông , bài gucaq xam bài mangai hnài ranenh , khoe aih wì hi clàm cadêh mùt rùp Êtien , aràng haq loh yòng enh ngèa nòe hadrah . <sup>13</sup> Wì hi qnoh dèh bài mangai yòng tapoch qmùt ka haq , bài aih doe rameh : Mangai kô toq capoch troq nòe hadròeh xam ranenh . <sup>14</sup> majah qmang aih nhèn khoe tàng haq doe : Jesus mangai Naxaret raliang cađac nòe kô èh rai broq tablòq hlài ranenh rih acaq Môise ma khoe ðòeq hlài ka bèn . <sup>15</sup> Jò aih bài mangai hangui tanòe hadrah ðiq chrìh ngan Êtien , hnoq hadrò haq tiah ka hadrò bình plinh .

#### *Êtien tanòe hnim hadrah ...*

7....

<sup>1</sup> Craq pajàu haqnèq bòch Êtien : Ajoq qmang aih loq ùh? <sup>2</sup> Êtien padreo bàu : Wì daq xam bài baq , pi tamàng au anoe kô ! Boc plinh da kan ranhòm khoe mahno rađeh ka kan cadraq bèn aih Apraham jò haq oe raq ta gùng Mêso-bôtami , adroe ka haq rih ta Charan , <sup>3</sup> Boc plinh doe : “ Drah cađac gùng kô cađac hloe xam oh daq ih hu lam trùh tanòe au patô am ka ih <sup>(\*)</sup> <sup>4</sup> Jò aih haq hi loh enh Kan-đê lam trùh ta Charan . Atiq ka baq haq cachit , enh aih Boc plinh qnung haq trùh ta gùng pi qnang oe manòeq . <sup>5</sup> Boc plinh ùh am ka haq cleq ta gùng kô , mòeq haqnech taneh toq capiang jènh dua ùh i , mahaq Boc plinh i têu am ka haq xam xinoe haq gùng kô, yac ka jò aih haq qnhòq i kon . <sup>6</sup> Boc plinh doe ka haq rameh : “Xinoe ìh broq ðeh tamoe tanòe taneh ðiac wì qnoeq . Gùng aih rùp wì haq broq hapõng ðic rai baxa pani wì haq pôn hrinh hanam <sup>7</sup> Boc plinh doe “ Mahaq au tahadrah ka bài mangai ma khoe rùp xinoe ìh broq hapõng ðic aih , khoe èh wì haq loh enh gùng aih ðòeq kùh waiq au tanòe kô <sup>(\*)</sup> <sup>8</sup> Khoe aih Boc plinh am ka haq tajao ramènh kat akia. Aih iq , jò Apraham khoe i ka Ysac , haq broq ramènh kat akia ka Ysac jò khoe jah rahem hi. Ysac broq ramènh kat akia ka Jacôp, èh Jacôp broq ramènh aih ka mòeq jàt baiq ngai

[Type text]

kan cadraq .<sup>9</sup> Mòeq jàt baiq ngai kan cadraq tajênh ka Jôsep , wì rùp tech haq broq hapông ta gùng Êdip .Mahaq Boc plinh oe ti haq .<sup>10</sup> rai paclaih haq khoe kan nanxa , broq ka haq jah kan tamêt, kan rabiaq enh ngèa Pharaôn , bùa Êdip , bùa aih dèch haq broq cla craq cwan wèq diq dõng tagùng aih wèq hloe xam hnim bùa .<sup>11</sup> Qnhòng aih , i kan pangot kàn ta gùng Êdip xam gùng Cana-an , nanxa joq qnàng , kan cadraq bèn chaq ùh loh qmòe dahwèq acaq .<sup>12</sup> Jacôp hìa gùng Êdip i qmau , haq hi thê kan cadraq bèn loh ta aih yàng adroe ,<sup>13</sup> Yàng atiq , bài oh daq hi canau ka haq , aih Pharaôn men loq ka xinoe Jôsep .<sup>14</sup> Atiq ka aih , Jôsep thê wì ãi qnoh dèh baq xam wì ta hnim diq dõng jah tapèh jàt padam ngai .<sup>15</sup> Jacôp loh oe ta Êdip , haq cachit ta aih , bài cadraq bèn hadai qmang aih ,<sup>16</sup> Atiq ka aih èh , jah ahlài ta Sichem catùh tanòe ralùng Apraham ma khoe yóc bac rot hlài enh nang noe Hêmo oe ta Sichem .

<sup>17</sup> Mahaq ten trùh jò Boc plinh hu pagêh deh bàu haq ma khoe têu ka Apraham , bài mangai bèn oe ta gùng Êdip èh rai bàc .<sup>18</sup> Trùh jò gùng aih i mòeq ngai bùa qnoeq ùh loq ka Josep .<sup>19</sup> Haq aih chaq trong hu palùng ãac xinoe Isorali rai baxa kan cadraq bèn , thê wì cadraq bèn tèm cađac kon qyoh neo hauang , ãoq cachit ãac dõng .<sup>20</sup> Môise hanoh jah hauang jò aih diq , haq yeo alàng ka kon qyoh qnoeq , jah ban dèh ta hnim baq piq khê .<sup>21</sup> Trùh hi wì ma ep cađac haq , kon cađi ãa Pharaôn hi dèch haq tõi enh ãiac , ban broq deh kon .<sup>22</sup> Môise hõc yóc dõng kan rabiaq ãa mangai Êdip , enh bàu capoch trùh yiniq broq diq rabiaq .<sup>23</sup> Mahaq jò haq pôn jàt hanam , ta manoh haq hmàng enh lam hmàih deh ka oh daq aih mangai Isorali .<sup>24</sup> Môise hnoq i mangai baxa mòeq ngai oh daq ta aih , haq wiang deh ti oh daq jêh cachit mangai Êdip ãòeq hu patem chau .<sup>25</sup> Haq hèm dèh oh daq loq Boc plinh khoe yóc haq ãòeq dèch paclaih wì , mahaq wì ùh qnì .

<sup>26</sup> Trùh hi atiq , jò wì qnang tajêh dabau , Môise thia haten hu plah , haq doe : Òq wa , oh daq wia ka jêh hrin dabau qmang qmat ?<sup>27</sup> Mangai ma jêh deh búa caqnhùt ãac Môise rai doe : Cabô khoe dèch ih broq cwan ãòeq hadrah nhèn ,<sup>28</sup> Ahiaq ih enh jêh ãac nhèn qmang ka mangai Êdip hi nèh?<sup>29</sup> Môise bu tàng qmang aih haq ãrah cađau amot tagùng Mađi-an , ta aih haq i baiq ngai kon calô .<sup>30</sup> Atiq ka aih , pôn jàt hanam , mòeq bình plinh loh ta haq , tanòe hawit trong wang Sina-i , taqne pla ùnh cheo xem yila .<sup>31</sup> Môise hnoq qmang aih , hamàih pi cajaq , haq thia ka haten ãòeq hu ngan , haq tàng bàu Chuaq doe :<sup>32</sup>

[Type text]

“ Au kô raq Boc plinh da Apraham , da Ysac , da Jacôp . Môise crê pi cajaq ,ùh hùà blèch ngan .<sup>33</sup> Chuaq doe “ Drah lêh jai ih qmat ,majah qmang aih nòe ih yông qmat , aih nòe taneh hadròeh .<sup>34</sup> Au joq khoe hnoq kan nanxa mangai da au oe ta gùng Êdip , au khoe tàng bàu wì haq hràng, hacô au khoe loh hu paclaih wì haq . Manòeq lam tacô , au hu thê ih hlài ta Êdip .<sup>35</sup> Môise aih mangai wì khoe qnoh đac , wì doe : Cabô khoe dèch ih broq cwan đòeq hadrah nhèn ? Aih raq mangai Boc plinh khoe thê broq gàu broq mangai paclaih , canòm ka mòeq bình plinh loh doe ka haq ta xem yila .<sup>36</sup> Aih raq mangai khoe qnung wì haq loh enh Êdip , broq bác teo halac kan hamàih ta gùngÊdip , ta diac Raxiq gòh ,xam pôn jàt hanam tanòe braih kàn. <sup>37</sup> Môise kô raq ma khoe anoe ka mangai Isorali : Atiq kô èh Boc Plinh paqnàng taqne pì oh daq ,mòeq ngai pajàu tiah ka au <sup>(\*)</sup> <sup>38</sup> Aih raq Mangai khoe oe ti Isorali tanòe braih kàn ,oe ti bình plinh yiang ma khoe capoch tuàng ka haq xam yaq boc bèn ta bui wang Sina-i . Haq khoe yôc bàu kan rih đòeq hu am hlài ka bèn .

<sup>39</sup> Aih raq mangai yaq boc bèn ùh iu qmòe blinh bàu haq , cađac haq đòeq hu ta ngèa dèh manoh ta gùng Êdip , <sup>40</sup> wì anoe ka Arôn : Broq bòe kiac hu lam adroe ka nhèn beq , majah qmang aih Môise mangai ma khoe qnoh nhèn loh enh gùng Êdip , pì qni haq khoe glàm yiniq cleq taleq hnha <sup>(\*)</sup> <sup>41</sup> Ta bài hi aih , wì broq mòeq toq radua qmù bo kon , dèch ramènh ka radua qmù rai lem bùi dèh ka yiniq broq loh enh tì kống cla. <sup>42</sup> Boc plinh hi cađac wì haq , dōq da wì haq kùh waiq mat mahì , mat khê xam bài halǒng ta trǒc , qmang ka bàu khoe achìh ta hset pajàu rameh :

Điđ ka mangai Isorali , pôn jàt hanam nòe braih kàn ,

pì i hmaq dèch ka au ramènh tadreo leq ùh .

<sup>43</sup> Jò pì tòng ranòh da Molǒc ,

Xam halǒng da kiac Rom phan ,

Aih bài radua qmù cla pì broq loh đòeq hu kùh waiq qmòh?

Qmang aih èh au hadai lam palac pì ta gùng Babilôn <sup>(\*)</sup> .

<sup>44</sup> Hnim ranòh kùh waiq oe ti yaq boc bèn tanòe hawit , qmang ka Chuaq khoe thê Môise broq tiaq dua haq khoe hnoq <sup>45</sup> Atiq ka aih, yaq boc bèn khoe aràng

[Type text]

hnim ranòh kùh waiq aih , tiaq Josuê mùt tagùng wì haq ma khoe blah yóc enh  
tì kǝng bài mangai diac wì , Boc plinh ma khoe hnan qnoh enh ngèa wì haq ,  
hnim ranòh kùh waiq aih oe yót ta aih trùh qnhòh bùa Đawit ,<sup>46</sup> aih mangai  
jah xòq ramot enh ngèa Boc plinh , haq bòch mòeq nòe hu òeq ka Boc plinh da  
Jacôp oe .<sup>47</sup> Khoe aih , bùa Salomôn broq am ka Chuaq mòeq toq hnim .<sup>48</sup>  
Mahaq Yiang Dìq Jaq Haqnhèq ùh oe ta hnim broq enh tì kǝng kon mangai ,  
tìah ka bàu pajàu khoe doe :

<sup>49</sup> “ Chuaq doe : Trǝc aih gèq au ,

Taneh aih nòe au roh jènh,

Hnim qmang leq pì broq ka au ,

I nòe leq dòq ka au padài ?

<sup>50</sup> Ma ùh joq tì kǝng au broq loh diq òng rìm yiniq kǝ qmòh? (\*)

<sup>51</sup> Wùih ,bài mangai cadoq ranǝng , manoh xam don qnhòq kat akia meh! Pì àu  
tablêq yót ka Yiang Hadròeh , kan cadraq pì qmang leq ,pì hadai qmang aih !<sup>52</sup>  
I pajàu leq kan cadraq pì ùh rùp ? Wì hadai khoe jêh cađac bài mangai pajàu  
anoe trùh Mangai taq atoq, manòeq kǝ pì raq khoe rùp jêh cađac Mangai aih.<sup>53</sup>  
pì khoe yóc ranenh anoe qnoh xi bàu bình plinh ,mahaq pì ùh wèq tiaq ranenh  
aih.!

*Êtien cachit....*

<sup>54</sup> Wì tàng bàu aih , ta manoh nòeh pì cajaq , wì cadrit qmòe hanenh ka Êtien.<sup>55</sup>  
Mahaq Êtien jah bình Yiang Hadròeh , haq qngoc ngan ta plinh ,hnoq kan  
ranhòh Boc plinh , hnoq Chuaq Jesus yòng enh apah qma Boc plinh ,<sup>56</sup> haq  
doe : Hatau , au hnoq Diac plinh tapèh , i Kon mangai yòng apah qma Boc plinh  
. <sup>57</sup> Jò aih , bài wì cajiah cadêh rai bàng don , wì glàm ta haq<sup>58</sup> hua qnoh Êtien  
enh gùng ka plài , wì yóc hmo òp rachùq haq . Bài mangai yòng capoch dech  
ka Êtien yóc deh eo yòh òeq ajàng nòe jènh mòeq ngai guradam yiniq haq aih  
Saulo .<sup>59</sup> Jò wì oe raq òp haq , Êtien waiq khàn : Waiq Chuaq Jesus ih òh yóc  
mahua au .<sup>60</sup> Khoe aih , haq kùn cràng rai capoch cadêh : Waiq Chuaq , apaq  
taqmòq yiniq lui kǝ ka wì ! Bu khoe ka bàu aih , haq hi kùì .

[Type text]

### *Saulo ti chaq rùp Tagop Hadròeh ..*

8 ..

<sup>1</sup> Êtien cachit aih troq ka manoh Saulò , jò aih Tagop Hadròeh ta Jérusalem glàm kan habò kàn , enh gùng ka bài mangai tiaq cla , diq dõng ka mangai lùl Chuaq ep cadàu prah priang jàp gùng Judê xam gùng Samari. <sup>2</sup> Mahaq , bài mangai diq ka manoh iu yùq ka Boc plinh catùh hanang Êtien rai crò hmoe ka haq . <sup>3</sup> Mahaq pang aih ,Saulo àu raliang đac Tagop Hadròeh . Lam enh hnim kô trùh hnim tau haq ti hua qnoh rùp clêh gucalô xam gucadri .

### *Mangai samari tiaq trong Chuaq ..*

<sup>4</sup> Bài mangai ma khoe cadàu paclac trùh taleq anoe Bàu lem ta aih . <sup>5</sup> Philip hadai qmang aih , haq cadàu loh ta Samari rai anoe Chuaq Jesus Christ ka wì ta aih , <sup>6</sup> wì ta aih tàng bàu haq hnài rai hnoq kan halac haq broq , diq ka wì mòeq manoh tamàng bàu haq, <sup>7</sup> i bõe kiac chõc breo cadêh cadàu loh enh chac bàc ngai , mangai cwê jah brêh hanoh bàc . <sup>8</sup> Dài aih , ta gùng aih i kan lem bùi kàn . <sup>9</sup> Jò aih , gùng aih i mòeq ngai yini haq Simôn , broq pajàu tadreo , diq ka mangai Samari hamàih đeh hra ka haq . Haq doe rađeh kô mangai i tiang i bang. <sup>10</sup> Enh guqyoh trùh gucraq diq manè dèh haq , wì doe : Mangai kô raq kan itai kàn da Boc plinh , <sup>11</sup> Wì tiaq haq ,majah qmang aih khoe dùnh wì hamàih ta manoh jò wì hnoq trong haq ti blàih blõng . <sup>12</sup> Yàng jò wì ma hi lùl Philip aih mangai hnài Bàu lem Diac plinh , lùl yiniq Chuaq Jesus , mangai gucalô xam gucadri diq jah broq baptem .

<sup>13</sup> Simôn hadai lùl Chuaq , atiq ka jah broq baptem haq hi oe hloe ti Philip , hnoq bài kan halac , haq hamàih pi cajaq .

<sup>14</sup> Mòeq jàt baiq ngai tiaq cla dua oe raq ta Jérusalem , hĩa ta gùng Samari khoe yõc bàu Boc plinh , wì haq thê Phiero xam Jon trùh ta aih . <sup>15</sup> Wa trùh ta aih , waiq khàn ka mangai neo tiaq , đõq wì aih jah yõc Yiang Hadròeh. <sup>16</sup> Majah qmang aih Yiang Hadròeh qnhòq loh ti cabô taqne wì aih , wì haq toq canòm ka yiniq Chuaq Jesus đõe q jah broq baptem . <sup>17</sup> Wa Phiero wa Jon roh ti ta chac mangai neo tiaq , diq ka wì hi jah yõc Yiang Hadròeh .

[Type text]

<sup>18</sup> Simôn hnoq wa mangai tiaq cla ðòeq ti ta chac cabô mangai aih hi jah Yiang Hadròeh , haq hi yôc bac dèch ka wa rai doe : <sup>19</sup> Am ka au kan itai aih diq , ðòeq mangai leq au roh ti haq aih hi jah Yiang Hadròeh . <sup>20</sup> Mahaq Phiero doe : Bac ih qmat thê haq hnhung lùch tiaq cla ih , majah qmang aih ih hèm dèh yôc bac canau plàih rot kan tabàih enh Boc plinh ! <sup>21</sup> Ìh ùh jah pajùm cleq ti nhèn , majah qmang aih manoh cliac ih ùh hnhuh lem enh ngèa Boc plinh . <sup>22</sup> drah loq raxach cađac deh kan dù qmat ðòeq hu waiq khàn ka Boc plinh , dōq kan qmèq ta manoh ih jah caqnaih. <sup>23</sup> Majah qmang aih ,au hnoq ih qnang rih oe ta clong mat xang , talong clang kan dù . <sup>24</sup> Simôn padreo bàu : Au ngèh deh ka chôp raq waiq khàn Boc plinh am ka au , dōq au ùh hiaq glàm deh bài yiniq chôp ma anoe aih . <sup>25</sup> Atiq ka wa anoe hnài bàu Boc plinh rai paqnoh Chuaq Jesus am ka wì , wa Phierò wa Jon hi wìh hlài ta Jérusalem , rai lam rai hnài Bàu Lem ta bàc plài da mangai Samari .

#### *Mangai Êthiôpi....*

<sup>26</sup> Jò aih ,i mòeq bình plinh da Chuaq doe ka Philip “ Drah yòng beq ! lam trong apah qma enh Jérusalem loh ta Gaxa . Trong aih hawit . <sup>27</sup> Haq padinh yòng hi lam . Ti trong lam haq hnoq mòeq ngai cwan khoe xon Êthiopi, cwan patih ka Candac , aih bùa cadri diac Êthiôpi , cwan aih wèq diq dōng kùng hang bùa aih . Haq khoe tōc kùh waiq ta Jérusalem , <sup>28</sup> Jò dang hlài haq hangui ta xê , ðōc ta hset pajàu Êsai . <sup>29</sup> Yiang Hadròeh doe ka haq “ Drah lam haten tem xê axêh tau . <sup>30</sup> Philip cadàu ka haten , tàng mangai Êthiopi aih ðōc hset Êsai , aih haq hi bōch : Ìh aloq tàng bàu ih ma ðōc aih ùh? <sup>31</sup> Cwan aih doe : Ùh i cabô anoe ka au broq qmang leq au maloq tàng ? Cwan aih hi pachùh Philip tōc hangui tia cla haq .

<sup>32</sup> Cwan aih ðōc ajang kô ta hset Hadròeh :

“Wì khoe hua haq tiah ka kon trùu trùh nòe xah jam

Tiah kon trùu làu enh ngèa mangai got xac ,

Haq ùh dahah hacùng ,

<sup>33</sup> Jò haq loh deh ka hamoq aih kan taq atoq da haq wì khoe cađac .

Oe i cabô ma qmon hlài qnhòng da haq ?

[Type text]

Majah qmang aih kan rih haq ta crõng taneh wì khoe dèch đac” .(\*)

<sup>34</sup> Cwan khoe xon aih doe : Au bõch ìh , pajàu aih anoe trùh cabô ? Ahiaq haq anoe cla rađeh , ùh meh haq anoe trùh mangai leq ? <sup>35</sup> Philip hi patep ajang nõe Hset Hadrõeh cwan ma đõc aih đòeq hu anoe Chuaq Jesus am ka cwan aih loq .

<sup>36</sup> Wa qnang lam ti trong , glàm nõe i diac , cwan aih bõch : Hacô diac kô , i hiaq i cleq khech tât au broq baptem loq ùh? <sup>37</sup> Philip doe : Tàng joq ìh điq ka manoh lùì aih jah . Cwan khoe xon aih doe : Au lùì Chuaq Jesus Christ aih Kon Boc plình . <sup>38</sup> Haq the xê axêh yòng ajang aih , điq baiq wa loh ta diac , Philip hi broq baptem am ka cwan jang aih. <sup>39</sup> Jò tõi enh diac , Yiang Hadrõeh da Boc plình hi aràng Philip taqnoeq , cwan pì oe hnoq haq hòim , mahaq dua rai hlài rai lem bùi . <sup>40</sup> Yàng Philip aih wì hnoq haq ta Axõt , enh aih haq lam ta Sêsarê , trùh pang leq haq hnài Bàu Lem ta aih.

9 ..

#### *Saulo tawìh tiaq bàu lem ....*

<sup>1</sup> Jò aih , Saulo ùh hêq ka hacam ti chaq jêh cađac mangai tiaq Chuaq Jesus , haq trùh ti mangai pajàu haqnêq , <sup>2</sup> bõch jàiq enh haq aih hu aràng roc hnìm tagop qyoh ta gùng Đamat , waq toq hnoq magai leq tiaq Trong bàu lem yac ka mangai calô , mangai cadri , kât ahlài điq ta Jêrusalem . <sup>3</sup> Mahaq jò Saulo qnang lam ten trùh ta Đamat , ka doe i kan qngah enh plình sreo qngah du danh ka haq . <sup>4</sup> Haq cro ta haqneq rai tàng bàu tapoch ka rađeh : “ Saulo , Saulo , hagleq ìh majah ti chaq rùp au ? <sup>5</sup> Haq bõch : Waiq Chuaq , Ìh cabô ? Bàu aih têu “ Au kô raq Jesus mangai ìh ma chaq rùp baxa . <sup>6</sup> mahaq manòeq kô yòng beq , mùt ta plài , i mangai anoe ka ìh trong ìh ma ep broq . <sup>7</sup> Điq ka mangai lam mòeq qmang ti haq , yòng ta aih hi haglênh pì jah tapoch qmòe cleq , wì tàng bàu tapoch mahaq ùh i hnoq qmòe cabô . <sup>8</sup> Saulo àu yòng enh taneh , mat aih blêch mahaq ùh xau hnoq qmòe cleq. Wì carùp tì haq qnung haq mùt ta Đamat <sup>9</sup> haq oe ta aih pìq hì , mat ùh xau hnoq cleq , ùh dùh ka acaq ùh dùh ka ôq .

#### *Ana-nia broq baptem ka Saulo....*

<sup>10</sup> Jò aih ta Đamat i mòeq ngai tiaq hõc yiniq haq Ana-nia, ta kan mahno Chuaq creo ka haq: “Anania !” Haq padreo bàu : Chuaq au ! hacô au kô . <sup>11</sup> Chuaq doe

[Type text]

ka haq : “Drah yòng beq , lam ta trong wì ma creó Trong jang , chaq Saulo mangai Tacso, oe ta hnim Juđa , majah qmang aih haq qnang waiq khàn” .<sup>12</sup> haq khoe hnoq i mỏeq ngai yiniq Ana-nia , mùt ta hnim yỏc tì bẻq ta chac haq , đởq haq mat haq jah qngah hlài .<sup>13</sup> Anania padreo bàu : Waiq Chuaq au ! Au tàng bẻc ngai anoe hlài mangai kỏ khoe broq kan habo ka bẻc ngai hadrẻh ìh ta Jẻrusalem .<sup>14</sup> Manẻq haq lam tacỏ , haq jah đởng cwiẻng enh wì mangai pajàu haqnẻq , đẻq rụp kẻt điq đởng mangai ma creó dang yiniq ìh .<sup>15</sup> Mahaq Chuaq doe ka Ana-nia “ Drah lam beq, majah qmang aih au khoe rẻih mangai kỏ đẻq broq ranac da au , hu anoe yiniq au ka mangai điac wì , ka bẻi bừa, hẻc xam mangai Isorali ,<sup>16</sup> Au jì doe đởq haq loq kỏ ẻh taiq yiniq au haq ẻp chiủq xalep đẻng leq cadẻh .

<sup>17</sup> Ana-nia hi yẻng lam , haq mùt ta hnim , khoe aih haq yỏc tì roh ta chac Saulo rai doe : Daq Saulo , Chuaq aih Jesus ma khoe loh ti ìh ti trong jỏ ìh lam tacỏ , khoe thẻ au trủh , đởq mat ìh jah qngah hlài rai jah bẻnh Yiang Hadrẻh .  
<sup>18</sup> Tajẻ qmẻ jỏ aih i cẻq tẻah ka cachẻp cẻih enh mat Saulo aih mat haq hi hnoq . Haq padẻnh yẻng đởq wì broq bẻtem ka rẻẻh .<sup>19</sup> Jỏ haq khoe acaq aih haq hi tadẻh hlài .

#### *Saulo oe ta Đamat xam Jẻrusalem...*

Saulo oe ta Đamat toq bẻaq hi ti bẻi mangai tẻaq hỏc .<sup>20</sup> Haq drah hnài roc him tagop qyoh : Chuaq Jesus aih kon Boc Plẻnh .<sup>21</sup> Bẻi mangai tàng bàu haq aih, điq loh ka hamẻih , wì doe : Ma ùh xẻi haq qmat raq mangai yẻng rụp baxa điq đởng ka oh daq ta Jẻrusalem ma creó dang yiniq kỏ , ma ùh joq haq lam tacỏ hu rụp kẻt ahlài wì ka bẻi mangai pajàu kẻn qmẻh? <sup>22</sup> Mahaq Saulo rai ẻh rai cajap manoh , haq goh bàu bẻi mangai Juđa ma oe ta Đamat , haq doe ka wì : Chuaq Jesus aih raq Christ .<sup>23</sup> Bẻc hi atẻq ka aih , bẻi mangai Juđa hatẻnh ka dabau chaq trong jẻh cadẻc Saulo .<sup>24</sup> Mahaq i mangai bahẻa ka Saulo loq trong mangai Juđa ma ta hatẻnh . Wì tẻt điq đởng roc qmang ngo đẻẻq hu gỏm jẻh đẻc Saulo .  
<sup>25</sup> Yẻng ẻh jỏ damang , bẻi mangai tẻaq hỏc yỏc rajo kẻn cadrai qnoh haq loh enh gẻng ka panẻt canẻng .<sup>26</sup> Jỏ Saulo khoe trủh ta Jẻrusalem , haq enh taqmẻt ti mangai tẻaq hỏc ta aih , mahaq wì hỏq ka haq , ùh lủi haq hadẻi khoe broq mangai tẻaq hỏc .<sup>27</sup> Banaba hi ajẻn haq , qnẻng haq trủh enh ngẻa bẻi mangai tẻaq clẻ rai taqmon đởq wì aih loq ti trong Chuaq Jesus khoe loh anoe ka Saulo

[Type text]

qmang leq, ta Đamat haq khoe hnài yiniq Chuaq Jesus , ùh lòm yùq crè qmòe cleq .<sup>28</sup> Pang aih , Saulo thia lam hlài ti mangai tiaq hóc ta Jérusalem .<sup>29</sup> Canòm ka yiniq Chuaq Jesus haq capoch tuàng ùh yùq qmòe cleq . Haq hadai tarahen ka mangai Hêlênit , mahaq wì aih chaq trong hujêh cađac haq .<sup>30</sup> Jò oh daq hìa qmang aih , wì aràng haq trùh ta Sêsarê , èh thê haq lam ta gùng Tacso

*Ênê jah brêh ...*

<sup>31</sup> Qmang aih ,điq ka Tagop Hadròeh tagùng Juđê , gùng Galili xam gùng Samari jah kan lem bùi catèm , jah hagau ,rih ta kan loq iu Chuaq ,canòm ka Yiang Hadròeh wiang , mangai tiaq èh rai bác tam. <sup>32</sup> Jò aih, Phiero lam jàp gùng , haq trùh hmàih ka mangai oh daq ta Chuaq tagùng Lyđa. <sup>33</sup> Ta aih i mòeq ngai pen yiniq haq Ênê , kùi mòeq nòe ta racoh khoe rahim hanam . <sup>34</sup> Phiero doe ka haq : Daq Ênê ! Chuaq Jesus Christ broq ka ìh jah brêh , drah yòng beq , ti don da ìh racoh ìh ma kùi qmat . Drah adrình hloe jò aih , haq padinh yòng .<sup>35</sup> Dìq ka mangai ta Lyđa xam gùng sarôn hnoq qmang aih wì hi tawìh hlài ta Chuaq.

*Tabitha rih hlài*

<sup>36</sup> Oe ta Jopbê ,taqne mangai tiaq hóc , i mòeq ngai cadri yiniq haq Tabitha ,(bàu Gorec aih Đôca ), haq broq bác yiniq lem rai loq ti am ka mangai pa . <sup>37</sup> Jò aih, haq ùh hróc èh hi cachit . Wì ti ti qnheo hanang haq , khoe hi ta qngùi haq tabluàng talàu qnhèq <sup>38</sup> Mangai tiaq hóc tàng doe Phiero qnang oe ta Lyđa , haten ka Jopbê , wì hi thê baiq ngai lam akhen ka haq , wa doe : Ìh drah lam rênh haq .

<sup>39</sup> Phiero hi yòng lam ti wa aih . Jò trùh ta aih , wì atóc haq ta bluàng haqnhèq , điq đồng bài mangai cadri hadrô yòng dudan ka haq rai hmoe , wì patô ka haq ngan bài eo yôh xam bài eo hlaq , Đôca khoe jìp am ka wì jò haq oe rìh . <sup>40</sup> Phiero thê wì loh đồng enh gùng , khoe aih haq hacùn cràng hu waiq khàn , haq wìh tajang ka hanang , rai doe : Tabitha , yòng beq !. Mangai gucadri aih hi blèch mat ,hnoq Phiero , haq drah yòng qmòe ka rênh . <sup>41</sup> Phiero hnhu tì ka haq carùp hu dèch haq yòng , èh haq tí creo ka wì ma lùì Chuaq ta aih , hloe xam bài mangai cadri hadrô , đòq wì hnoq haq aih khoe rìh hlài . <sup>42</sup> Yiniq aih tagùng

[Type text]

Jopbê wì hia òi òi òi .Aih òi , majah òi bàc ngai lùl Chuaq. <sup>43</sup> Phiero oe ta Jopbê bàc hì , haq oe ta hnim mangai thòq broq akia yiniq haq Simôn.

10 ..

### *Kot-nai creo ka Phiero ....*

<sup>1</sup> Tagùng Sêsarê , òi mòeq ngai yiniq haq aih Kot-nai , broq cla craq wèq mòeq hính ngai lình Italia . <sup>2</sup> Cla haq xam cadraq haq òi rih rabiaq alàng loq iu yùq Boc Plính , loq tabàih am ka mangai hamoq , waiq khàn ka Boc plính ùh lah catech. <sup>3</sup> Ì mòeq hì , wop qnah ta piq jò òi xèq , ta kan mahno haq hnoq òi mòeq bình plính enh Boc plính trùh doe ka haq : “ Kot-nai !” <sup>4</sup> Mat haq ngan ta bình plính rai tarit tariang , haq padreo bàu : Waiq chuaq ! ahiaq òi yiniq cleq ùh? Bình plính doe “ Bàu waiq khàn xam kan tabàih òi òi am ka mangai hamoq tõe khoe trùh ta Boc plính , Haq khoe hmàng òi òi . <sup>5</sup> Manòeq kò drah thê mangai lam ta Jopbê, akhen ka mòeq ngai yiniq haq Simôn , mangai wì ma creo Phiero aih . <sup>6</sup> Manòeq kò haq oe ta hnim Simôn , aih mangaih thòq broq akia , hnim haq ten kênh diac raxiq . <sup>7</sup> Jò bình plính ma tapoch ka haq khoe lam , Kot-nai hì creo deh baiq ngai hapõng xam mòeq ngai lình ma òi òi manoh ka haq , <sup>8</sup> haq anoe hlài ka wì tàng òi òi , khoe aih haq hì thê lam ta Jopbê . <sup>9</sup> Hì atiq wì piq ngai qnang lam ti trong , jò qne hì wì lam ten trùh ta Jopbê , Phiero tõe enh kùh po hnim hu waiq khàn . <sup>10</sup> Haq loh ka pangot enh acaq jò wì qnang padon qnoh ka haq acaq , haq loh ka pi hmàng pi hmat . <sup>11</sup> Haq hnoq plính tapèh òi cleq tiah taiq ka blah mù kàn wì ma rùp dèch pôn toq mùm cadrai loh ta taneh . <sup>12</sup> Haq hnoq ta aih òi rìm ngè rih òi pôn toq jènh , rìm yiniq rih loq rai pan rai moq ta taneh , xam chìm ta trõe . <sup>13</sup> Khoe aih òi bàu doe ka haq “ Phiero ! drah yòng beq , broq jam qmat hu acaq” <sup>14</sup> Mahaq Phiero padreo bàu : Chuaq au ! ùh òi , majah qmang aih au ùh lah acaq adrech cleq ma ùh hruah. <sup>15</sup> Bàu aih doe tam ka haq “ Yiniq cleq Boc plính khoe broq haq hadròeh , aih paq ngan haq oe raq ùh hruah” . <sup>16</sup> Bàu aih doe ka haq piq yàng , khoe èh cleq aih hì dèch atõe hlài ta plính . <sup>17</sup> Jò Phiero oe raq hèm trùh kan mahno òi ma khoe hnoq aih , bài mangai Kot-nai thê lam , chaq khoe hnoq hnim Simôn , khoe yòng qmòe ajang trong qmang . <sup>18</sup> Wì creo bõe : Simôn wì ma creo Phiero aih ajoq oe ta hnim kò loq ùh ? <sup>19</sup> Phiero oe raq hèm yôt ta kan mahno , Yiang Hadròeh doe ka haq “ Hatau òi piq ngai chaq òi . <sup>20</sup> Drah yòng loh lam ti wì beq ! apaq rangòt , majah

[Type text]

qmanq aih au kô ma khoe thê wì haq .<sup>21</sup> Phiero hi loh ta wì , haq doe : Hacô au kô , mangai pì ma qnang chaq , pì trùh i yiniq cleq ùh ?<sup>22</sup> Wì padreo bàu : Claq craq nhên Kot-nai ,aih mangai taq atoq loq yùq crê ka Boc plinh , mangai Juda diq capoch lem ka haq , i mòeq bình plinh hadròeh anoe ka haq , thê nhên lam tacô akhen waq qmòe ka jah ìh hlài deh ta hnim haq , òeq tamàng bàu ìh hnài .<sup>23</sup> Phiero pachùh wì mùt ta hnim , mang aih haq dōq wì oe kùì ta aih . Sroq èh , Phiero yòng lam ti wì , i bìaq ngai oh daq ta Jopbê hanoh tiaq haq.<sup>24</sup> Hì atìq wì trùh ta Sêsarê , cla Kot-nai loh òh , rai kùh rai bla op nòe jènh Phiero .<sup>26</sup> mahaq Phiero dèch haq yòng rai doe : Ìh yòng beq , au kô hanoh mangai .<sup>27</sup> Phiero capoch tuàng ti Kot-nai , jò mùt ta hnim haq hnoq i bacc ngai khoe tagop ti dabau ta aih .<sup>28</sup> Haq doe ka wì : Mangai Juda ùh khòh ta qmùt ti mangai diac wì , hadai ùh khòh thia ta hnim wì . Mahaq Boc plinh khoe mahno ka au loq ùh jah ngan mangai leq amùà ùh sròeh .<sup>29</sup> Aih iq jò mangai ìh thê lam chaq au bu trùh , au hadai ùh hòq cleq ka trùh tacô . Aleq au bòch ,i yiniq cleq pì majah akhen ka au trùh tacô ?

<sup>30</sup> Kot-nai padreo bàu : Khoe pôn hì ta adreo kô , qnah ta piq jò di xèq , au qnang oe ta hnim waiq khàn , cadoe i mòeq ngai caxùnh eo tabòc ka-ah ka-iang yòng enh ngèa au ,<sup>31</sup> mangai aih doe : Kot-nai ! bàu waiq khàn ìh khoe jah di , yiniq ìh ma ti tabàih ka mangai pa Boc Plinh khoe hmàng da ìh .<sup>32</sup> Manòeq kô ìh thê mangai lam ta Jopbê , akhen ka Simôn wì ma creò Phiero aih lam tacô : Haq qnang oe ta hnim Simôn thòq broq akia , hnim aih ten kènh diac raxìq .<sup>33</sup> Au hi drah thê lam chaq ìh , ìh trùh tacô aih joq troq . Manòeq kô , diq dōng ka nhên qnang oe enh ngèa Boc plinh , hu tamàng bàu haq khoe tanap ka ìh òeq anoe hlài ka nhên .

<sup>34</sup> Phiero hi anoe : Joq qnàng , au loq Boc plinh ùh loq waq tang ngai ,<sup>35</sup> mahaq diq dōng ka mangai ta crōng taneh , waq toq cabô loq iu yùq ka haq rai broq trong taq atoq , mangai aih jah lem manoh haq .<sup>36</sup> Aih la bàu haq khoe anoe ka mangai Isorali , jò hnài Bàu lem da kan catèm enh Chuaq Jesus Christ ,aih Chuaq diq dōng da kon mangai .<sup>37</sup> Yiniq aih baxèm enh Galili khoe aih jàp tagùng Judê , atìq ka aih Jon khoe hnài broq baptem ,aih pì hanoh khoe loq ,<sup>38</sup> Boc plinh khoe xùt dầu ka Chuaq Jesus mangai Naxaret xi Yiang Hadròeh , khoe aih haq hi lam enh gùng kô trùh gùng tau ti am xòq ramot rai paclaih ka bài mangai kiac padit , majah qmanq aih Boc Plinh oe ti haq .<sup>39</sup> Nhên mangai

[Type text]

hnoq rìm yiniq haq broq tagùng mangai Juda xam ta Jêrusalem . Wì khoe taqmac haq talong hu jêh cađac .<sup>40</sup> Mahaq trùh hì piq ,Boc plinh khoe broq haq rih hlài rai paqnoh haq.<sup>41</sup> Ûh xài paqnoh am diq dõng ka mangai hnoq , mahaq am toq ka mangai hu lam panhìn , bài mangai Boc plinh ma khoe ràih qmòe enh baxèm , aih nhèn kô mangai ma khoe acaq ôq pajùm ti haq , atiq ka haq rih hlài enh kan cachit .

<sup>42</sup> Haq khoe thê nhèn hnài rai anoe dõq rìm ngai loq haq aih raq Mangai Boc plinh ma khoe xùt dàu đoeq hu hadrah mangai rih xam mangai cachit .<sup>43</sup> Diq dõng bài mangai pajàu hanoh khoe anoe trùh haq , wì doe : waq toq mangai leq lùì haq , aih hì jah claih diq ka yiniq lùì taiq canòm ka yiniq haq .<sup>44</sup> Jò Phiero oe raq anoe , aih Yiang Hadroèh loh oe diq dõng ti mangai ma tamàng bàu .<sup>45</sup> Bài mangai khoe broq ranenh kat akia , aih la bài mangai ma lam ti Phiero ,wì hamàih pi cajaq majah qmang aih wì hnoq Boc plinh hadai ùc am Yiang Hadroèh ka mangai diac qnoeq.<sup>46</sup> Majah qmang aih wì tàng bài aih tapoch bàu crài đoeq manè apôi Boc Plinh .<sup>47</sup> Jò aih Phiero hì doe : Wì kô hadai khoe jah Yiang Hadroèh qmang ka bèn , cabô hùà tât wì haq jah broq baptem xi diac hòm ?<sup>48</sup> Haq hì thê broq baptem ka wì , canòm ka yiniq Chuaq Jesus.Wì àu padràng haq oe tam ti wì toq bìaq hì .

## 11 .....

### *Phiero cwaih rađeh .*

<sup>1</sup> Bài mangai tiaq cla xam oh daq oe ta Judê hìà doe mangai diac wì hanoh khoe tawìh tiaq trong Boc plinh .<sup>2</sup> Jò Phiero khoe wìh tõi ta Jerusalem , bài mangai lùì mahaq khoe broq tiaq ranenh kat akia i tapoch ka haq rameh :<sup>3</sup> Ìh khoe mùt hnim bài mangai qnhòq broq ranenh kat akia , rai acaq pajùm ti wì !<sup>4</sup> Mahaq Phiero yõi rìm yiniq ma khoe loh đoeq taqmon hlài ka wì tiaq tang yiniq i xem goe , rameh :<sup>5</sup> Jò au qnang waiq khàn ta Jopbê aih au loh ka pi hmàng , ta kan mahno au hnoq i cleq tiah ka mòeq blah mù kàn , pôn toq mùm haq aih yinh atõi ,qnhùà qnoh enh plinh clih enh ajàng qngèa au .<sup>6</sup> Au ngan ka nhìn ta aih , hnoq ta aih i bài ngè i pôn toq jènh , bài jam gùng ,bài yiniq ma loq ti pan loq ti moq ta taneh xam bài chìm pan ta trõi .<sup>7</sup> Khoe aih ,au tàng i bàu doe ka au “ Phiero ! drah yòng beq , broq jam qmat hu acaq.<sup>8</sup> Au padreo bàu : Chuaq au !

[Type text]

ùh òh , majah qmang aih ùh lah i cleq amùà ùh sròeh mùt ta hacùng au. <sup>9</sup> Bàu enh plinh doe hòh ka au yàng baiq “Bàl yiniq cleq Boc Plinh ma khoe basròeh ùh dùh doe haq oe raq amùà .” <sup>10</sup> Bàu aih capoch lauq piq yàng , khoe aih, diq òh òh bàl yiniq aih hi jah dèch hlài ta plinh . <sup>11</sup> Meh oq, draq drinh hloe jò aih , piq ngai enh Sêsare wì ma thê lam ta au , khoe trùh qmòe ajang qmang hnim au ma oe . <sup>12</sup> Yiang Hadròeh thê au lam ti wì aih , apaq hòh cleq . Hacô , tadràu ngai oh daq kô hanoh lam ti au , èh hadai diq òh òh ka nhèn mùt ta hnim Kot-nai . <sup>13</sup> Haq aih hi anoe hlài ka nhèn haq i hnoq mòeq bình plinh loh ta hnim haq qmang leq rai thê “ Drah thê mangai lam ta Jopbê , akhen ka Simôn wì macreo Phiero aih trùh tacô . <sup>14</sup> Haq aih hi anoe ka pì , òh òh canòm ajang bàl bàu aih, ìh xam diq ka cadraq ìh jah dèch . <sup>15</sup> Au bu qnang anoe , aih i Yiang Hadròeh enh qnhèq loh ti wì , tiah ka jò baxèm haq khoe loh ti bèn diq . <sup>16</sup> Aih au hi hmàng hlài bàu Chuaq Jesus khoe doe “ Jon khoe broq baptem xi diac , mahaq kô èh pì jah baptem xi ùnh . <sup>17</sup> Qmang aih , tàng joq Boc Plinh khoe am ka wì hadai jah kan tabàih qmang ka bèn aih bàl mangai ma khoe lùl Chuaq Jesus Christ , qmang aih au kô ìq cabô mahua tàt Boc Plinh ? <sup>18</sup> Jò wì khoe tàng qmang aih , diq ka wì pi oe tablêq ka haq hòh , wì manè apôi Boc Plinh rameh : Qmang aih , Boc Plinh hadai khoe am ka wì kan loq raxach dòq mangai diac wì hanoh jah kan rih!

#### *Tagop Hadròeh ta Antiôt....*

<sup>19</sup> Bàl mangai ma khoe cadàu haprah priang ka kan baxa jò wì ma jêh òh Êtien , wì trùh ta Phênixi , Chipro xam Antiôt , wì anoe bàl lem am toq ka mangai Juda . <sup>20</sup> Mahaq ta wì aih i biah ngai gùng Chipro ,gùng Syren ,wì lam trùh ta Antiôt , wì hanoh hadai anoe am ka mangai Gorec , hnài Bàl lem da Chuaq Jesus ka wì. <sup>21</sup> Tì Chuaq oe ti wì aih , òh mangai lùl rai tawih hlài ta Chuaq majah bàc haraya. <sup>22</sup> Tagop Hadròeh ta Jérusalem hia bàu aih , wì thê Banaba lam ta Antiôt . <sup>23</sup> Jò trùh ta aih hnoq xôq ramot Boc Plinh haq mannè pi cajaq rai toq ti alòng oh daq ep cajap manoh tiaq Chuaq. <sup>24</sup> Banaba aih mangai lem manoh qnàng , bình Yiang Hadròeh xam kan lùl . Jò aih mangai tiaq Chuaq rai bàc . <sup>25</sup> Khoe aih, Banaba lam ta gùng Tacso , hu chaq Saulo , <sup>26</sup> Jò khoe glàm , hi ahlài ta Antôt . Wop jah mòeq hanam , wa aih tagop pajùm ti Tagop Hadròeh rai hnài bàc ngai . Oe tagùng Antiôt wì ma hi creò ka mangai tiaq hòc aih Corê-tien .

[Type text]

<sup>27</sup> Oe ta bài hì aih , i wì mangai pajàu loh enh Jêrusalem trùh ta Antiôt . <sup>28</sup> Taqne wì aih i mòeq ngai yiniq haq Agabut padinh yòng , Yiang Hadròeh am haq capoch pajàu : “kô êh i kan pangot hrah jàp ta crông taneh” ; Joq qnàng qmang aih , kan pangot hrah kô troq qnhòng da Colôt broq bùa . <sup>29</sup> Mangai tiaq hóc hatinh ka dabau , rìm ngai tiaq deh hra padren , padon ðòeq hliac jènh hu tabàih ka oh daq tagùng Judê . <sup>30</sup> Mangai tiaq hóc broq gêh trong aih , canòm ka Banaba xam Saulo aràng dahwèq aih am ka bài gucaq.

12 .....

### *Jaco cachit ....Phiero jah paclaih..*

<sup>1</sup> Hanoh qnhòng aih , bùa Hêrôt rùp toq bíaq ngai ta Tagop Hadròeh . <sup>2</sup> Bùa yóc chang jêh cađac Jaco , aih daq da Jon , <sup>3</sup> Haq hnoq broq qmang aih lem ka manoh mangai Judá , haq hi thê rùp hloe xam Phiero hòm. Jò aih wop troq jò ramènh kaq bênh ùh tah blo . <sup>4</sup> Bùa rùp clêh haq , thê pôn calùh linh gòm rap , mòeq calùh i pôn ngai linh. Bùa hèm dèh gòm khoe ka hì ramènh pancwa , aih êh hi rùp Phiero loh yòng enh ngèa diq ðồng ka mangai ta aih . <sup>5</sup> Qmang aih , wì jrong Phiero ta hnim cadrong , mahaq Tagop Hadròeh diq jaq waiq khàn am ka haq . <sup>6</sup> Mang adroe ka hì Hêrôt ma hu padon qnoh haq loh yòng nòe hadrah , Phiero oe raq kùi i caxy datoeq kàt haq taqne baiq ngai linh , ajang trong qmang i bài linh gòm rap . <sup>7</sup> Cadoe i mòeq bình plình da Chuaq trùh , i kan qngah sreo qngah ta hnim cadrong clam cluiq aih. Haq tep ta yimìa Phiero , padriù haq yòng , bình plình doe “ Drah yòng .” Caxy datoeq kàt tì haq taclih ðồng haqneq . <sup>8</sup> Khoe aih bình plình doe “ Rìt hlài caxy qnam qmat ,tóc jep beq.” Phiero broq tiaq bàu . Bình plình doe hòm “ Drah caxùnh eo enh gùng qmat hu tiaq au.” <sup>9</sup> Phiero tiaq haq loh enh gùng , ùh qnì aih joq qnàng , haq xoh deh kan mahno . <sup>10</sup> Wa lam khoe catech ka nòe rap ma adroe êh nòe ma atiq , aih hì trùh ajang qmang mem , aih nòe ma hu mùt ta phôq . Qmang aih tapèch ðeh am ka wa , wa hi lam trong aih , tốc ta trong kàn , aih bình plình hi cađac haq . <sup>11</sup> khoe aih Phiero ma hi cadrat don , haq doe : Manòeq kô au ma hi loq Boc Plình joq khoe thê deh bình plình loh caqnaih au claih enh tì Hêrôt xam trong mangai Judá ma tangêh . <sup>12</sup> Haq hèm hlài bài yiniq aih , khoe aih haq lam ta hnim Mari , miq da Jon wì ma creo Mốc , ta aih i bác ngai qnang tagop waiq khàn. <sup>13</sup> Haq clôq qmang , i mòeq ngai hapống yiniq haq Rôđo loh pèch qmang . <sup>14</sup> canau ka bàu

[Type text]

Phiero haq manè pi cajaan , loh ka pi dòh pèch qmang , haq drah cadàu mùt doe :  
Phiero qnang yòng ajang trong qmang ! .<sup>15</sup> Wì doe : Gè khoe rawè . Mahaq  
dua haq doe hi loq . Wì doe : Aih bình plình da haq .<sup>16</sup> Mahaq Phiero clôq yôt  
qmang . Jò pèh qmang , hnoq Phiero , diq đồng ka wì hamàih ðeh hra .<sup>17</sup>  
Mahaq Phiero ðèch tì , patiah ka wì thê wì hatinh , haq hi anoe ka wì loq Chuaq  
khoe qnoh haq loh enh gùng ka hnim cadrong qmang leq , khoe aih haq tanap :  
Doe ka Jaco xam diq ka oh daq loq yiniq kô . Khoe aih haq hi lam taqnoeq .

<sup>18</sup> trùh qngah sroq èh , taqne bài linh i kan tagruàng kàn : Majah qmang aih wì  
haq ùh qnì ka Phiero lam taleq .<sup>19</sup> Bùa Hêrôt thê wì ti chaq jaq ka joq, mahaq  
wì chaq ùh hnoq , Hêrôt ti creo bòch qmòe tang ngai linh , khoe aih thê wì  
qnung lam jêh ðac bài aih. Khoe ka aih Hêrôt loh ta Sêsare , haq oe hlài ta aih

*Herôt cachit...*

<sup>20</sup> Bùa Hêrôt git ka mangai ta Tyro xam mangai ta Sidôn . Majah qmang aih , wì  
aih khoe jah manoh Balatut aih mangai cwan patih oe ka jènh ka tì ti bùa , bùa  
ma tùt ðeh , wì pajùm mòeq manoh ka dabau trùh glàm bùa Hêrôt ðoeq hu bòch  
broq hatroq ka bùa , majah qmang aih gùng wì haq acaq canòm ðeh dahwèq enh  
taneh diac bùa .<sup>21</sup> Trùh hi aih, Hêrôt caxùnh eo bùa , haqngui tagèq bùa ,  
capoch tuàng qne nòe mangai bàc .<sup>22</sup> Bài mangai ta aih doe : Aih bàu da kiac ,  
ùh xài bàu da mangai !<sup>23</sup> Tajòe qmòe jò aih, i bình plình da Chuaq jêh bùa  
Hêrôt , majah qmang aih Hêrôt enh blah yóc kan ranhòm da Boc Plình , khoe  
aih bùa loh ka hrai kaq , haq hi cachit .

<sup>24</sup> Mahaq bàu Boc Plình hlàng trùh rai èh rai jàp jia .<sup>25</sup> Banaba xam Saulo broq  
gêh ðeh ka biac , wa haq hi loh enh Jérusalem hlài ta Antiôt , qnong Jon wì ma  
creo ðeh Mòc lam ti wa .

## 13 ...

***Phaulô xam Banaba hnài bàu lem ka mangai diac wì...***

<sup>1</sup> Oe ta Tagop Hadròeh Antiôt có bàc ngai pajàu xam mangai hnài , aih Basaba ,  
Simeôn wì macreo ðeh Nijê , Lusi-ut mangai gùng Syren , Manahem aih ( oh  
ban da Hêrôt bùa qyoh ), xam Saulo .<sup>2</sup> Jò oh daq qnang kùh waiq Chuaq rai  
apàm ka acaq, Yiang Hadròeh thê : “ Lah ðoeq crài Banaba xam Saulo ðoeq wa

[Type text]

hi broq trong Au khoe creó wa broq .<sup>3</sup> Atiq ka apàm ka acaq rai waiq khàn, oh daq roh ti enh qnhèq ka wa , khoe aih hi thê wa lam.

#### *Oe ta Chipro....*

<sup>4</sup> Qmang aih , Jò Yiang Hadròeh khoe thê Banaba xam Saulo lam , wa loh ta Sêloxi , enh aih wa tócc boang lam ta pleo Chipro .<sup>5</sup> Jò wa khoe trùh ta Salamin , wa hnài trong Boc plính ta hnim tagop qyoh da mangai Juđa , Jon hadai lam hu wiang patih ka wa .<sup>6</sup> Wa lam diq ka pleo aih trùh hloe ta Baphô , wa glàm mòeq ngai Juđa, mangai aih i canàih , aih mangai pajàu qnùt , yiniq haq Bajêsu ,<sup>7</sup> oe ti mangai tình truàng yiniq haq Sêjut-Phaulut , mangai tình truàng kô khun rabiaq diq jaq. Haq akhen ka Banaba xam Saulo trùh , haq enh bôch tamàng deh trong Boc Plính .<sup>8</sup> Mahaq Êlima , mangai pajàu i canàih ( aih ngiah yiniq haq ) , tât wa aih , ti àu chaq trong dôq cwan tình truàng ùh lùì.<sup>9</sup> Khoe aih , Saulo wì ma loq creó Phaulô bình ha lùih Yiang Hadròeh , ngan tajang ka Êlima rai doe :<sup>10</sup> “ Wùih , mangai bình bauq kan gôpla ,kan dù meh, kon da kiac chôcc jrông , tablêq ka kan taq atoq , ìh ùh hêq ka enh toq troq đac trong jang da Chuaq qmòh?<sup>11</sup> Manòeq kô Chuaq dèch kông tablêq ka ìh , kô èh ìh jah lua mat , pi hnoq mat mahi toq biaq hi .” Tajòe hloe jò aih raq ,i kan clam cluiq gúp đồng haq , haq ti tawih dudan òeq chaq mangai tic rađeh.<sup>12</sup> Jò cwan tình truàng hnoq qmang aih , haq hi lùì , haq hamàih diq cajaq ka bàu da Chuaq.

#### *Oe ta Antiôt gùng Bisiđi.....*

<sup>13</sup> Phaulô xam deh bua tócc boang enh Baphô lam ta Betjê trong gùng Bamphi-li . Mahaq Jon cađac wa , òeq hlài ta Jêrusalem .<sup>14</sup> Wa aih hòm , loh Betjê wa boe trong lam trùh Antiôt gùng Bisi-đi , Troq hi Sabat , wa mùt haqngui ta hnim tagop qyoh .<sup>15</sup> Bu hêq ka đóc ta hset ranenh xam bài hset pajàu , wì craq wèq hnim tagop qyoh doe ka wa haq : “Wa daq! Tàng joq loq i biaq nà bàu òeq anoe hnài oh daq , anoe beq.”<sup>16</sup> Phaulô hi yòng , gwàih ti ka oh daq , haq doe “ Diq ka oh daq Isorali xam mangai loq iu yùq Boc Plính , tamàng kô !<sup>17</sup> Boc Plính da mangai Isorali kô ,khoe ràih kan cadraq bèn , broq ka wì aih chèch lòi jò wì haq oe deh tanòe taneh diac wì , aih diac Êdip , yôcc cwiang itai kàn qnoh wì loh enh gùng aih .<sup>18</sup> Jah ta pôn jàt hanam , haq chiuiq àt ka kan ùh wìa da wì aih nòe braih kàn .<sup>19</sup> Jò khoe raliang qnih cađac tapèh diac ta Cana-an , yôcc taneh wì aih aq am dèh ka mangai da haq .<sup>20</sup> Khoe èh , qnah ta pôn hrinh

[Type text]

padam jàt hanam tia aih , Boc Plinh am ka wì aih bài mangai hadrah trùh hloe ta qnhông pajàu Samuên .<sup>21</sup> Jò aih wì bòch ka haq am ka wì mòeq ngai broq bùa , Haq am ka wì Saulo kon da Kit , nang noe Bêjamin , broq bùa wèq wì haq aih pôn jàt hanam .<sup>22</sup> Khoe èh haq cađac bùa aih , dèch Đawit broq bùa , anoe trùh Đawit Boc plinh doe : “ Au khoe chaq hnoq Đawit kon da Jêse , aih mangai lem ka manoh au , haq aih èh ma broq tiaq rìm yiniq au enh thê haq broq .<sup>23</sup> Tiaq qmang ka bàu khoe têu đoeq adroe , enh nang noe haq aih èh Boc Plinh ma hi padèch am ka magai Isorali mòeq Ngai Dèch,aih Chuaq Jesus Christ .<sup>24</sup> Adroe ka Chuaq Jesus trùh , Jon khoe hnài ranenh baptem da kan loq raxach am mangai Isorali .<sup>25</sup> Jò Jon qnang pagêh dèh yiniq broq , haq doe : “ Pì xoh au kô iq cabô ?” Au ùh xài mangai pì qnang ti chaq . Mahaq i mòeq ngai trùh atiq ka au , au ùh taji ka jah broq đeh mangai lèh caxy jep haq aih.”<sup>26</sup> Yôi oh daq bèn kô aih mangai kon xau da Apraham xam mangai ma loq iu yùq ka Boc Plinh , bàu bahia trùh kan dèch kô khoe anoe am ka bèn .<sup>27</sup> Majah qmang aih xam cwan xam mangai oe ta Jêrusalem ùh canau loq ka Chuaq Jesus kô , aih iq raq jò wì ma tahadrah ka haq , wì haq khoe broq gèh bàu bài mangai pajàu wì haq ma loq đóc ta hi Sabat . Yac ka wì chèh chaq ta haq wì ùh loh qmòeq yiniq lui cleq ma troq ka cachit , mahaq dua wì àu bòch dōq Philat jêh cađac haq .<sup>29</sup> Jò wì broq khoe xit rìm trong ma khoe achih trùh haq , wì hi qnoh haq enh long pagat , èh catùh hanang haq ta ralùng .<sup>30</sup> Mahaq Boc Plinh khoe broq haq rih hlài enh kan cachit .<sup>31</sup> Bài mangai ma tiaq haq enh Galili tōc trùh Jêrusalem jah hnoq haq bàc hi , wì aih manoeq kô qnang anoe hu panhìn haq am ka mangai bèn .<sup>32</sup> Da nhèn kô hòm , anoe am ka oh daq bàu lem , aih la bàu Boc Plinh ma khoe têu am ka kan cadraq bèn rameh :<sup>33</sup> Boc Plinh khoe broq ka Chuaq Jesus rih hlài , qmang aih khoe xit bàu haq ma têu am ka bèn , aih bài kon xau da kan cadraq bèn , wop qmang ka bàu khoe achih ta hset Calêu Plinh :

“ Kon kô kon calô da au,

hi kô au khoe hauang kon.”

<sup>34</sup> Boc Plinh broq ka Chuaq Jesus rih hlài enh kan cachit , qmang aih dōq chac haq ùh jò leq om hnhung hòm , qmang ka Boc Plinh khoe doe : “Au am ka pì bàu hadròeh cajap, am xōq ramot au ma khoe têu ka Đawit .”<sup>35</sup> Ajang brong qnoeq hòm doe : “Ìh ùh dōq dèh Mangai Hadròeh ih hnoq kan om taleq.”<sup>36</sup> Jò

[Type text]

Dawit oe rih , broq tiaq bàu Boc Plinh thể , khoe aih cachit , haq khoe jah catùh dèh ti kan cadraq , hanang haq khoe om .<sup>37</sup> Mahaq Mangai Boc plinh ma broq ka haq rih hlài enh kan cachit ùh om taleq .<sup>38</sup> Qmang aih , oh daq au , bèn khòh loq rameh : Canòm ka Chuaq Jesus aih raq , kan baclaih yiniq lui khoe jah anoe am ka pì .<sup>39</sup> èh canòm ka haq aih raq waq toq cabô lùì aih hì jah kan taq atoq , rìm trong tiaq ranenh da Môise ùh broq ka mangai leq jah kan taq atoq .<sup>40</sup> Aih iq, drah wèq rađeh dōq bàu khoe achih ta hset pajàu ùh hìaq trùh ka pì :

<sup>41</sup> “ Wùih ! mangai ma loq halê meh,

ngan beq ,drah loq crè rai lũng pac beq,

Majah qmang aih au padon broq mōeq yiniq oe ta qnhòng da pì,

Yac ka i cabô anoe hlài ka pì , dua pì ùh lùì .”

<sup>42</sup> Wa aih cadiang loh enh hnim tagop qyoh, wì akhen ka wa trùh hì Sabat atiq hnài tam bàu aih .<sup>43</sup> Jò khoe hêq enh tagop, i bəc ngai neo tiaq trong Judà , tiaq Phaulô xam Banaba , wa capoch tuàng ti wì rai pariaq wì oe ma cajap ta kan loq waq Boc Plinh .<sup>44</sup> Hì sabat atiq , wì ta aih tagop ten diq ka dabau ðòeq ta mǎng bàu Chuaq .<sup>45</sup> Yàng bài mangai Judà hnoq mangai bəc qmang aih ta manoh wì bình châu kan tagit , wì haq tǎih cađac bàu Phaulô rai capoch qmèq hloe ka haq .<sup>46</sup> Phaulô xam Banaba hì doe hloe ka wì : Nhèn ep hnài bàu Boc Plinh ka pì adroe òeq , mahaq pì khoe ùh tamǎng , pì hnoq rađeh ùh tajì ðòeq jah kan rih halinh mōeq ðòe , kò èh nhèn tawih ta mangai diac wì.<sup>47</sup> Majah qmang aih Chuaq i thể nhèn rameh :

“ Au dèch pì broq kan qngah am bəc diac ,

Dōq pì aràng kan dèch trùh jàp caqnàm plinh” .

<sup>48</sup> Mangai diac wì tàng anoe qmang aih wì toq lem bùì manè apôi bàu da Chuaq , mangai leq ma khoe jah padon ðòeq ka kan rih halinh mōeq ðòe, diq lùì dōng .

<sup>49</sup> Trong da Chuaq hlàng jàp gùng aih .<sup>50</sup> Mahaq mangai Judà baxrùq bài mangai gucadri padrōng kan tagùng aih xam bài mangai ratauq , tirùp Phaulô xam Banaba , khoe aih hnan đac wa loh khoe dèh ka gùng.<sup>51</sup> Wa aih tangèa ta wì , hapùih caqnih blo top ta jo wa , Khoe hì lam ta Ycōni .<sup>52</sup> Wì mangai tiaq hōc jah ùc bình kan lem bùì xam Yiang Hadròeh.

[Type text]

## 14 .....

### *Phaulo xam Banaba oe ta Ycôni..*

<sup>1</sup> Oe ta Ycôni , Phaulô xam Banaba mùt ta hnim tagop qyoh da mangai Juđa , wa capoch hnài qmòe diq jaq , loh qmòe ka i bacc ngai Juđa xam mangai Gorec lùì tiaq. <sup>2</sup> Mahaq mangai Juđa ma qnhòq waq lùì xan toq patah rai baxrùq manoh cliac bài mangai cla gùng aih òòeq hu tablêq ka wì oh daq. <sup>3</sup> Yac ka qmang aih , Phaulô xam Banaba oe ta aih dùnh diq wa bình manoh lùì , anoe Chuaq am ka wì, ùh lòm yùq qmòe cleq . Chuaq yòc tì kòng wa broq bàc kan halac , òòeq panhìn ka cajap trong loq waq da Haq . <sup>4</sup> Mangai ma oe ta phòq aih talah broq baiq : Qnah ngai tiaq pah magai Juđa , qnah ngai tiaq wa. <sup>5</sup> Jò mangai diac wì xam mangai Juđa hloe xam bài cwan mòeq manoh ti dabau yòng tablêq rai enh yòc hmo ðáp wa , <sup>6</sup> mahaq wa khoe loq adroe , wa hi wia enh aih lam puplech tagùng Lycôni aih phòq Lit tro , ðetbo, xam bài gùng ten aih . <sup>7</sup> rai hnài Bàu lem .

<sup>8</sup> Oe ta Lit tro i mòeq ngai pen, liap qmòe enh jò baxèm hauang , ùh jah cadiang . <sup>8</sup> Haqngui tamàng bàu Phaulô hnài . Phaulô ngan mat haq, hnoq haq i manoh lùì òòeq jah broq brêh , <sup>10</sup> Phaulô hi capoch cadêh “ Ìh yòng beq , yòng ma hnhoh haq.” Haq aih aplòh mòeq qmang , khoe aih hi cadiang lam . <sup>11</sup> Wì ta aih hnoq yiniq Phaulô khoe broq , wì tapoch xam bàu Lycôni : Bài kiac khoe yòc chac mangai òòeq loh ti bèn . <sup>12</sup> Wì creò ka Banaba aih kiac Jupite , Phaulô aih wì creò kiac Mecuro, majah qmang aih haq mangai broq gàu yòng hnài . <sup>13</sup> Craq pajàu da kiac Jupite i hnim tadreo ajang qmang ngo mùt ta phòq , aràng mòeq toq bô qnìq xam riàng trùh ajang trong qmang , enh pajùm mòeq manoh ti wì ta aih hu dèch mòeq ramèn tadreo. <sup>14</sup> Mahaq jò Banaba xam Phaulô aih mangai tiaq cla ,tàng qmang aih , wa haq hit deh eo rai tùh loh ta mangai bàc , rai doe cadêh : <sup>15</sup> Wùih oh daq ! gleq majah broq qmang qmat ? Ma hadai mangai tiàh ka oh daq , ma aràng Bàu lem am ka pì , òòq pì cadac bài kiac ùh loh cleq tau, hu hlài ti Boc Plình rih halinh mòeq òòe , Haq aih ma broq loh plình cròng taneh ,diac raxìq xam rìm yiniq ta aih . <sup>16</sup> Qnhòng calah nèh , haq òòq rìm diac mangai leq mangai meh tiaq deh hra trong , <sup>17</sup> mahaq dua haq patô raðeh yòt ka wì , aih la haq am xôq ramot ,caqnìh mè enh plình , jò mùa am ka wì jah qmau jah plì ,dahwèq acaq ùh diq , xam kan lem bùi . <sup>18</sup> Mahaq yac ka

[Type text]

wa anoe qmang aih , bu qnang lem tât wî ùh hiaq dèch ka wa ramènh tadreo .<sup>19</sup>  
Khoe ka aih , i mangai Juda trùh enh Antiôt xam Ycôni lam padô wî ta aih , wî  
yôc hmo hibûq Phaulô , xoh dèh haq khoe cachit , wî hua qnoh haq enh gùng ka  
phôq .<sup>20</sup> Mahaq jô mangai tiaq hóc ta aih qnang tagop dabau oe dudan ka haq ,  
haq padinh yòng mùt ta phôq .Hi atiq , haq lam ti Banaba trùh ta ðetbo .

*Hlài ta Antiôt .....*

<sup>21</sup> Wa anoe Bàu lem ta aih ,broq ka bacc ngai wih wia mangai tiaq hóc , wa hi  
hlài ta Litro , Ycôni xam Antiôt .<sup>22</sup> Pariaq mangai tiaq hóc ep cajap manoh lùl ,  
anoe ka wî loq qmôe adroe ep glâm bacc kan xalep men jah mùt diac Boc Plinh .  
<sup>23</sup> Jô wa khoe ràih bài mangai ðoèq hu broq gucraq ka rìm Tagop Hadròeh ta  
aih, khoe ka apàm ka acaq rai waiq khàn, dèch wî aih ka Chuaq wa haq ma  
khoe lùl dèh .<sup>24</sup> Khoe aih ,wa lam catech ka gùng Bisidî , trùh tagùng  
Bamphily.<sup>25</sup> Atiq ka hnài ta Betjê , wa hi loh ta Atali.<sup>26</sup> Enh aih,wa lam boang  
hlài ta Antiôt , aih raq nòe wa ma khoe loh lam , ma khoe jah jao am ka kan loq  
waq Boc Plinh , ðoèq hu broq rìm yiniq wa neo broq gèh.<sup>27</sup> Trùh nòe, wa creo  
ka Tagop Hadròeh tagùng aih, wa hi taqmon rìm yiniq Boc Plinh khoe broq  
ajang ti kông wa , Boc Plinh khoe pèh mòeq toq qmang kan lùl am ka mangai  
diac wî qmang leq cadèh .<sup>28</sup> mangai tiaq hóc ta aih bacc hi.

**15 .....**

*Gucraq Tagop Hadròeh ta Jérusalem hatinh ka dabau ...*

<sup>1</sup> I biao ngai enh gùng Judê trùh hnài oh daq rameh :Tàng joq pì ùh broq ramènh  
kat akia tiaq ranenh da Môise , aih pì ùh jah dèch .<sup>2</sup> Aih iq dài Phaulô xam  
Banaba majah loh ka tarahen kàn ka wî aih, wî waq qmôe ka Phaulô xam  
Banaba lam ti wî haq tõe ta Jérusalem , glâm bài mangai tiaq cla xam gucraq ta  
aih ðoèq bòch yiniq kô.<sup>3</sup> Qmang aih , jô Tagop Hadròeh khoe thê wî haq ,wî  
lam trong gùng Phênisi gùng Samari , taqmon biac mangai diac wî khoe wih  
hlài ti Bàu lem qmang leq , broq diq dõng ka oh daq lem bùl diq jaq .<sup>4</sup> Bu trùh  
ta Jérusalem , Tagop Hadròeh xam mangai tiaq cla , hloe wî gucraq ta aih ðih  
wî haq ka alàng. Wî anoe hlài Boc Plinh khoe thê wî haq broq cleq .<sup>5</sup> Mahaq i  
bài mangai moeq bua ti mangai Pharisi hadai khoe tiaq , padinh yòng doe : Ep  
broq ranenh kat akia ka mangai diac wî rai thê wî aih ep wèq tiaq ranenh Môise

[Type text]

.<sup>6</sup> Wì Mangai tiaq cla xam gucraq hi haqngui ti dabau òòeq hu hatinh trong kô .

<sup>7</sup> Khoe ka hatinh Phiero hi yòng anoe ka wì “ Dìq ka oh daq , pì loq rameh enh jò baxèm, Boc Plinh khoe ràih au taqne oh daq , òòq mangai diac wì jah tamàng Bàu lem loh enh hacùng au òòeq wì hu lùì tiaq .<sup>8</sup> Boc Plinh loq ka manoh cliac kon mangai , haq paqnoh raðeh khoe òi yòc mangai diac wì , ajang nòe am ka wì Yiang Hadròeh tiah ka bèn dìq .<sup>9</sup> Haq ùh i ngan bèn xam mangai diac wì crài ka dabau , majah qmang aih haq khoe yòc kan lùì broq ka manoh wì jah hadròeh. <sup>10</sup> Manòeq kô hagleq oh daq majah ti qnhro ngan Boc Plinh , taqmac ta ranòng oh daq mangai diac wì long ech yac ka cadraq bèn ,yac ka bèn enh nèn trùh manòeq qnhòq lah hlát pòq? .<sup>11</sup> Majoq qnàng aih , bèn lùì rameh canòm kan am dech ajang Chuaq Jesus , bèn jah dèch qmang ka mangai diac wì dìq .<sup>12</sup> Dìq ka mangai tagop ta aih loh ka hatinh òòng, tamàng Banaba xam Phaulò anoe hlài bàc trong bàc kan halac Boc Plinh khoe broq ajang wa am ka mangai diac wì hnoq. <sup>13</sup> Khoe ka wa anoe , Jaco hi doe “ Dìq ka oh daq tamàng kô !<sup>14</sup> Simôn i taqmon hlài ka bèn yàng baxèm , Boc Plinh khoe ha-och ka mangai diac wì qmang leq , enh aih ràih yòc mòeq xinoe hu dèch ka yiniq cla haq. <sup>15</sup> Biac aih ,hatroq troeq bàu wì pajàu ,majah qmang aih i bàu achih rameh :

<sup>16</sup> Atiq ka aih , au wih hlài ,

Broq hlài hnim ranòh da Dawit ma khoe taclih raliang ,

Au palàng hlài nòe ma khoe taclih ,

Au dèch paqnàng hlài haq

<sup>17</sup> Òòq bài mangai ma oe rah , jah chaq Chuaq

Xam dìq òòng mangai diac wì ma creò òàng yiniq au;

Chuaq , Mangai ma broq loh bài yiniq kô i anoe qmang aih

<sup>18</sup> Enh calah nèn raq, haq khoe loq bài biac kô.

<sup>19</sup> Qmang aih ,troeq manoh au , ùh dùh baxa oh daq mangai diac wì ma khoe wih hlài ti Boc Plinh, <sup>20</sup> mahaq toq achih jàiq tanap ka wì haq ep dènh apaq acaq dahwèq khoe tadreo am ka kiac qmù , paq tango anang , apaq acaq jam cachit ka ùh jah hi hèm , apaq acaq mahim. <sup>21</sup> Majah qmang aih enh nèn trùh

[Type text]

manòeq , yac ka taleq dua i mangai hnài ranenh Môise , rìm hì sabat , oe ta hnì tagop qyoh wì i đóc ranenh aih.

<sup>22</sup> khoe ka aih ,bài mangai tiaq cla xam wì gucraq xam diq đổng ka Tagop Hadròeh raih biaq ngai ta aih , khoe èh thê wì aih lam ti Phaulô xam Banaba trùh ta Antiôt . Wì raih Jude aih mangai wì xan creò dèh Basaba xam Sila , aih baiq ngai broq gàu wì oh daq . <sup>23</sup> khoe aih am ka wa aih jàiq i achih rameh :

Bài mangai tiaq cla , xam wì gucraq xam oh daq i bàu hmàih trùh oh daq mangai diac wì ma oe ta Antiôt , gùng Siri xam gùng Silisi ! <sup>24</sup> Nhèn khoe tàng doe i biaq ngai enh nhèn , wì aih ùh i yóc mòeq nà bàu nhèn , wì aih yóc bàu deh cla broq ka manoh oh daq loh ka manhài ùh catèm , <sup>25</sup> Aih iq diq ka nhèn majah mòeq manoh raih biaq ngai hu lam ti wa bua bèn aih Phaulô xam Banaba , òeq trùh ta oh daq . <sup>26</sup> Wa aih khoe tamù rađeh am ka yiniq Jesus Christ aih Chuaq bèn . <sup>27</sup> Aih raq nhèn majah thê Jude xam Sila trùh òeq anoe xi bàu waq ka oh daq loq trong aih : <sup>28</sup> Qmang aih Yiang Hadròeh xam nhèn khoe hadai pi taqmòq tam ka oh daq kan trap leq hòmh gùng ka yiniq ma khòh nhèt , <sup>29</sup> aih oh daq ep dènh : apaq acaq bòe dahwèq khoe tadreo ka kiác qmù , mahim , jam cachit ka ùh jah hì hèm , èh apaq tango anang ; aih raq bài yiniq oh daq ep dènh , ep wia ka hangai . Waiq kan catèm ka oh daq!

<sup>30</sup> Wì aih loh lam ta trùh ta Antiôt , creò tagop diq đổng ka oh daq , khoe hì am jàiq aih . <sup>31</sup> Wì đóc jàiq aih , rìm ngai lem bùi majah qmang aih wì khoe jah tàng bàu alòng . <sup>32</sup> Jude xam Sila wa aih raq mangai pajàu , wa hadai yóc bàc trong hnài hu pariaq manoh oh daq tadèh. <sup>33</sup> Oe ta aih toq biaq hì , oh daq wiang waiq kan catèm ka wa khoe aih dōq wa hlài dèh tí mangai khoe thê wa trùh . (\*)

*Phaulo xam Banaba talah ka da bau...*

<sup>34</sup> -<sup>35</sup> Mahaq Phaulô xam Banaba diq oe hlài ta Antiôt , hnài Bàu lem rai hnài trong da Chuaq am ka bàc ngai qnoeq hòmh. <sup>36</sup> Atiq ka aih toq biaq , Phaulô hatuàng ka Banaba : Beq ba hlài hmàih diq đổng ka oh daq oe roc gùng ba ma khoe anoe ka wì trong Chuaq enh adroe kō nèh ,ngan wì haq manòeq kō qmang leq cadèh . <sup>37</sup> Banaba enh qnung Jon ma creò Mōc lam tiaq . <sup>38</sup> Mahaq Phaulô ùh waq qnung Mōc lam diq , majah qmang aih tagùng Bamphili , haq khoe cađac wa , pi abroq pajùm tí wa . <sup>39</sup> Ajang aih , wa haq majah loh kan tarahen

[Type text]

kàn , loh qmòe ka talah ka dabau , Banaba qnung Mòc tõe boang lam ta pleo Chipro .<sup>40</sup> Phaulô raih Sila , canòm ka oh daq waiq khăn dèch wa haq ta kan loq waq da Chuaq , khoe aih wa hi lam .<sup>41</sup> Phaulô lam trong gùng Siri , Silisi , broq ka bài Tagop Hadròeh ta aih jah hagau .

16 ...

### *Phaulô qnong Timothê tiaq ...*

<sup>1</sup> Phaulô lam trùh ta Đetbo xam Litro . Ta aih i mòi q ngai tiaq hõc yiniq haq Timothê , miq haq aih mangai Juda khoe lùì , baq haq aih mangai Gorec .<sup>2</sup> Oh daq oe ta Litro xam Ycôni diq capoch lem ka haq .<sup>3</sup> Phaulô enh qnong haq tiaq , mahaq mangai Juda oe ta aih diq loq baq da Timothê aih mangai Gorec, aih i q Phaulô majah broq ramènh kat akia ka Timothê .<sup>4</sup> Wì thia phòq leq , wì toq ti tanap oh daq ep wèq tiaq ranènh mangai tiaq cla xam bài gucraq ta Jérusalem khoe paqnoh .<sup>5</sup> Qmang aih , bài Tagop hadròeh jah cajap manoh lùì , mangai tiaq rai èh rai bàc .<sup>6</sup> Khoe aih , lam catech trong gùng Phirigi xam taneh gùng Galati , majah qmang aih Yiang Hadròeh khoe ùh lòh wì haq lam anoe Bàu lem ta cròng Asi .<sup>7</sup> ten trùh gùng Misi , wa padon mùt tagùng Bithini , mahaq Yiang Hadròeh da Jesus ùh am .<sup>8</sup> wa drah lam khoe ka gùng Misi , èh wa loh ta Trô-ach ,

<sup>9</sup> Jò damang , Phaulô hnoq kan mahno , i mòi q ngai Maxêđoan yòng eh ngèa rađeh , cali calo ka haq rameh : “Drah trùh ta Maxêđoan hu dèch nhèn diq.”<sup>10</sup> Atiq ka Phaulô hnoq kan mahno aih , nhèn hi drah lam padon lam ta Maxêđoan , majah qmang aih nhèn loq Boc Plinh khoe creo ka nhèn lam anoe Bàu lem ta aih .

<sup>11</sup> Qmang aih , enh Trô-ach nhèn tõe bong pajang trùh ta Samôtra , hi atiq nhèn trùh ta Napôli .<sup>12</sup> enh aih , nhèn trùh ta Philip , gùng aih khoe jah diac Roma , aih phòq basèm da tỉnh Masêđoan . Nhèn oe ta aih toq biaoq hi .<sup>13</sup> Trùh hi sabat , nhèn loh enh gùng ka phòq , lam roc kênh cròng diac , nhèn hèm dèh wì tagop dabau ta aih đòeq hu waiq khăn , nhèn hi hangui , khoe aih hi ta hatuàng ti bài mangai cadri oe ta aih .<sup>14</sup> I mòi q ngai ta aih tamàng bàu nhèn , yiniq haq Lyđi , mangai gùng Thia-tiro , haq aih mangai padro bai gòh . Haq aih mangai loq iu yùq ka Boc Plinh . Chuaq pèh manoh, haq diq jaq tamàng bàu Phaulô. <sup>15</sup> Jò haq

[Type text]

xam diq ka hnim haq khoe jah broq baptem , haq doe “ Tàng joq pì khoe doe au kô mangai diq manoh ka Chuaq , aih pì ep mùt oe padài ta hnim au .” khoe aih haq hi àu pachùh waq qmòe ka jah.

*Wì rùp clêh Phaulo sam Sila .....*

<sup>16</sup> I mòeq hì , nhèn lam waiq khàn , glàm mòeq ngai hapõng cadri i kiac Phitôn mùt oe enh dalam ka haq , haq loh ka loq blàih blõng , broq ka cla craq haq jah bac jènh haraya .<sup>17</sup> Haq ti tiaq Phaulô xam diq ka nhèn , rai cachech cadêh rameh :Bàì wì kô , aih diq hapõng Boc plinh haqnheq , anoe am ka pì trong jah dèch claih .<sup>18</sup> Bacc hì haq broq qmang aih , Phaulô loh ka mahèu , haq hwi doe ka kiac “ Au canòm ka yiniq Chuaq Jesus Christ thê gè loh enh gùng ka mangai cadri kô .” Kiac loh qmòe jò aih raq .<sup>19</sup> Mahaq cla craq da mangai gucadri aih, wì hnoq ðeh pi oe jah bac jèn enh mangai hapõng aih , wì rùp Phaulô xam Sila , hua wa trùh tanòe broq biac , enh ngèa bài mangai cwan ,<sup>20</sup> khoe èh aràng wa ta cwan haqnheq hòh, wì doe : Wa kô diq mangai Judà , broq ka gùng bèn loh dõng ka manhài .<sup>21</sup> Hnài toq trong bèn ùh khòh tamàng yõc , ùh khòh broq tiaq , majah qmang aih bèn kô mangai Rôma .<sup>22</sup> Bài mangai ta aih hanoh wiang yòng tablêq ka wa , jò cwan haqnheq khoe thê hich da wa haq eo , haq hi thê wì tong wa aih .<sup>23</sup> Jò wì tong wa khoe bacc , wì hi lam clêh wa , rai tanap ka cwan wèq hnim clêh aih ep ngan wa ja cajoq .<sup>24</sup> Jah bàu aih , cwan aih hi clêh wa haq ta cadrong clam rai clang da wa jènh .<sup>25</sup> Qnah ta qne mang , Phaulô xam Sila qnang waiq khàn , calêu manè apôi Boc Plinh , bài mangai wì ma clêh ta aih hadai tàng dõng .<sup>26</sup> Ùh xài oq , taneh loh ka ralàng kàn , xàn hnim ma clêh wì haq loh ka dalac , adrinh hloe mòeq yàng bài qmõc qmang tapèh dõng , bài caxi datoq clih diq haqneq .<sup>27</sup> Mangai wèq hnim clêh rari cadrat , hnoq qmõc qmang khoe tapèh dõng , haq hèm ta manoh bài wì cadàu khoe diq , haq hroe qnoh deh chang hu pacc ðac raðeh .<sup>28</sup> Mahaq Phaulô creò cadêh: “Apaq broq cleq ti habo ka raðeh, nhèn oe diq tacô.”. <sup>29</sup> Mangai wèq hnim clêh drah creò ka wì qnoh ðen , haq rai tùh rai crè, hacùn cràng ajang jènh Phaulô xam Sila .<sup>30</sup> Khoe aih , haq qnoh wa loh enh gùng rai bòch : Wì craq ! au ep broq cleq men jah dèch ? <sup>31</sup> Wa padreo bàu : “ Drah lùì Chuaq Jesus , aih èh ìh xam diq ka hnim ìh hi jah dèch.” <sup>32</sup> Wa hi hnài ka haq xam rìm mngai ta hnim haq trong Boc plinh, .<sup>33</sup> Mang aih , hloe jò aih raq mangai wèq hnim clêh qnoh wa aih , qneho da wa habau , khoe aih xam cla haq xam mangai oe ta hnim haq diq jah

[Type text]

broq baptem .<sup>34</sup> Khoe aih , akhen ka wa hlài deh ta hnim , padon qnoh ka wa acaq , cla haq xam diq ka mangai ta hnim lem bùi ka rađeh jò wì khoe jah tiaq trong Boc Plinh .

<sup>35</sup> Trùh qngah , cwan enh qnhèq thê linh lam anoe ka mangai wèq hnim clêh rameh : Drah caqnaih wa beq. <sup>36</sup> Haq aih anoe ka Phaulô : Bài cwan enh qnhèq khoe thê au caqnaih chòp lam , chòp loh beq , lam ma catèm haq oq. <sup>37</sup> Mahaq Phaulô doe ka mangai linh “ Nhèn kô mangai diac Rôma , qnhòq loq ma i yiniq lui cleq , wì khoe blai ma qne mangai ðùng ðam , khoe aih clêh ma ta hnim cadrong , manòeq kô aih wì haq caqnaih atùng ma qmòh ? Qmang aih ùh jah. Cla bài cwan ep lam jang kô hu caqnaih ma , xài qmang aih ma troq.” <sup>38</sup> Bài cwan enh qnhèq tàng linh anoe hlài qmang aih , loq ka wa haq aih mangai Rôma , wì haq yùq pì cajaq .<sup>39</sup> Wì lam alia èh hi caqnaih wa , rai cali calo dôq wa loh khoe gùng wì haq. <sup>40</sup> Jò khoe jah caqnaih , wa lam ta hnim Liđy , hmàih ra pariaq , khoe aih wa men lam.

17.....

### *Phaulo oe ta Têsalonica...*

<sup>1</sup> Phaulô xam Sila pagat trong gùng Amphi-bôlit xam gùng Abôloni, khoe aih wa trùh ta Têsalonica ,ta aih mangai Judà i mòeq toq hnim tagop qyoh .<sup>2</sup> Phaulô tiaq dèh cla khoe hmaq , ta piq hi sabat haq mùt ta aih hu rahen ka wì .<sup>3</sup> Yôc Hset Hadròeh patô ka hloh dôq wì loq Christ ep xalep , khoe aih rih hlài enh kan cachit . Haq doe “ Chuaq Jesus au ma khoe anoe ka pì kô aih raq Christ.” <sup>4</sup> Taqne mangai Judà , aih i bìaq ngai lùt tiaq bầu rai taq mùt ti Phaulô xam Sila ,èh hadai i bắc ngai Gorec loq iu yùq ka Boc plinh hloe xam bài mangai gucadri padròng ta aih . <sup>5</sup> Mahaq mangai Judà toq tajiç , ti adràc bài mangai lam ròe ratauq roc trong rai baxrùq mangai gùng aih broq kan manhài ta phòq aih. Wì haq clàm mùt ta hnim Jasôn , ti chaq Phaulô xam Sila ðòeq hu rùp qnoh taqne mangai ðùng ðam ta aih . <sup>6</sup> Chaq ùh hnoq , wì haq hi hua qnoh Jasôn xam bìaq ngai oh daq loh enh ngèa bòe cwan wèq gùng aih ,wì cachech : Kô raq bài mangai khoe broq ka phù cròng loh toq kan manhài , manòeq wì haq khoe trùh tacô diq. <sup>7</sup> Jasôn khoe ðih wì haq mùt oe dèh ta hnim ! Wì haq kô diq bài mangai yòng tablêq ka Sêsa , majah qmang aih wì haq doe oe i mòeq toq bùa qnoeq , yiniq haq aih Jesus. <sup>8</sup> Tàng bầu aih diq ka mangai ta aih hloe xam bài

[Type text]

cwan loh đồng ka rawè .<sup>9</sup> Mahaq jò cwan khoe thê Jasôn xam bua haq ep clih ka bac, aih hi caqnaih wì haq lam.

*Phaulo oe ta Bere....*

<sup>10</sup> Ûh batrò , mang aih raq oh daq drah thê Phaulô xam Sila lam ta Bêrê . Trùh ta aih, wa mùt ta hnim tagop qyoh da mangai Jùđa . <sup>11</sup> Mangai Bêrê i manoh ùh hnau ka mangai Têsalônica , majah qmang aih wì haq toq enh tamàng yôc bàu hnài , hi leq hi meh toq ti ngan ta Hset hadròeh ðòeq hu ngan bàu Phaulô xam Sila hnài ajoq troq ùh. <sup>12</sup> Ta aih i bác ngai Jùđa lùt tiaq , i bác ngai gucadri Gorec ma padrông , i bác ngai gualô hanoh lùt tiaq. <sup>13</sup> Mahaq jò mangai Jùđa oe ta Têsalônica tàng doe Phaulô anoe trong Boc Plinh ta Bêrê , wì haq drah trùh ta aih hu rai kan manhài ðòeq baxrùq mangai ta aih . <sup>14</sup> Oh daq drah thê Phaulô lam trong diac raxìq, mahaq Sila xam Timôthê oe raq ta Bêrê. <sup>15</sup> Bài oh daq ma ajèn Phaulô wì aràng haq trùh ta Athen, èh wì hi bròc , ahlài bàu ka Sila xam Timôthê , thê wa drah rênh trùh ti Phaulô .

*Ta Athen.....*

<sup>16</sup> Phaulô oe ta Athen gòm wa aih trùh, haq jìq qmòe ta manoh majah qmang aih haq hnoq ta aih bình toq qmù dua kan kiac . <sup>17</sup> Qmang aih ,ta hnim tagop qyoh haq rahen ka mangai Jùđa xam mangai Gorec ma loq iu yùq ka Boc Plinh ,xam mangai haq glàm rìm hi tanòe padro atech .<sup>18</sup> I bài mangai hóc tiaq trong da Êpicurien xam trong da Stocien , hadai wiang ta rahen ka haq . Qnah ngai doe : Cleq bác bàu kô haq enh anoe cleq ? Qnah ngai doe : Tiah gleq haq enh anoe ka bèn bài kiac diac wì.( Majah qmang aih Phaulô qnang anoe trùh Chuaq Jesus xam trong rih hlài enh kan cachit am ka wì ) <sup>19</sup> Wì rùp aràng haq trùh ta Arêoba , wì bòch : Nhèn ajah loq trong ih neo hnài aih ùh? <sup>20</sup> Majah qmang aih ih hnài ka nhèn trong joq halac , nhèn enh loq qmang leq ka dèh . <sup>21</sup> ( Diq ka mangai Athen xam mangai diac wì ma oe ta aih enh toq tamàng rai ta anoe trong maneo ma halac.) <sup>22</sup> Jò aih ,Phaulo mahi yòng taqne Arêoba , haq doe “ Mangai Athen tamàng kô , au hnoq yac ka trong leq dua pì loq nhet pì cajaan . <sup>23</sup> Majah qmang aih au lam dudan tanòe pì , au ngan qmòe ka adia hnoq bài ngè pì kùh waiq , ta aih mòeq toq prang i achih : KÙH WAIQ KIAC NHÈN QNHÒQ QNÌ, manòeq kô Yiang au qnang anoe ka pì , aih raq Mangai pì qnhòq qnì mahaq khoe kùh waiq .<sup>24</sup> Boc Plinh ma khoe broq loh plinh cởng taneh xam rìm yiniq rih oe ta

[Type text]

aih , aih raq Chuaq da plinh cröng taneh. Haq ùh oe ta hnim kùh waiq broq loh enh ti kōng kon mangai .<sup>25</sup> Haq hadai ùh ep waq ka i ti kon mangai patih ka rađeh , tiah taiq ka haq ma i nan no cleq , majah qmang aih haq raq ma am ka rìm ngai jah kan rih , hiwa rih , xam hloe rìm yiniq qnoeq .

<sup>26</sup> Haq khoe broq diq ka phù cròng ha-uang loh enh mòeq ngai raq, am wì oe jàp cröng taneh , pajaq adroe qnhòng rih rai acang ka wì nòe oe .<sup>27</sup> Boc Plinh khoe broq qmang aih òq kon mangai loq chaq haq, àu qmòe diq ka padren waq ka jah bèq , yac ka haq ùh i oe hangai ka bèn .<sup>28</sup> Majah qmang aih enh dalam ka haq , bèn jah rih , jah tadroq , jah i , tiah ka calah nèn taqne pì bài mangai ma loq cachôi i doe: Bèn kô hadai xinoe haq .<sup>29</sup> Qmang aih , bèn kô xinoe Boc plinh , apaq hèm haq tiah taiq ka wang , bac , ka hmo , tiah ka qmù broq loh enh ti kōng mangai ma rabiaq .<sup>30</sup> enh nèn , Boc Plinh khoe cađac da wì kan blùng aih, manòeq haq thê diq dōng kon mangai oe rìm nòe ep loq raxach .<sup>31</sup> Majah qmang aih Boc plinh khoe ràih òeq dèh mòeq hì , yōc kan taq atoq hu hadrah cröng taneh xi mangai haq ma khoe òi deh adroe , Boc Plinh khoe broq ka haq aih rih hlài enh kan cachit , òeq panhìn ka cajap trong kô .<sup>32</sup> Jò wì tàng anoe trùh mangai cachit rih hlài , qnah ngai aih hi halê haq , qnah ngai doe : Hêq trong aih yàng qnoeq èh nhèn tamàng ònh .<sup>33</sup> Aih iq Phaulô majah cadiang loh khoe ka wì haq .<sup>34</sup> Mahaq i biaq ngai tiaq haq wì hi lùl Chuaq Jesus , ta aih i Òeni , mangai cwan hadrah ta Arêoba , i tam mòeq ngai gucadri yiniq haq Đamari xam bài mangai qnoeq

**18 .....**

#### ***Oe ta Côrintô.....***

<sup>1</sup> Khoe èh , loh enh Athen Phaulô lam ta Côrintô .<sup>2</sup> Ta aih haq glàm mòeq ngai Juđa ,yiniq haq Aquila mangai gùng Đông xam Êritsin aih mai haq ,wa aih neo trùh tacô majah qmang aih bùa Kolôt i thê diq dōng mangai Juđa ep loh ma khoe ka Rôma , Phaulô hi taqmùt ti wa .<sup>3</sup> Haq hanoh mangai ajip traiq qmang ka wa , aih iq Phaulô majah oe mòeq hnim ti wa òeq hu abroq pajùm ti dabau .<sup>4</sup> Rìm hi Sabat Phaulô hnài ta hnim tagop qyoh , pariaq mangai Juđa xam mangai Gorec .<sup>5</sup> Jò Sila xam Timôthê enh gùng Maxêđoan trùh ta aih , aih Phaulô hi cađac ka ajip òeq toq ti hnài . Anoe patô ka mangai Juđa loq Chuaq Jesus aih raq Christ .<sup>6</sup> Mahaq wì tablêq rai jù cađac haq ,aih iq haq majah da arù

[Type text]

deh eo rai doe : Mahim pì da hrôq hlài tagàu cla pì ! Au ùh pòq ,pang kô èh au lam trùh ti mangai diac wì. <sup>7</sup> Loh enh aih Phaulô mùt ta hnim mòeq ngai yiniq haq Titu Juptu , aih mangai loq iu yùq ka Boc Plinh , hnim haq aih pajùm panàt ka hnim tagop qyoh. <sup>8</sup> Koritbu mangai broq gàu hnim tagop qyoh , xam diq ka hnim haq lùl dõng Chuaq Jesus. Khoe èh i bàc ngai Còrintô khoe hmaq tàng Phaulô hnài , hadai lùl rai chiuq broq Baptem .<sup>9</sup> I mòeq mang Chuaq doe ka Phaulô ta kan mahno “Apaq yùq cleq ! anoe beq ! apaq hatinh . <sup>10</sup> Au oe ti ìh , ùh i cabò jah dèch ti broq habo cleq ka ìh , majah qmang aih au i bàc ngai oe tacô .” <sup>11</sup> Phaulô oe ta aih mòeq hanam tadrâu khê ,hnài ka wì trong Boc Plinh.

<sup>12</sup> Jò Galiôn qnang broq cwan kàn tagùng Achai, mangai Juda mòeq manoh wiang ti dabau hu tablêq ka Phaulô wì rùp aràng haq trùh ajang nòe hnim hadrah , <sup>13</sup> wì doe : Haq kô toq ti baxrùq mangai tagùng bèn kùh waiq Boc Plinh ùh troq tiaq ka ranenh .<sup>14</sup> Phaulô qnang hah bàu hu hatèu , Galiôn khoe doe ka mangai Juda : Dìq ka mangai Juda pì tamàng kô , tàng joq i cleq ma ùh troq , tàng joq loq i yiniq lui cleq , ma aih au troq ka hangui tamàng pì . <sup>15</sup> Mahaq tàng joq tarahen trong bàu tapoch , trong yiniq creò , trong ranenh da pì , aih cla pì hadrah deh , au ùh tamàng trong qmang aih .<sup>16</sup> Haq hi hnan qnoh đac wì loh enh gùng ka hnim hadrah . <sup>17</sup> Jò aih , wì hi tawih rùp ataq Sôthen , mangai broq craq hnim tagop qyoh ,tong rachùq haq aih enh ngèa hnim hadrah , mahaq dua Galiôn ùh waq tamàng .

#### *Phaulo tồc ta Jerusalem*

<sup>18</sup> Phaulô oe tam ta Còrintô toq bíaq hì , khoe aih haq hangah ka oh daq ,haq tồc boang ti Bêritsin xam Aquila wì haq lam tagùng Syri , atiq ka haq got gàu ta Sencôre , majah qmang aih haq khoe i bàu hapah deh adroe . <sup>19</sup> khoe aih wì piq ngai trùh ta Êphêsô , Phaulô dõq deh bua oe ta aih . Cla haq aih mùt ta hnim tagop qyoh , capoch tùang ti mangai Juda . <sup>20</sup> Jò wì aih enh àu haq oe tam ti wì toq bíaq hì hòm , haq ùh òq bàu .<sup>21</sup> Haq hangah ka wì aih rameh : Tàng joq Boc plinh thê , yàng qnoeq hòm au hi trùh ti pì , khoe aih enh Êphêsô haq tồc boang lam <sup>22</sup> Jò boang khoe trùh ta Sêsarê , haq tồc ta Jêrusalem ,hmàih ka Tagop hadrèh , khoe ka aih ,haq loh hòm ta Antiôt .<sup>23</sup> Oe ta aih toq bíaq hì , haq lam hòm , haq lam jàp jia ka gùng Galati hloe xam gùng Phirigi, broq diq dõng ka mangai tiaq hóc cajap manoh

[Type text]

<sup>24</sup> Jò aih i mòeq ngai Juda ,yiniq haq Abôlô, gùng haq oe ta Alecxantri , haq aih mangai rabiaq ka tapoch tùang rai rabiaq ka Hset hadròeh , haq trùh ta Êphêsô .

<sup>25</sup> Haq khoe hóc trong Chuaq ,dài haq majah điq ka manoh anoe rai hnài rìm trong da Chuaq Jesus , yac ka haq bu loq ðeh toq Baptem da Jon . <sup>26</sup> Qmang aih ,enh jò baxèm haq khoe hùh hnài qmòe ka hagau haghinh ta hnim tagop qyoh . Bêritsin xam Aquila tàng haq hnài , wa ahlài haq hlài ta wa , anoe trong Boc Plinh dôq haq loq tam ùh hnau hòm . <sup>27</sup> Jò Abôlô padon lam ta Achai , điq ðong oh ðaq wiang parông haq rai achih jàiq tanap ka mangai tiaq hóc ta aih ep ðih haq ka alàng. Jò haq khoe trùh ta aih , canòm ka kan loq waq jah dech enh Boc Plinh haq broq lòeq ka oh ðaq ma khoe lùl . <sup>28</sup> Haq điq cajaq bắt hlài mangai Juda qne mangai bắc , yóc Hset Hadròeh ðòeq mahnu ka wì loq Chuaq Jesus aih ra Christ .

19 ....

### *Phaulo oe ta Êphêsô*

<sup>1</sup> Jò Abôlô oe ta Còrintô , Phaulô lam khoe jàp ta bài gùng enh qnhèq , khoe aih haq loh ta Êphêsô , ta aih haq glàm toq bĩaq ngai tiaq hóc . <sup>2</sup> Haq bòch wì : “Pang jò oh ðaq khoe lùl , akhoe jah yóc ðeh Yiang Hadròeh ùh ?”. Wì padreo bàu : “ Ùh ! Nhèn qnhòq lah tàng doe i Yiang Hadròeh . Phaulô bòch hòm : “ Tàng qmang aih Baptem leq pì khoe jah ? <sup>3</sup> Wì doe : “Baptem da Jon aih .” <sup>4</sup> Phaulô doe “ Baptem da Jon aih baptem da kan loq raxach ðeh ka yiniq lui , rai thê wì lùl Mangai ma trùh atiq ka haq , aih lùl Chuaq Jesus . <sup>5</sup> Wì tàng qmang aih , wì hi broq baptem canòm ka yiniq Chuaq Jesus . <sup>6</sup> Jò Phaulô roh tì ta chac wì haq , Yiang Hadròeh loh ta wì haq , am wì haq capoch bàu qnoeq xam bàu pajàu . <sup>7</sup> Điq ka wì aih jah ta mòeq jàt baiq ngai .

<sup>8</sup> Phaulô mùt ta hnim tagop qyoh , ta piq khê haq ùh hòq qmòe ka hnài wì ta aih , mahnu ka wì loq bắc trong da Diac Plinh ðòeq hu pariaq mangai ma tamàng haq . <sup>9</sup> Mahaq ta aih i qnah ngai cadoq manoh , wì tài ðac ùh waq lùl , enh ngèa phù cròng wì haq tapoch halê trong Boc Plinh , aih iq Phaulô majah hi lah raðeh, tagop ðeh crài mangai ma tiaq hóc , rìm hi haq hnài ta truàng Tiranu . <sup>10</sup> Baiq hanam qmang aih , rìm ngai oe ta cròng Asi , yac ka mangai Juda ,yac ka mangai Gorec , điq tàng trong Boc plinh . <sup>11</sup> Boc Plinh broq bắc biac halac anòe tì kống Phaulo , <sup>12</sup> wì yóc mù yóc eo haq ma khoe caxùnh taqmàn ka bài

[Type text]

mangai ùh hróc , diq ka wì aih loh ka jah brêh , jah paclaih enh kiác dù .<sup>13</sup> I bài mangai Juđa , lam dudan enh gùng kô trùh gùng tau , wì haq patiah rađeh canòm yiniq Chuaq Jesus ðòeq drùh qnoh kan kiác , wì doe “ Au canòm ka Yiniq Chuaq Jesus , aih la mangai Phaulô ma hnài , au thê gè loh beq !<sup>14</sup> Tapèh ngai ma broq qmang aih diq kon calô da Sêwa , haq aih hanoh mangai broq pajàu kàn ta mangai Juđa .<sup>15</sup> I mòeq hì , kiác dù têu bàu “ Chuaq Jesus , au loq , Phaulô aih cabô au hadai loq , mahaq pì kô ìq cabô ?<sup>16</sup> Mangai kiác ma rùp aih , glàm ta wì aih , haq blêq ðõng wì , haq jêh pani rachùq wì , wì habau habua ðõng tachac , loh qmòe ka cadàu qmòe rahòng khoe ka hnim aih.

<sup>17</sup> Jò mangai Juđa xam mangai Gorec rih oe ta Êphêsô hia qmang aih , wì yùq crê diq jaq , yiniq Chuaq Jesus jah dèch ka haqnêq .<sup>18</sup> Bâc ngai ma khoe lùì , lam paqnoh dèh yiniq lui , anoe ðõng rìm trong wì haq ma khoe broq .<sup>19</sup> Bâc ngai adroe ka aih broq pajàu tadreo aràng bủh dèh hset enh ngèa ka phù cròng , wì boq hset aih tàng tech jah padam mùan hliac bac .<sup>20</sup> Qmang aih , Bàu lem hlàng hangai jàp jia rai èh rai cajap .<sup>21</sup> Atiq ka bài yiniq aih , Phaulô enh pagat trong gùng Maxêđoan xam Achai ðòeq hu lam ta Jêrusalem . Haq doe “ Jò au khoe hmàih ta aih , au hadai ep lam hmàih ta Rôma diq ,<sup>22</sup> Haq thê Timôthê xam Êrat , aih baiq ngai ma wiang ti haq chôn timer lam ta Maxêđoan , cla haq oe raq ta Asi biaq hì hòm .<sup>23</sup> Jò aih i kan manhài kàn enh tablêq ka Bàu lem .<sup>24</sup> I mòeq ngai thòq bac yiniq haq aih Đêmêtriu , haq yóc bac broq loh radua qmù kiác cadri Đì-an , broq ka bàc ngai thòq ma patih ka haq jah bàc kùng hang ,<sup>25</sup> haq gop bài wì aih , haq doe “ Oh ðaq bèn loq , bèn jah padrõng kan enh biác abroq kô ,<sup>26</sup> pi hadai hnoq , hadai tàng , ùh xài toq ta Êphêsô , mahaq ten diq hloe ka cròng Asi , Phaulô padô broq ka bàc ngai khoe tawih manoh , haq doe kiác loh enh tì kông kon mangai aih diq ùh xài kiác .<sup>27</sup> Ùh xài bèn toq yùq ka yiniq abroq da bèn kô èh wì loq halê , mahaq bèn hadai yùq ka hnim kùh waiq da Đì-an kiác cadri kàn kaiq kô èh wì loq jù ðac , èh kan ranhòm kiác cadri da bèn oe tagùng Asi xam diq cròng taneh kô loq lùch .”<sup>28</sup> Tàng toq aih bàu , tagràng qmòe wì plôh nòeh , wì cachech cadêh “ Kàn oe i jaq cleq Đì-an kiác cadri da mangai Êphêsô .”<sup>29</sup> Diq ka Êphêsô loh ðõng ka manhài , wì rùp Gai-ut xam Aritac , mangai gùng Maxêđoan , wa aih hanoh lam pajùm ti Pahulô , mòeq manoh ka dabau wì hua wa aih qmùt ta hnim kon hat .<sup>30</sup> Phaulô enh cla rađeh loh yòng enh ngèa wì ta aih , mahaq mangai tiaq hóc ùh am .<sup>31</sup> Èh hadai i bài

[Type text]

cwan kân ta Asi aih bua haq , thê mangai lam doe ka haq ùh dùh lam ta hnim kon hat .<sup>32</sup> Qnah ngai cajiah qmang kô , qnah ngai cachech qmang tau , nôe wì tagop loh ka tagràng , bacc ngai ùh qnì hagleq rađeh majah wiang lam tagop dèh tacô .<sup>33</sup> Wì dùi qnoh Alecxando loh enh gùng ka mangai òùng đăm , mangai Juđa caqnùt haq loh yòng enh ngèa , haq hnhè tì enh ngèa ka wì hu capoch hu cwaih rađeh .<sup>34</sup> Mahaq jò wì bu canau ka haq aih mangai Juđa , beq meh diq ka wì wiang cachech tagràng jah baiq jò òùng hô “ Kân diq jaq ! Đì-an kiacc cadri da mangai Êphêsô !” .<sup>35</sup> Jò aih i cwan thu kiq ta phôq aih ,loh pagàt wì haq waq ka hatinh ,haq doe “ Oh daq mangai Êphêsô ! diq ta cởng taneh kô ,cabô ùh loq đeh hra gùng Êphêsô bèn kô raq mangai wèq hnim tadreo da Đì-an kiacc cadri ma diq jaq kân , radua qmù haq aih khoe loh qmòe enh trỏc tì qmòh ?<sup>36</sup> Yiniq aih ùh ep rahen dèh , pì oe ma hatinh haq , apaq tem broq cleq loh yiniq ,<sup>37</sup> Majah qmang aih bài mangai pì ma khoe aràng trùh tacô ùh i atùng cleq ta hnim tadreo , wì haq hadai ùh i tapoch qmèq cleq trùh kiacc cadri da bèn .<sup>38</sup> Manòeq kô , tàng joq Đêmêtriu xam bài thòq ma abroq ka haq , i yiniq enh tah hadarh ka cabô , hnim hadrah pèch qmang rìm hì , cwan kân hanoh oe ta aih. Dôq ka da wì tah hadrah ka dabau .<sup>39</sup> Tàng joq pì i enh bòch tam cleq , pì lam trùh ta wì mangai hadrah , dôq wì haq hadrah troq tiaq ranenh.<sup>40</sup> Majah qmang aih , yùq loq habo ka bèn tàng joq wì bòch hagleq bèn majah rêu ka broq liq hì kô , bèn chaq ùh loh trong òeq hutêu .<sup>41</sup> Haq capoch toq aih bàu , khoe aih haq thê wì hlài .

**20 .....**

#### ***Phaulô oe ta Maxêđoan.....***

<sup>1</sup> Jò kan manhài khoe jah hatinh , Phaulô creo ka bài mangai tiaq hỏc trùh , khoe ka pariaq oh daq , haq hangah ka wì òeq lam tagùng Maxêđoan. <sup>2</sup> Haq lam jàp gùng aih , haq anoe bacc trong òeq pariaq mangai lùì ; khoe aih haq lam ta diacc Gorec . <sup>3</sup> oe ta aih piq khê . Taiq mangai Juđa khoe hatinh chaq trong hu jêh đacc haq jò haq bu tỏc boang lam ta Syri , aih ìq haq majah hì wìh trong Maxê đoan òeq hu hlài . <sup>4</sup> Sôbate , kon da Biru ,mangai gùng Berê ,lam ti haq , i tam Aritacc xam Sacundu mangai gùng Têsalônica , Gai-ut ,gùng Đecbo xam Timôthê , Tichico xam Trôphim diq gùng Asi . <sup>5</sup> Wì kô lam adroe , gòm nhèn ta

[Type text]

Trô-ach . <sup>6</sup> Atiq ka hi ramênh acaq bênh ùh wát blo ,nhên tồc boang enh Philip ,  
padam hi atiq nhên glâm dabau ta Trô-ach , êh nhên oe ta aih tapêh hi .

*Phaulô ta Trô-ach .....*

<sup>7</sup> Hi baxêm tagàu tuàng, nhên tagop dabau ðòeq goh bênh , Phaulô ep lam hi da  
êh , dài haq majah hatuàng ka oh daq rai hnài hloe trùh qne mang ,<sup>8</sup> I bàc toq  
đen talàu nòe nhên ma qnang tagop dabau . <sup>9</sup> I mòeq ngai radam yiniq haq Ôtic ,  
hangui ajang trong qmôc , Phaulô hnài xòe hêq haq aih loh ka gù kùì , jò kùì pi  
hmàng haq taclih enh lâu piq , wì loh dèch hnoq haq khoe cachit .<sup>10</sup> Mahaq ,  
Phaulô cadiang loh chinh deh chac ta mangai aih ,yôc tì kwat chac haq rai doe “  
Apaq lèt, mahua oe raq tachac .<sup>11</sup> Phaulô tồc hlài taqnêq , goh acaq bênh ; rai  
anoe hnài hòim trùh qngah men lam. <sup>12</sup> Mangai radam oe rih ,wì tòng ahlài haq  
ta hnim, yiniq aih broq ka wì jah alòng haraya .

*Phaulô trùh ta Milê .....*

<sup>13</sup> Bài nhên hòim ,chôn timer lam adroe , tồc boang lam ta Asôt , aih nòe nhên ma hu  
glâm Phaulô ; haq khoe taqmroq deh qmang aih , majah qmang aih haq enh lam  
jên timer .<sup>14</sup> Nhên glâm Phaulô ta Asôt ,khoe aih haq tồc boang ti nhên ,hadai nhên  
trùh ta Mitilen . <sup>15</sup> Khoe enh aih , tiaq trong diac raxiq, sroq eh nhên trùh tajang  
ka pleo Chi-ô . Hi atiq hòim nhên padòh mùt ta plài Samôt, mòeq hi hòim hi trùh  
ta Milê . <sup>16</sup> Phaulô khoe di deh ta manoh ,haq chôn timer lam adroe ta Êphêsô ,  
mahaq ùh padài ta aih yùq loq trò ta cròng Asi . Haq haqnan lam waq ka trùh ta  
Jêrusalem tem ramên timer Hi padam jàt .

<sup>17</sup> Yàng aih , Phaulô thê wì ma oe ta Milê lam ta Êphêsô akhen ka wì gucaq  
broq gàu Tagop Hadròeh lam glâm haq. <sup>18</sup> Jò wì aih khoe trùh tagop ti haq ,  
haq anoe “Enh jò au baxêm trùh ta Asi ,au acaq oe qmang leq qne pì, oh daq loq  
. <sup>19</sup> Au qnoh raðeh ðiq jaq haqneq hu patih ka Chuaq, loh bàc diac mat , bàc  
yàng mangai Jùða khoe qnhro ngan rai chaq trong jêh ðac au . <sup>20</sup> Oh daq loq ,au  
ùh lòm ra-òeq ðòeq anoe ka oh daq loq trong leq ma lem ka pì , ùh lòm cadoc  
qmòe toq xit cleq , êh hòim pì loq au khoe hnài taqne nòe mangai bàc , ùh meh  
enh hnim kô trùh hnim tau ,<sup>21</sup> hnài ka mangai Jùða xam mangai Gorec kan loq  
raxach ðòeq hu wih hlài ta Boc Plinh , xam kan lùì enh dalam ka Chuaq Jesus  
Christ aih Chuaq bèn .

[Type text]

<sup>22</sup> Manòeq kô Yiang Hadròeh khoe panan ,thê au lam ta Jêrusalem , qnhòq qnì i yiniq cleq trùh ka au ta aih èh , <sup>23</sup> Moèq yiniq raq Yiang Hadròeh khoe anoe ka au loq : enh phòq kô trùh phòq tau ,kaxi datoeq xam kan nanxa khoe gòm òdeq au. <sup>24</sup> Mahaq au ùh i adênh ka rađeh ,toq ran broq qmang leq au cadâu magêh dèh ka trong ,broq gêh yiniq Chuaq Jesus ma khoe thê au , lam panhin Bàu lem aih kan am dech da Boc Plinh . <sup>25</sup> Manoèq kô , taqne oh daq au ma khoe trùh anoe hnài diac Boc Plinh , kô èh pi i cabô oe hnoq hadrò au hòm . <sup>26</sup> Aih iq raq , dài hi kô au majah doe diq ka mahim oh daq au pi pòq . <sup>27</sup> Majah qmang aih au ùh lòm i ra-òeq òdeq anoe ka oh daq jah loq manoh da Boc Plinh ma enh . <sup>28</sup> Oh daq ep wèq rađeh , èh wèq hloe xam bài Yiang Hadròeh ma khoe dèch oh daq broq mangai wèq , òdeq ban Tagop Hadròeh da Boc Plinh haq ma khoe rot deh xi mahim cla . <sup>29</sup> Au loq khoe ka au loh lam kô èh , i koq yiang ngang dù mùt taqne pì , haq ùh i adênh ka oh daq . <sup>30</sup> Taqne oh daq hòm imangai yòng tapoch bàu patah , àu padô mangai tiaq hóc cadâu tiaq wì haq . <sup>31</sup> Qmang aih , drah loq hamang , hmàng hlài khoe piq hanam rìm hi rìm mang au loh diac mat òdeq hu pariaq rìm ngai oh daq . <sup>32</sup> Manòeq kô au jao oh daq diq ta tì kống Boc Plinh ta kan loq waq haq ma am dech ka bèn , aih jao oh daq ka Mangai broq ka oh daq jah cajap rai am kùng hang ka oh daq pajùm ti mangai jah hadròeh. <sup>33</sup> Au ùh i lòm daiq ka bac ,wang ,eo yòh cabô . <sup>34</sup> Cla pì oh daq loq , baiq toq capiang tì kô khoe broq loh dahwèq ka cla au xam bài bua au . <sup>35</sup> Au khoe hnài yôt ,oh daq ep panim ka abroq qmang aih , òdeq hu wiang tabàih ka mangai hamoq , rai hmàng hlài ka bàu Chuaq Jesus i doe : hnhu am aih i xôq ramot ùh hnau ka hnhu yốc .

<sup>36</sup> Khoe ka capoch qmang aih ,Phaulô hacùn cràng waiq khăn pajùm ti wì . <sup>37</sup> Mangai leq mangai meh hmoe đeh hra ,rai kwat ranõng Phaulô rai híp haq . <sup>38</sup> wì mangò pi cajaq jò tàng haq doe : kô èh oh daq pi hnoq hadrò rađeh hòm . Khoe aih , wì qnoh haq tótc boang .

**21 ....**

### ***Tawih hlài ta Jêrusalem.....***

<sup>1</sup> Atiq ka talah ka wì aih , nhên tótc boang lam trùh hloe ta Kôt , hi atiq trùh ta Ruđo enh aih nhên trùh ta Batara . <sup>2</sup> Ta aih nhên hnoq moèq toq boang padon lam ta Phênisi ; nhên hi tótc boang aih òdeq hu lam . <sup>3</sup> Jò khoe hnoq pleo Chipro

[Type text]

, nhèn hi puplech apah qma , tiaq trong lam ta Siri , boang hi yòng majah qmang aih boang ep qnoh hang ta aih .<sup>4</sup> Nhèn chaq hnoq bài mangai tiaq hóc , nhèn hi oe ti wì tapèh hi . Mangai tiaq hóc ta aih jah Yiang Hadròeh pariaq ,wì aih padràng Phaulô apaq tồc ta Jêursalem .<sup>5</sup> Mahaq jò khoe diq ka hi padài , nhèn hi lam dèh hòm ; bài mangai tiaq hóc xam cadri kon wì haq wiang lam ti nhèn loh enh gùng ka aih , diq ka wì haq hacùn cràng tago , waiq khàn ti da bau .<sup>6</sup> Atiq ka hangah ka dabau , nhèn loh ta boang , bài mangai tiaq hóc hlài deh ta hnim .

<sup>7</sup> Nhèn lam trong diac enh Tiro trùh ta Bêtôlêmai , hmàih ka oh daq èh oe ti wì mỏeq hi .<sup>8</sup> Hi da èh loh enh aih nhèn trùh ta Sêsarê ,mùt ta hnim Philip mangai hnài Bàu lem ,(mỏeq ngai patih ta tapèh ngai ) nhèn oe ta aih .<sup>9</sup> Haq i pôn ngai kon cadri oe raq sriu, loq capoch pajàu .<sup>10</sup> Nhèn oe ta aih khoe jah toq leq hi , i mỏeq ngai pajàu loh enh gùng Judê yiniq haq Agabut .<sup>11</sup> Haq thia hmàih ka nhèn , khoe aih haq doeh caxi caqnam Phaulô , kàt dèh jènh tì , rai doe “ Kô bàu Yiang Hadròeh doe : Ta Jêrusalem , mangai Judà kàt mangai ma i caxi qnam kô qmang kô diq , òdeq rúp haq hu am ka mangai diac wì .”<sup>12</sup> Jò khoe tàng toq aih nà , oh daq tiaq hóc ta aih xam bài nhèn wiang cali calo ka Phaulô ùh dùh tồc ta Jerusalem .<sup>13</sup> Mahaq Phaulô padreo bàu “ Oh daq hmoe broq cleq , qnang ti broq ka au loq mangò ? ùh xài toq dôt wì kàt ràdeh , yac ka cachit ka yiniq Chuaq Jesus ta Jêrusalem dua au lènh .”<sup>14</sup> Haq ùh dì bàu pagàt , nhèn hi hêq , nhèn doe : Waiq dôt manoh da Chuaq jah gèh .

*Phaulô trùh ta Jêrusalem ....*

<sup>15</sup> Khoe aih nhèn hi padon lam tồc Jerusalem .<sup>16</sup> I bài mangai tiaq hóc oe ta Sêsarê hadai lam ta aih ti nhèn , aràng nhèn mùt ta hnim Manason ,mangai gùng Chipro , haq aih hadai mangai tiaq khoe dùnh , haq am nhèn padài ta hnim cla haq .<sup>17</sup> Trùh ta Jêrusalem , oh daq ta aih ãih nhèn bùi ka diq jaq .

<sup>18</sup> Hi atiq , Phaulô lam ti nhèn trùh ta hnim Jaco , diq dồng bài gucraq khoe tagop òdeq ta aih ,<sup>19</sup> Phaulô ti bòch hmàih wì haq , khoe èh haq hi taqmon hlài tang yiniq Boc plinh khoe broq taqne nòe mangai diac wì ajang tì kống ràdeh .

<sup>20</sup> Tàng qmang aih ,, wì dèch bàu manè apôi Boc plinh . Khoe aih ,wì doe ka haq “ Ê daq! Ìh jì hnoq , toq leq jàt muàn mangai Judà khoe lùì ,diq ka wì aih mangai leq ma ùh nhét pi cajaq trong ranenh.<sup>21</sup> Wì hĩa ,ìh khoe hnài diq ka

Commented [WU1]: tron

[Type text]

mangai Juda ,ma rih ta mangai diac wì ep cađac Môise , apaq broq ramènh kat akia deh ka bài kon ,ùh dùh rih acaq tiaq wì craq qmon .<sup>22</sup> Kô èh bèn broq qmang leq ? wì loq ìh khoe trùh tacô .<sup>23</sup> manòeq ìh broq tiaq bàu nhèn ma anoe ka ìh , ta nhèn kô i pôn ngai khoe hlac dèh ka bàu hapah ,<sup>24</sup> aràng wì aih lam ti ìh , broq ramènh basròeh ka wì xam ka cla ìh hloe , bac wì haq ma got xác gàu aih, ìh caqnaih . Aih èh wì hi loq ãh hra bàu wì haq ma tàng anoe trùh ìh aih ùh xài , wì hi jah loq joq qnàng ìh hanoh rih tiaq ranenh<sup>25</sup> Èh ãa mangai diac wì ma khoe lùì aih ,i nhèn achìh jàiq ka wì haq loq trong nhèn ma khoe ãi : Aih ep ãhnh ùh khòh acaq dahwèq ma khoe tadreo ka kiac , mahim xam jam cachit ka ùh jah hi hèm.<sup>26</sup> Phaulô hi qnong wì pôn ngai ti haq , trùh hi atiq ,haq broq ramènh basròeh ti wì , khoe aih lam ta hnim kùh waiq hu patinh ka wì loq trùh hi leq ramènh basròeh men gèh ãòeq tang ngai jah dèch ramènh .

*Wì rùp Phaulô ....*

<sup>27</sup> Jò tapèh hi khoe ten ãiq, i bài mangai Juda ,gùng Asi hnoq Phaulô oe ta hnim kùh waiq , wì baxrùq ãiq ãòng mangai ta aih rùp haq ,<sup>28</sup> wì cachech creó : ãiq ãòng ka manai Isorali , ãrah tùh wiang tacô ! Hãcò raq mangai ma ti hnài jàp jia ka phù cròng ãòeq tablèq ka mangai bèn , tablèq ka ranenh ,tablèq hloe ka nòe kô, jaq haq mech aràng bài mangai Gorec mùt hloe ta hnim kùh waiq broq ka nòe hadròeh ko loh ka pi hruah .<sup>29</sup> Wì majah ãoe qmang aih , ãdroe ka aih wì i hnoq Trôphim mangai Êphêsô lam ti Phaulô , wì xoh ãeh Phaulô khoe qnong haq aih mùt ta hnim kùh waiq .<sup>30</sup> ãiq ka mangai gùng aih loh ka tagràng tagràt , wì tùh loh tagop ti ãabau , rùp Phaulô , hrùiq haq qnoh enh gùng ka hnim kùh waiq , khoe èh ãrah clenh clòng ãòng qmóc qmang .<sup>31</sup> Wì qnang ti chaq trong hu jèh ãac haq , bàu aih hia trùh ãon mangai cla craq linh Rôma : ãiq ka Jérusalem khoe manhài ãòng .<sup>32</sup> Cla craq linh Rôma ãrah creó ka linh xam bài cwan tùh lam ngan . Bu hnoq mangai cla craq xam linh haq ,wì hi hêq, pi jèh Phaulô hòm .<sup>33</sup> Craq linh hi thia rùp Phaulô , haq thê wì yóc baiq ãrang caxi ãatòeq kàt Phaulô , khoe èh haq bòch : Mangai kô iq cabô ? haq khoe broq loh yiniq cleq? .<sup>34</sup> Qnah ngai ãoe qmang kô , qnah ngai cachech ãoe qmang tau , hnoq kan manhài qmang aih , haq pi qnì maleq ma joq troq , haq hi thê linh ahlài Phaulô ta ãôn .<sup>35</sup> Jò Phaulô bu ãadiang tóç haqmai hnim , linh ep tòng haq majah qmang aih bài wì ta aih xóc hrin.<sup>36</sup> Pi cãaq cađac mangai ma ti tiaq enh rù, rai tiaq rai cachech : Jèh ãac , jèh ãac mangai qmat.<sup>37</sup> jò Phaulô khoe mùt ta

Commented [WU2]:

[Type text]

đôn , haq anoe ka claq craq linh “Au ajah anoe đeh toq biao nà ka ih ? Cla craq linh bôch “ Ìh loq capoch bàu Gorec qmòh ? <sup>38</sup> Tàng qmang aih ih kô ùh xài mangai Êdiptô nèh haq ma broq liq rai qnung pôn muàn mangai atùng cadâu mùt ta braih kàn qmòh? <sup>39</sup> Phaulô padreo bàu doe “ Au kô mangai Judà , gùng Tatso , oe ta Silisi aih gùng ma i bang i tiang , ìh dōq au jah tapoch biao bàu ka wì tau .<sup>40</sup> Jò khoe jah bàu enh cla craq linh , Phaulô yòng ajang caloeh hnim , haq hnêh tì thê wì tamàng . Diq ka wì oe hatinh ,haq capoch ka wì xi bàu Hêbru :

***Bàu Phaulô anoe .....***

**22...**

<sup>1</sup> “ Wì daq xam wì baq , tamàng au anoe hu palem rađeh” . <sup>2</sup> Jò wì tàng haq capoch ka wì xi bàu Hêbru , wì loh đōng ka hatinh . Khoe aih Phaulô doe <sup>3</sup>“Au kô mangai Judà, hauang ta Tatso , trong gùng Silisi mahaq jah yòng kan tacô . Au hōc enh qneq ka Gamalien , tiaq troq ka ranenh boc yaq bèn . Nèh haq , au diq jaq nhiet trong Boc Plinh , qmang ka pì hì kô diq . <sup>4</sup> Au hmaq ti rùp jêh cadac ka cachit bài mangai ma tiaq Trong kô , rùp clêh gualô xam gucadri , <sup>5</sup> diq ka pajàu haqnêh xam wì craq hadrah wiang loq . Au khoe jah jàiq enh wì aih achih ka oh daq oe ta Đamat , aih nòe au padon lam đòeq rùp kát bài mangai ta aih ahlài ta Jêrusalem hu baxa wì haq. <sup>6</sup> Au qnang lam ti trong , wop qne hì jò au ten trùh ta Đamat , aih cadoe i kan qngah enh plinh sreo dudan ka au .<sup>7</sup> Au tacro ta taneh , au tàng i bàu capoch ka au : Saulo ,Saulo ! Hagleq ìh majah rùp baxa au ? <sup>8</sup> Au bôch : Chuaq au , Ìh kô iq cabô? .Haq padreo bàu : Au raq Jesus mangai Naxaret , mangai ìh qnang ti chaq rùp baxa kô .<sup>9</sup> Wì ma lam ti au hanoh hnoq kan qngah mahaq ùh tàng bàu Mangai ma tapoch ka au .<sup>10</sup> Au bôch : Chuaq au , manòeq kô au ep broq qmang leq ? Chuaq doe : drah yòng , mùt ta Đamat , ta aih èh i mangai anoe ka ìh loq rìm trong au ma khoe thê ìh broq .<sup>11</sup> Kan qngah aih qngah picajaq , au loh ka pì xau hnoq , bài bua au ep rùp tì tic au trùh ta Đamat .

<sup>12</sup> I mòeq ngai yiniq haq Anania trùh chaq au , haq aih mangai diq ka manoh wèq tiaq ranenh , mangai Judà oe ta Đamat diq manè haq . <sup>13</sup> haq yòng enh ngèa au rai doe : Daq Saulo , qngah hlài mat beq , jò aih raq au jah hnoq hloe Anania

<sup>14</sup> Haq doe ka au : Boc Plinh da kan cadraq bèn , khoe raih dōq ìh jah loq

[Type text]

manoh Chuaq enh , jah hnoq Mangai Taq atoq ,èh jah tàng hloe bàu loh enh hacùng haq .<sup>15</sup> Majah qmang aih , kô èh ih jah yòng enh ngèa bacc ngai hu anoe rìm yiniq ih ma khoe hnoq khoe tàng ,dôq wì loq ka haq ,<sup>16</sup> Manòeq kô ih oe batrò dèh ? ùh drah yòng creo dang yiniq Chuaq òeq hu jah baptem hu jah broq hreo deh yiniq lui beq.

<sup>17</sup> Jò au ta wìh hlài ta Jêrusalem , au qnang waiq khàn ta hnim kùh waiq , au loh ka pi hmàng ka don<sup>18</sup> hnoq Chuaq doe ka au “ Drah loh enh gùng ka Jêrusalem ma rêngh haq ! majahq qmang aih , bàu ih ma anoe trùh au mangai tacô ùh waq tamàng” .<sup>19</sup> au padreo bàu “ Chuaq ! mangai gùng kô loq au hmaq lam enh hnim tagop qyoh kô trùh ta hnim tagop qyoh tau rùp clèh rai jêh mangai leq ma lui ih .<sup>20</sup> Èh hòh jò mahim Êtien , mangai ma lam anoe panhìn dôq wì loq ka ih , ma ta-ùc au yòng ta aih wiang moèq manoh ti wì rai wê eo bài mangai jêh ðac haq aih .<sup>21</sup> Chuaq doe ka au “ Lam beq , Au thê ih lam trùh ta mangai diac wì”

<sup>22</sup> Wì aih tàng Phaulô anoe pang aih , wì padinh yòng rai cachech “ Hêq mangai qmang qmat pi oe rong rih dèh ta crông taneh kô. ! Haq pi troq ka rih dèh hòh” .

<sup>23</sup> Wì cachech , lèh hwênh dèh eo , caxaiq blo ta haqnèh .<sup>24</sup> Cla craq linh drah thê wì qmùt Phaulô ta ðôn .Haq thê wì yôc long roe blai Phaulô òeq bòch ngan hagleq bài mangai bacc enh gùng tau majah cachech hrin ka haq qmang aih.<sup>25</sup> Jò wì qnang hua qnoh Phaulô òeq hu blai , Phaulô bòch mangai wèq linh yòng ajang aih “ Tiaq ranenh ih akhòh jêh mangai Rôma , mangai pi qnhòq chaq hnoq haq aih i qmòe yiniq lui cleq loq ùh ?<sup>26</sup> Jò mangai wèq linh tàng qmang aih , haq lam ajang nòe ka mangai cla craq thê haq , haq bòch “ Wùih ! Ìh qnang padon broq cleq kô iq? Mangai kô mangai Rôma

<sup>27</sup> Cla craq linh tàng qmang aih ,haq lam trùh ajang Phaulô , haq bòch “ Anoe ka au loq , ih kô ajoq mangai Rôma ? Phaulô tèu “ Joq” .<sup>28</sup> Mangai cla craq linh doe “ Au clih ka bacc bacc haraya men jah rot cwiang broq mangai Rôma ” Phaulô tèu “ Jò bu hauang au kô khoe mangai Rôma”.<sup>29</sup> Dìq ka mangai ma blai haq ,tàng doe qmang aih wì drah wia ka hangai , cla craq linh jò loq ka raðeh khoe kàt mangai diac Rôma , haq crè pi cajaan cleq .

<sup>30</sup> Sroq atiq , cla craq linh enh loq ka nhìn hagleq mangai Juða majah enh tah hadah ka Phaulô , haq thê wì lèh caqnaih phaulô ,creo ðiq ka bài pajàu kàn xam bài craq hadrah trùh ta aih , khoe èh haq qnoh Phaulô loh yòng enh ngèa wì .

[Type text]

## 23 ....

<sup>1</sup> Phaulô ngan tajang tanòe hadrah rai doe “Wì oh daq ! enh ngèa Boc Plinh au khoe acaq oe diq ka manoh loq yùq loq iu trùh manòeq . <sup>2</sup> Mahaq Anania , mangai pajàu haqnheq thê wì ma yòng haten aih tep hacùng Phaulô . <sup>3</sup> Phaulô hi capoch ka haq “Wùih panàt xòn taboc meh , Boc Plinh jêh ih , ih hangui òdeq hu hadrah au tiaq trong ranenh , mahaq ih ngan ranenh ùh loh cleq , aih ka ih thê wì jêh au . <sup>4</sup> Bài mangai yòng kênh aih doe : Ìh hùà hnáp ka pajàu Boc plinh qmòh ! <sup>5</sup> Phaulô padreo bàu “ Wì oh daq , au ùh qnì ka haq qmat broq pajàu haqnheq , majah qmang aih khoe i bàu achih : Ìh ùh dùh capoch qmèq ka mangai ma wèq mangai bèn .

<sup>6</sup> Phaulô loq ka wì ta aih, qnah aih mangai Sadusê , qnah aih mangai Pharisi ,haq hi creò cadêh “ wì oh daq ! au kô mangai Pharisi , nang noe da mangai Pharisi . Gleq au majah yòng ajang kô ? aih taiq au lù i kan rih hlài enh mangai cachit. <sup>7</sup> Haq tapoch qmang aih bu hêq , mangai Pharisi xam mangai Sadusê hi loh ka tarahen ,bài mangai hadrah hi lah broq baiq pah .<sup>8</sup> Majah qmang aih mangai Sadusê doe : ùh i ka kan rih hlài , ùh i ka bình plinh,ùh i ka kan kiác taleq , yàng da mangai Pharisi diq lù i trong aih . <sup>9</sup> bàu tagruàng tagrât èh rai dêh . I bài mangai hnài ranenh nang noe da mangai Pharisi yòng tarahen ka mangai qnoeq , wì doe “ nhèn ùh hnoq mangai kô i broq cleq ma ùh troq .Cabô ma qnì , broq braiq qnì i kiác i bình plinh qnì khoe capoch tuàng ka haq ? <sup>10</sup> kan tarahen rai èh rai dêh , cla craq linh yùq trùh wì ma hit cađac Phaulô loh baiq , haq thê deh linh drah loh blah yóc Phaulô enh tì wì aih hu ahlài ta đôn <sup>11</sup> Mang atiq Chuaq yòng haten ka Phaulô rai doe “ Apa q yùq ! ta Jêrusalem ih khoe anoe dōq wì loq ka au qmang leq , ta Rôma ih hadai ep anoe dōq wì loq ka au qmang aih diq

*Mangai Judá chaq trong jêh cađac Phaulô ...*

<sup>12</sup> Trùh qngah , mangai Judá khoe hatinh ti dabau , diq dōng ka wì haq hapah ti dabau ùh acaq ,ùh ôq trùh jò leq khoe jah jêh cađac Phaulô . <sup>13</sup> Loe pôn jàt ngai ma hatinh qmang aih . <sup>14</sup> Wì lam chaq bài mangai pajàu kân xam bài gucraq wì doe “ nhèn khoe hapah ti dabau ùh acaq qmòe blinh trùh jò leq nhèn jah jêh cađac Phaulô . <sup>15</sup> Manòeq kô xam pì xam wì craq hadrah , trùh bōch cwan cla craq linh, dōq haq qnoh Phaulô yòng enh ngèa ka pì broq tiah ka pì ma i yiniq

[Type text]

enh bôch dôq hu loq tam , êh nhên khoe rap qmôe ti trong jô haq qnhôq trùh tacô nhên khoe jêh cađac. <sup>16</sup> Mahaq , i kon calô mangai daq cadri da Phaulô loq ka wì hatinh qmang aih , haq mùt ta đôn , anoe ka Phaulô loq adroe . <sup>17</sup> Phaulô creô ka mỏeq ngai broq đaiq đoiq ,haq doe “ Aràng kon mangai radam kô trùh glàm cwan cla craq linh , haq kô i yiniq enh patin ka cwan aih . <sup>18</sup> Haq hi qnong mangai radam aih lam glàm cwan cla craq linh. Mangai đaiq đoiq doe “ Phaulô mangai ma qnang oe tù i creô ka au thê au aràng kon mangai radam kô trùh ta ih , haq kô i yiniq enh anoe ka ih . <sup>19</sup> Mangai cla craq linh rùp ti mangai radam aih lam ta kênh rai bôch “ ih enh patinh ka au yiniq cleq ?” <sup>20</sup> Mangai aih doe “ Mangai Juda khoe mỏeq manoh ti dabau đoeq wiang bôch ih , hi da êh am Phaulô lam yòng enh ngèa nôe hadrah ,broq tiah qmang ka wì haq ma i yiniq enh bôch panhin dôq hu loq tam . <sup>21</sup> Mahaq ih apaq lùì , majah qmang aih i loe pôn jàt ngai khoe hatinh ti dabau chaq trong jêh cađac Phaulô , wì aih khoe hapah ka dabau adroe ka jah jêh cađac Phaulô , wì haq blinh ùh acaq ùh ôq qmôe cleq , manoeq kô wì haq khoe padon đoeq gòm toq ih òq bàu . <sup>22</sup> Cwan cla craq linh am kon mangai radam aih hlài rai tanap “ Apaq anoe ka cabô loq bàu ih neo bahia ka au.”

*Phaulô trùh ta Sêsarê....*

<sup>23</sup> khoe aih , haq creô ka baiq ngai đaiq đoiq rai tanap ka wa “ Hachin jô mang kô , padon đoeq baiq hrinh ngai linh , tapèh jàt linh kòe axêh , baiq hrinh linh wê jaoq , hu lam ta Sêsarê. <sup>24</sup> padon am ka Phaulô axêh , dôq jah qnung lam ka catèm trùh ta Phêlit cwan haqnhêq . <sup>25</sup> Haq achih ka cwan aih mỏeq araq jàiq ,rameh :

<sup>26</sup> “ Kôlot-Lysia , achih ka Phêlit cwan haqnhêq,

waiq ka ih jah kan catèm ! <sup>27</sup> Mangai Juda khoe rùp mangai kô hujêh cađac , mahaq au khoe qnung linh lam blah yôc haq claih enh wì aih, majah qmang aih au tàng doe haq kô mangai diac Rôma . <sup>28</sup> Au enh loq hagleq wì majah tah hadrah ka mangai kô , aih iq au hi qnoh haq tanòe hadrah da cla wì haq . <sup>29</sup> Au hnoq mangai kô wì tah hadrah ka haq tiaq toq trong ranenh da cla wì aih, mahaq ùh lòm i ajang leq ma doe mangai kô troq ka cachit qnì troq ka rùp clêh qnì ,. <sup>30</sup> Yàng aih au hia i wì hatinh chaq trong hu jêh cađac mangai kô , aih iq au majah

[Type text]

thê haq drah trùh ta ih . Au hadai khoe thê bài mangai tah hadrah ka haq kô enh anoe cleq aih trùh ajang ih .

<sup>31</sup> Bài linh iu tiaq bàu, mang aih raq qnung Phaulô tiaq wì haq trùh ta Anti-batri .<sup>32</sup> Sroq atiq wì dōq toq linh kòe axêh lam ti haq , bài linh qnoeq aih hi wih hlài ta đôn .<sup>33</sup> Jò linh kòe axêh khoe trùh ta Sêsarê , wì yōc jàiq aih dèch am ka cwan haqnheq rai jao hloe Phaulô ka haq .<sup>34</sup> Cwan haqnheq ngan jàiq , khoe aih haq bōch Phaulô oe ta tinh leq , jò haq bu loq ka Phaulô oe ta tinh Silisi ,<sup>35</sup> aih haq hi doe “ Jò leq bài mangai tah hadrah aih trùh tacô , aih èh bri ka au tamàng ih. Khoe aih haq thê wì rùp padràng Phaulô ta hnim Hêrot .

24 .....

#### *Phaulô yòng enh ngèa ka Phêlit .....*

<sup>1</sup> Atiq ka aih padam hi , Anania mangai pajàu haqnheq xam biao ngai gucraq lam pajùm ti mòeq ngai rabiaq ka capoch acaq , yiniq haq Tectulu , am ka cwan haqnheq jàiq wì haq khoe achi h òeq tah hadrah ka Phaulô .<sup>2</sup> Jò khoe creô ka Phaulô mùt , Tectulu hi doe ,<sup>3</sup> “ Cwan haqnheq Phêlit , canòm ðeh ka ih nhèn ma khoe jah rih catèm rìm trong , canòm kan rabiaq , kan loq hnoq hangai enh ih bài kan qmèq khoe wia kan lem am ka nhèn , jò leq jò meh yac ka oe taleq dua nhèn toq hmàng toq manè ih .<sup>4</sup> mahaq òeq ùh hiaq pangài hrin ðeh ka ih , broq qmang leq ih hai tamàng da nhèn biao nà .<sup>5</sup> Nhèn hnoq haq kô mangai enh chaq toq yiniq , toq ti jrôq chiu mangai Judà jàp ta crông taneh . Haq pagàu bài bua mangai Naxaret ,<sup>6</sup> Haq hadai khoe hwaq broq kan amùa ta hnim kùh waiq , dài nhèn ma jah rùp haq , nhèn enh hadrah haq qmat tiaq ranenh cla nhèn .<sup>7</sup> Mahaq Lysia , cwan cla craq linh , haq aih ngang haraya khoe blah mangai qmat enh ti kōng nhèn .<sup>8</sup> thê diq ka mangai hadrah lam glàm qmòe cla ih , manòeq kô cla ih bōch haq qmat beq , aih ih hi loq gleq nhèn majah qnang tah hadrah ka haq .<sup>9</sup> Bài mangai Judà hadai wiang mòeq bàu ka Tectulu , wì doe hioq qmang aih raq .<sup>10</sup> Cwan haqnheq hnhè ti thê Phaulô capoch , Phaulô padreo bàu “ Au loq ih broq cwan hadrah ta taneh diac kô khoe bacc hanam , aih iq dài au majah lem bùi hu capoch cwaih raðeh .<sup>11</sup> Ih ti bōch beq , ih hi loq au neo tōc ta Jerusalem òeq kùh waiq , qnhòq tem jah mòeq jàt baiq hi .<sup>12</sup> Wì qnhòq hmaq hnoq au tanòe hnim kùh waiq , tanòe hnim tagop qyoh , ta roc phôq , tarahen ka cabô òeq jrôq chiu thê wì broq manhài .<sup>13</sup> Manòeq kô wì ùh yōc cleq aleq hu patô am ka ih hnoq òeq panhìn bàu wì ma tah hadrah ka au .<sup>14</sup> Enh ngèa cwan , au ùh hangah raðeh joq au kùh waiq Boc Plinh boc yaq nhèn ma lùì ðeh enh nèn , au lùì rìm bàu achi h ta hset ranenh xam hset pajàu ,<sup>15</sup> au hadai lùì tiah qmang ka wì haq ma lùì nòe Boc Plinh diq , aih lùì i kan rih hlài da mangai taq atōq xam mangai dù .<sup>16</sup> Dài aih iq raq , enh ngèa Boc Plinh enh

[Type text]

ngèa kon mangai au majah àu wèq dèh manoh cliac dôq haq jah hliang lem .<sup>17</sup>  
Au arù hangai khoe bác hanam , au hlài ta Jérusalem hu qnàng dahwèq tabàih  
am ka oh daq au bài mangai ma pa ðeh , rai dèch ramènkh ka Boc plinh .<sup>18</sup> Jò  
aih, i bài mangai Judà oe ta gùng Asi hnoq au qnang broq ramènkh basròeh ka  
ràdeh ta hnim kùh waiq , ùh i broq cleq liq làn , ùh i mangai enh leq ma bác .<sup>19</sup>  
Tàng joq wì aih i yiniq cleq enh tah hadrah ka au, aih ajoq wì haq trùh anoe enh  
ngèa ka cwan kô ma troq .<sup>20</sup> Tàng ùh meh , bài pì ma yòng tacô ep doe beq, pì  
khoe hnoq au i broq yiniq cleq ùh troq jò au yòng tanòe hadrah da mangai Judà.  
<sup>21</sup> enh gùng ka mòeq bàu au ma khoe capoch dèh enh ngèa wì haq : Hì kô au  
majah ep yòng ajang kô tamàng bàu pì bòch aih taiq au lùl kan rih hlài da  
mangai cachit .<sup>22</sup> Phêlit khoe loq Trong Phaulô ma anoe aih ,dài haq majah  
taqnàh , haq doe “ Hêq gòm jò leq Lysia mangai cla craq linh trùh tacô , bři ka  
au tamàng yiniq kô”.<sup>23</sup> Khoe aih , Phêlit thê mangai ðaiq ðoiq rùp ðoeq Phaulô  
mahaq ep am haq jah lam hlài ðeh toq biaq , apaq tât bài bua Phaulô jò wì lam  
hmàih rai aràng ka haq dahwèq haq ma i yiniq waq .<sup>24</sup> Biaq hì atiq ka aih ,Phêlit  
xam Ðorusi cadri haq , aih mangai Judà , trùh thê wì creò ka Phaulô , tamàng  
haq anoe trùh kan lùl nòe Chuaq Jesus Christ .<sup>25</sup> Mahaq jò tàng Phaulô anoe  
trùh kan taq atoq , kan loq wèq ràdeh xam kan hadrah hì atiq , Phêlit crè picajaq  
haq doe “ Hêq hì kô anoe pang kô raq ,gòm hì qnoeq au dòh au hì creò ònh”.<sup>26</sup>  
Phêlit hadai toq tangèh ka Phaulô am ka haq bác jèn, dài haq majah ti hawet  
creò capoch tuàng yôt ka Phaulô .<sup>27</sup> Baiq hanam atiq ka aih , Bôtiu-Phêtu trùh  
broq thai ka Phêlit . Taiq Phêlit enh yôc manoh mangai Judà dài haq majah ùh  
caqnaih Phaulô .

**25 ...**

*Phaulô enh ngèa ka Phêtu.....*

<sup>1</sup> Phêtu broq tinh truang bujah piq hì , haq loh enh Sêsarê tồc ta Jerusalem ,<sup>2</sup> Ta  
aih , i bài mangai pajàu kàn ,bài gucraq da mangai Judà trùh enh ngèa haq hu  
tah hadrah ka Phaulô ,<sup>3</sup> Wì haq àu bòch cwan Phêtu caqnaih Phaulô hlài ta  
Jérusalem , majah qmang aih wì haq khoe hatinh ka dabau jêh caðac Phaulô jò  
haq qnang lam ti trong .<sup>4</sup> Mahaq Phêtu doe “Phaulô , wì oe raq clêh ta Sêsarê ”  
 , cla au kô èh hadai ep haqnàn ka hlài ta aih .<sup>5</sup> manòeq kô pì yôc biaq ngai gàu  
gucraq lam ti au , tàng joq mangai aih i broq cleq ùh troq , aih pì hì paqnòh .<sup>6</sup>  
Phêtu oe ti wì loq jah rahem hì ùh mòeq jât hì , khoe aih haq ta wih loh Ta  
Sêsarê , sroq atiq haq hangui nòe hnim hadrah , haq thê wì qnoh Phaulô loh  
yòng enh ngèa haq .<sup>7</sup> Phaulô bu trùh , bài mangai Judà ma loh enh Jérusalem  
khoe tùh yòng dudan ka haq , wì yôc bác trong tapoch cheo ðoeq taqmòq yiniq  
lui ka haq , mahaq ùh i cleq ðoeq hu panhìn bài bàu aih<sup>8</sup> Khoe aih Phaulô hì  
anoè ðoeq cwaih ràdeh “ Au qnhòq lah broq cleq ùh troq, broq cleq ma pagau

[Type text]

ka ranenh mangai Juda , pagau ka hnim kùh waiq , pagau ka Sêsa . <sup>9</sup> Mahaq Phêtu enh lem ka manoh mangai Juda haq bòch Phaulô “ Ìh i enh tõe ta Jérusalem òeq hadrah bài yiniq kò enh ngèa ka au loq ùh ?” . <sup>10</sup> Phaulô padreo bàu doe “ manòeq kò au yòng nòe hadrah yiniq da Sêsa , au waq ka jah hadrah ta aih , au ùh i broq yiniq lui cleq ka mangai Juda , yac ka ìh hadai khoe loq . <sup>11</sup> Tàng joq au i broq yiniq lui cleq ma troq ka cachit , au ka ùh chuiq ka cachit. Mahaq tàng joq bàu wì mangai Juda ma tah hadrah ka au ùh joq qnàng , ùh i cabô jah rùp au am ka wì haq . Au dang trùh ta Sêsa . <sup>12</sup> Phêtu hatinh ka bài mangai wiang hadrah , khoe aih haq hi doe “ Ìh khoe creò dang Sêsa , aih èh ìh jah trùh ta Sêsa”.

*Phaulô yòng enh ngèa ka bùa Aripba..*

<sup>13</sup> Bìaq hi atiq ka aih , bùa Aripba xam Bêrêsit , wa lam trùh ta Sêsarê òeq hmàih ka Phêtu . <sup>14</sup> Wa haq oe ta aih bàc hi , Phêtu hi anoe ka bùa loq trong yiniq da Phaulô .Haq doe “ Tacô i mòeq ngai cwan Phêlit khoe clêh òeq <sup>15</sup> Jò au tõe ta Jérusalem , bài mangai pajàu kàn xam bài gucraq da mangai Juda trùh hu tah hadrah ka haq aih , wì àu thê au dèch taqmòq tuiq ka haq . <sup>16</sup> Au hi doe : Mangai Rôma ùh taqmòq yiniq lui ka cabô jò mangai aih qnhòq yòng enh ngèa bài mangai tah hadrah ka haq òeq hu capoch cwaih raðeh . <sup>17</sup> Jò wì aih lam tiaq au trùh tacô , au hadai ùh batrò , sroq atiq au khoe thê qnoh mangai aih òeq hu hadrah . <sup>18</sup> Bài mangai ma tah hadrah khoe tòm òng , mahaq ùh lòm i qmòe yiniq cleq ma wìa ka taqmòq ka haq tuiq troeq au ma hèm dèh ta manoh . <sup>19</sup> Wì toq tapoch rahen ka haq toq trong ðaoq da cla wì , èh ràu trùh mòeq ngai khoe cachit yiniq haq Jesus , mahaq Phaulô dua rahen : Haq aih oe rih . <sup>20</sup> Wì tarahen deh qmang aih , au pì qnì tiaq da ma leq ,ðài au ma hi bòch cla Phaulô i enh tõe ta Jérusalem òeq tamàng wì hadrah ta aih loq ùh . <sup>21</sup> Mahaq cla Phaulô khoe dang waq ka jah wì hadrah haq enh ngèa ka Sêsa . Au khoe thê wì clêh haq òeq gòm trùh hi aràng haq ka Sêsa . <sup>22</sup> Bùa Aripba anoe ka Phêtu “ Au hadai enh tamàng bàu mangai aih .” Phêtu doe “ Sroq èh ìh hi jah tamàng haq aih” <sup>23</sup> Sroq atiq bùa Ariba xam Bêrisit nhòm nhinh cadiang mùt ta hnim hadrah hangui ti bài cwan linh xam wì gucraq gùng aih ,Phêtu hi thê wì qnoh Phaulô. <sup>24</sup> Khoe aih Phêtu doe “ Bùa Ariba xam ðiq ka pì i mat tacô , pì ðiq hnoq mangai kò , tiaq haq kò ðiq ka mangai Juda oe ta Jérusalem xam mangai oe tacô majah khoe lam canòm ka au , wì doe “ Apa q òeq haq rih hòm” . <sup>25</sup> Mahaq au khoe ti chaq ngan ùh hnoq haq i yiniq lui cleq ma troq ka cachit , cla haq hadai khoe creò dang trùh ta Sêsa , Au hèm kò èh au aràng haq ka Sêsa . <sup>26</sup> Mahaq au ùh qnì yõe cleq òeq achih hu anoe ka Sêsa , hi kò au qnoh haq loh enh ngèa pì , ajang kò i bùa Ariba , aih joq pì i cleq yeo loe hòm , òeq bòch haq , khoe aih au men i yiniq òeq hu achih ka Sêsa. <sup>27</sup> Majah qmang aih , au hèm qnung

[Type text]

mòeq ngai broq yiniq lui mahaq ùh anoe hloh trong wì ma tah hadrah ka haq ,  
aih ajoq kan taliq talàn.

## 26 .....

<sup>1</sup> Khoe aih bùa Ariba doe ka Phaulô “ Ìh jah capoch òeq hu cwaih rađeh”.

Phaulô qnhè ti ka wì ,khoe aih haq anoe qmang kô : <sup>2</sup> “ Bùa Ariba , joq lem ka  
au hì kô jah yòng enh ngèa ih òeq hu capoch palem rađeh khoe ka rìm trong  
mangai Juđa ma tah hadrah ka au , <sup>3</sup> majah qmang aih ih loq joq qnàng trong  
mangai Juđa rih acaq xam kan wì haq loq tarahen dàng leq . Aih iq au majah  
ngèh ih ran àt hu tamàng au anoe. <sup>4</sup> Enh qyoh nèh raq ,au rih acaq qmang leq  
,mangai Juđa oe tagùng cla au xam mangai Juđa oe ta Jêrusalem diq loq . <sup>5</sup> Wì  
loq ka au khoe dùnh tàng joq wì ma waq anoe bìa ka au , au kô mangai Pharisi  
, au tiaq ðaoq aih yeo nhèt diq ðồng ka wì qnoeq . <sup>6</sup> Manòeq kô, taiq tangèh  
ajang bàu Boc Plinh ma khoe têu am ka boc yaq nhên au majah ep yòng nòe  
hadrah kô , <sup>7</sup> Mòeq jàt baiq xinoe Isorali nhên yóc diq ka manoh kùh waiq Boc  
Plinh , xam dahì xam damang , toq tangèh ka bàu aih jah pagêh . Bùa Ariba ôi !  
taiq kan tangèh aih mangai Juđa majah tah hadrah ka au . <sup>8</sup> Wùih ! ji lai q pì  
mahèm Boc plinh broq mangai cachit rih hlài ùh jah qmòh ? <sup>9</sup> Au hadai khoe  
lah hèm ta manoh ep broq bác trong òeq hu tablêq hlài ka yiniq Jesus mangai  
Naxaret . <sup>10</sup> Joq qnàng au khoe broq qmang aih ta Jêrusalem . Au jah cwiang  
enh bài pajàu kàn , au rùp clêh bác ngai hadròeh , èh hòm jò wì ma jêh cađac  
bài mangai aih , au hadai mòeq manoh ti wì . <sup>11</sup> Bác yàng au lam enh hnim  
tagop qyoh kô trùh hnim tagop qyoh tau , hujêh wì , thê wì tapoch qmèq ka Boc  
plinh . Au nòeh oe i jaq cleq au ti chaq rùp wì haq trùh hloe tanòe diac wì .

<sup>12</sup> Qmang aih , jah cwiang enh bài pajàu kàn , au tọc ta Đamat , jò qnang lam ti  
trong , <sup>13</sup> wop qne hì, au hnoq i kan qngah loh enh plinh , qngah ùh hnau ka mat  
mahì sreodudan ka au xam búa au . <sup>14</sup> Diq ka nhên tacro ðống ta taneh , au tàng  
i bàu capoch ka au xi bàu Hêbru “ Saulo , Saulo ! hagleq ìh majah ti rùp baxa  
dèh ka au ? ìh ðaq ta long hin aih habo ka cla <sup>15</sup> Au padreo bàu “ Cra q au ! ìh kô  
cabô” . Haq doe” Au kô Jesus mangai qnang ti chaq rùp . <sup>16</sup> Mahaq dra h rai  
yòng beq !majah qmang aih au khoe loh ti ìh òeq thê ìh broq mangai patih rai  
anoe ðôq wì qnoeq loq rìm yiniq ìh ma khoe hnoq xam bài yiniq au padon patô  
ka ìh . <sup>17</sup> I au caqnaih ìh loh khoe ti kông mangai gùng kô xam mangai diac wì  
nòe Au thê ìh lam , <sup>18</sup> òeq hu pèch mat wì haq , ðôq enh nòe clam cluiq wì haq  
jah atóc tanòe qngah qngai , enh caqnàm Satan wì haq jah trùh ti Boc plinh ,jò  
manoh wì haq lùì ajang au wì haq jah kan caqnaih yiniq lui ,hadaì jah kùng  
hang ti bài mangai khoe jah barsòeh . <sup>19</sup> Pang aih , bùa Ariba ôi , au pì hùa  
tablêq ka kan mahnu enh plinh , <sup>20</sup> baxèm aih au anoe ka mangai oe ta Đamat ,  
atìq aih anoe ka mangai oe ta Jêrusalem , xam diq ðồng gùng Jiudê , khoe aih

[Type text]

trùh mangai diac wì , au hnài wì ep loq raxach òòeq hu tawih hlài ti Boc Plinh ,  
khoe aih broq trong lem òòeq patô joq qnàng wì haq khoe raxach .<sup>21</sup> aih iq , dài  
haq mangai Juda majah rùp au ta Hnim kùh waiq rai àu jêh cadac hloe au .<sup>22</sup>  
Mahaq rìm hì Boc plinh wèq , trùh hì kô au jah yòng ajang kô òòeq anoe panhìn  
ka mangai qyoh xam mangai gucraq , au ùh anoe cleq enh gùng ka bàu bài  
pajàu xam Môise khoe anoe bài bàu aih jah trùh .<sup>23</sup> Aih Christ ep xalep , haq  
rih hlài adroe diq dồng ka mangai cachit , aràng am kan qngah ka mangai bèn  
xam mangai diac wì .<sup>24</sup> Phaulô qnang cwaih rađeh qmang aih , Phêtu tapoch  
cadêh òòeq pot bàu haq “ Phaulô ìh qmat hóc bàc hrìn khoe loh ka ranhù .<sup>25</sup>  
Phaulô padreo bàu “ Cwan kàn Phêtu , au ùh i ranhù , bàu au anoe aih diq troq  
diq joq qnàng” .<sup>26</sup> Yac ka bùa hadai loq trong kô , dài au ùh xa cleq anoe ka ìh ,  
majah qmang aih i cleq bùa ùh qnì , rìm yiniq aih ùh i broq ta hanáp clam .<sup>27</sup>  
Bùa Ariba , ìh alùi bài pajàu ùh ? Au loq ma joq qnàng aih ìh lùì” .<sup>28</sup> Bùa Ariba  
doe ka Phaulô “ Oe toq xit hòm ìh khoe thê au wia mangai tiaq hóc da Christ ” .  
<sup>29</sup> Phaulô doe “ Waiq Boc Plinh , ùh rênh èh adia , ùh xài mòeq ngai bùa mahaq  
diq dồng ka mangai tamàng au hì kô , jah wia tiaq ka au , enh gùng ka hadrang  
kaxi datoeq kô raq” .  
<sup>30</sup> Bùa padinh yòng , cwan tình truàng , Bêñêphit xam diq ka wì ma haqngui ta  
aih hanoh qmang aih .<sup>31</sup> Jò khoe loh enh gùng , wì haq ta anoe ka dabau “  
Mangai kô ùh i broq cleq ma troq ka cachit troq ka clêh haq .<sup>32</sup> Bùa Ariba doe  
ka Phêtu “ Mangai kô troq ka caqnaih , apaq haq ma khoe creò dang trùh ta  
Sêsa” .

27...

#### *Phaulô lam boang trùh ta Rôma ....*

<sup>1</sup> Jò khoe hatinh , nhèn ep lam trong diac raxiq òòeq trùh ta diac Itali , wì hì jao  
Phaulô xam bài mangai oe tù maqnoeq hòm ka mòeq ngai cwan linh yiniq haq  
Juliut , aih cla craqling wèq bùa kàn .<sup>2</sup> Nhèn tồc mòeq toq boang trùh enh  
Atramit padon lam bàc tình ti kênh diac raxiq Asi , loh lam enh aih i Aritac  
mangai Maxêdoan oe ta Têsalônica lam ti nhèn .<sup>3</sup> Hì atiq nhèn trùh ta Sidôn ,  
Juliut aih mangai lem manoh , haq am Phaulô lam hmàih dèh bài bùa , dóg wì  
aih jah taqmroq palauq ka Phaulô bài dahwèq haq ma qnang nan .<sup>4</sup> Enh aih ,  
nhèn lam tiaq haqmai pleo Chipro , majah qmang aih glàm cayeo tât qngêa .<sup>5</sup> Jò  
nhèn lam khoe catech diac raxiq Silisi xam Bamphili , nhèn trùh ta Míra oe ta  
Lysi .<sup>6</sup> Ta aih , cwan linh hnoq mòeq toq boang enh Alecxantri lam pagat gùng  
Itali , haq am nhèn tồc boang aih .<sup>7</sup> Boang cadàu adia , bàc hì men trùh ta Conit  
 . Cayêu dèh hrìn boang ùh jah mùt tago , nhèn ep lam ti haqmai pleo Coret ,  
tangêa ka Samôn .<sup>8</sup> Lam qmòe caxa roc haqmai diac qmang aih . Nhèn men  
trùh mòeq nòe wì creò dèh “ Wình boang lem” , haten ka Lasê .<sup>9</sup> Bàc hì boang

[Type text]

cadâu glâm kan yat ( khoe diq ka jò apâm ka acaq ) Phaulô pariaq bài mangai taboang ,<sup>10</sup> haq doe “ Oh daq ! Au hnoq bèn lam boang yâng kô glâm kan yat , ùh xài hnhung toq ka hang ka boang mahaq yat hloe trùh cla .<sup>11</sup> Mahaq mangai cwan lînh lùì bàu mangai wèq boang ùh hnau ka bàu Phaulô .<sup>12</sup> Ta aih ùh lem ka boang achàt oe clech ka ralim ,bàc ngai wiang hatinh ep loh ma khoe enh aih , hèm dèh ran trùh ta Phênit oe ta aih clech ka ralim , aih nòe achàt boang da pleo Corêt , nòe kô i baiq trong boang hu mùt mòeq aih ta ngèa pah qma mahi loh ,mòeq aih pah qngeo mahi clih .

*Glâm bahùt ...*

<sup>13</sup> Jò cayêu enh apah qma mahi loh bu hlui , wì hèm dèh jah trùh tanòe wì ma enh lam , wì drah dèch glêh boang , lam tiaq haqmai pleo Corêt .<sup>14</sup> Atiq ka aih toq biaq , i kan cayeo bahùt dèh , yiniq cayeo Aquilôn rapàt cadèh tóe ta pleo .<sup>15</sup> Bahùt hlui boang talui ka hangai , ùh hlàt tablêq ka cayeo nhèn hi mac maiq ka cayêu qnung .<sup>16</sup> Cayêu qnung boang trùh ta mòeq toq pleo qyoh yiniq haq Clođa , xalep haraya men jah dèch boang qyoh atôc ta boang kân .<sup>17</sup> Jò khoe jah dèch atôc , nhèn yôc kaxi griaq tap dan caqnam haq ka cajap .Khoe aih yùq boang loq hlac nòe braih Siroto ,nhèn hi caqni h glêh boang ta diac , khoe aih dôq daiq cayeo tài h boang taleq tameh .<sup>18</sup> Trùh hi da èh , bahùt dèh mòeq jaq , wì khwênh caqni h bài hang ta diac rasiq .<sup>19</sup> Trùh hi piq , ti kông cla nhèn caqni h bài hang ta diac .<sup>20</sup> Bàc hi qmang aih ùh i ka mat mahi , ùh i ka halông , bahùt ùh dùh ka rangep , nhèn loh ka pi i cabô ma oe ùac ka jah rih .<sup>21</sup> Wì ùh acaq khoe dùnh , Phaulô yòng enh ngèa wì aih ,haq doe “ Dìq ka oh daq , adroe nèh tàng pì waq tamàng bàu au , apaq loh enh Corêt , aih bèn khoe ùh hiaq glâm kan habo qmang kô .<sup>22</sup> Mahaq manòeq kô au anoe dôq pì ùh hiaq yùq , majah qmang aih diq ka pì ùh i cabô cachit , toq boang ko èh ma hnhung .<sup>23</sup> Mang iq , mòeq binh plinh đa Boc plinh au ma patih i loh doe ka au :<sup>24</sup> “ Phaulô apaq yùq ! ih ep yòng enh ngèa Sêsa , hacô Boc Plinh khoe am ka ih kan rih đa bài mangai ma lam ti ih .<sup>25</sup> Qmang aih , diq capì cajap manoh oq , majah qmang aih au i kan lùì Boc Plinh , kô èh rìm yiniq wop tiah ka bàu haq khoe anoe”.<sup>26</sup> Bèn jah tóe tapleo leq qnhòq qnì .<sup>27</sup> Khoe mòeq jàt pôn mang , boang nhèn oe raq hìu liq làn ta diac raxiq Adri-atic , trùh qne mang , wì xoh dèh khoe ten trùh tago .<sup>28</sup> Wì caqni h mòeq hadrang caxi đòeq nhro ngan , hnoq jrùq oe jah baiq jàt plaih , hangai tam toq biaq , wì caqni h hòm hnoq jrùq bu mòeq jàt padam plaih .<sup>29</sup> Jò aih yùq boang loq glâm hmo , enh cloh boang wì caqni h pôn toq glêh mem loh ta diac ,khoe aih toq waiq ka trôc drah qngah .<sup>30</sup> Mahaq , ta boang i mangai enh cadâu claih toq ka rađeh , wì haq enh caqni h boang qyoh patiah đeh lam ngan glêh mem enh ngèa boang ,<sup>31</sup> Phaulô doe ka cwan cra q lînh “ Tàng jo q bài mangai qmat ùh oe taboang , diq ka pì ùh i mangai leq jah rih .<sup>32</sup> Bài lînh kat cađac caxi grap boang qyoh dôq haq clih tadiac .<sup>33</sup> Jò oe gòm

[Type text]

trốc qngah , Phaulô pariaq wì acaq . Haq doe “Hì kô khoe mòeq jàt pôn hì pì toq ngềh gòm ùh dùh i acaq toq xit cleq .<sup>34</sup> manòeq au pariaq pì drah acaq , broq qmang aih dōq pì i padren , majah qmang aih diq ka pì ùh i mòeq ngai leq ma hnhung mòeq hadrang xác gàu .<sup>35</sup> Anoe qmang aih hì khoe, haq yōc bēnh, manè apōi Boc plīnh èh hì goh hu acaq .<sup>36</sup> Qmang aih , mangai leq mangai meh jah kan alòng ,wì hì paran dabau acaq .<sup>37</sup> Diq ka nhèn ma oe ta boang jah baiq hrinh tapēh jàt tadrâu ngai .<sup>38</sup> Jò khoe panàc diq jaq , wì caqniḥ dōng dahwèq acaq ta diac dōq boang pì hiaq trap .<sup>39</sup> Jò trốc hì qngah , wì ùh canau ka raḏēh oe ta taneḥ leq , mahaq hnoq wīnh i braih ta kēnh , wì hatinh ka dabau tàng jah chaq trong qmūt boang ta aih.<sup>40</sup> Qmang aih wì hì kat caqniḥ ḏac caxi kàt boang tadiaḥ raxiq , lēh caxi wì ma kàt long loeq boang, hì khoe ka aih caqniḥ bai boang dōq cayeo hlui boang tōc tago .<sup>41</sup> Mahaq boang cadâu glām ataḥ nōe diac ma daxrūp , boang hì hlac, mùh haq hatàp ta braih pì jah tadroq , diac lai laq dēh tep ta cloh boang padah padech dōng .<sup>42</sup> Bài linh enh jēh ḏac dōng mangai tù ,majah qmang aih yùq i mangai ma loq glài èh wì loq claih .<sup>43</sup> Mahaq mangai cla cwan linh, enh wèq Phaulô ,dài haq majah tàt ḏac trong aih . Haq thē diq ka mangai leq loq glài aih chōnh hadrūc ta diac hu glài mùt tago ,<sup>44</sup> mangai ma qnoeq aih capùng ka capiac long ban , ka hanech boang . Qmang aih rīm ngai jah tōc tago ka catēm .

## 28 ..Phaulô oe ta pleo Manta ..

<sup>1</sup> Jò khoe jah tōc tago ka catēm qmang aih , nhèn men loq pleo aih yiniq haq Manta .<sup>2</sup> Mangai ta pleo aih ḏih nhèn joq laq alàng joq qnàng . Wì haq baxù tanùh ùnh ,pachùh diq ka nhèn qnhia majah qmang aih **trốc** mè rai tanget .<sup>3</sup> Phaulô yōc moeq ha-om ra-ùnh tah ta tanùh , i moeq toq biḥ plōng , loh enh ra-ùnh tōq aih būban tì haq .<sup>4</sup> Mangai ta pleo aih hnoq biḥ káp atua ta kōng Phaulô , wì doe ka dabau “ Mangai kô joq mangai jēh mangai joq qnàng , hacô yac ka khoe jah dēch enh diac raxiq , mahaq trốc ma taq atoq dua ùh rong haq rih” .<sup>5</sup> Mahaq Phaulô da arēh biḥ aih clih ta ùnh , cla haq ùh i troq cleq .<sup>6</sup> Wì hēm kōng haq aih èh ḏic tablù cadeh , tàng ùh meh diq tacro taqneq cachit hloe , mahaq gòm khoe dùnh ùh i hnoq haq troq cleq , ta manoh wì hēm trong qnoeq hōm , wì doe ka haq kan kiác .<sup>7</sup> Ten aih i ḏùng ruàng da Bupliu , cla craḥ pleo aih , haq aih ḏih nhèn mùt deh ta hnīm , qmī nhèn acaq piq hì .<sup>8</sup> Baḥ haq ùh hrōc ta aniang, rai tacat rai jiq cliac keo . Phaulô mùt tin haq , khoe ka waiq khàn yōc tì bèq chac haq ḏoēq broq brēh ka haq .<sup>9</sup> Hnoq qmang aih , bài mangai ùh hrōc ta aih diq trùh tì Phaulô ,diq ka wì hadai jah brēh .<sup>10</sup> Wì loq ta-iu nhèn bāc trong , trùh jò padon lam , wì palauq am ka nhèn bāc dahwèq nhèn ma nhet ka waq .<sup>11</sup> Piq khē atiq ka aih , nhèn tōc boang trùh enh Alecxantri , jò ralīm boang kô khoe oe ta pleo aih , yiniq boang kô ḏiōkua .<sup>12</sup> Trùh ta Sira-

[Type text]

cuso , nhèn oe tacô piq hi . <sup>13</sup> Enh aih ,nhèn boe tiaq roc haqmai diac raxiq Siliso , trùh ta Rêgium . Hi da èh rameh ,i cayêu enh pah qma mat mahi loh hlui dêh , dài haq baiq hi hòm nhèn hi trùh ta Buxôlo . <sup>14</sup> Ta aih , bài oh daq pachùh nhèn oe ti wì tapèh hi , khoe aih nhèn hi trùh ta Rôma . <sup>15</sup> Oh daq ta aih hia nhèn trùh , enh nòe hangai wì haq lam trùh ta Phôrum Abiu lam ajang nòe Piq Hnim òeôq hu ðih nhèn . Bu hnoq oh daq ,Phaulô manè apôi Boc Plinh ,manoh haq jah tam kan cajap .

<sup>16</sup> Jò nhèn trùh ta Rôma , wì am Phaulô jah oe crài ,i mòeq ngai linh wèq haq .

<sup>17</sup> Piq hi atiq ka aih , haq creo ka bài gucraq mangai Juda trùh tagop ti haq , jò wì khoe trùh haq doe “ Oh daq au .Yac ka au qnhòq lah broq cleq òeôq tablêq hlài ka mangai bèn ,broq cleq ma pagau hlài ka trong ranenh rih acaq da kan boc yaq bèn ,mahaq ta Jérusalem wì rùp au am ka mangai Rôma . <sup>18</sup> Wì aih khoe hadrah ngan au , wì enh caqnaih au , majah qmang aih au ùh lòm i broq qmòe yiniq lui cleq ma troq ka cachit . <sup>19</sup> Mahaq mangai Juda ùh waq qmang aih , dài au majah dang trùh ta Sêsa , ùh xài au enh tah hadrah ka mangai bèn . <sup>20</sup> Dài aih raq , au majah enh glàm ðeh pì oh daq òeôq hu anoe ðeh ka pì , taiq kan tangèh da mangai Isorali au majah ep bac wê caxi datoeq kô” . <sup>21</sup> Wì aih tèu bàu “ Nhèn qnhòq i hnoq moeq araq jàiq leq enh Judê trùh ta nhèn , ùh i cabô lam anoe cleq ka nhèn ,èh hadai ùh i mangai leq capoch qmèq cleq ka ih . <sup>22</sup> Mahaq nhèn enh jah loq ih hèm qmang leq , majah qmang aih nhèn loq diq ka mangai oe taleq tamèh qnang tablêq ka ðaoq kô” .

<sup>23</sup> Khoe tanap hi ka haq , wì bác ngai trùh tanòe haq oe , enh sroeh sroq trùh clam , haq toq anoe patô rai hnài wì loq ka diac Boc Plinh , yôc enh ranenh Môise xam bài pajàu òeôq hu àu waq ka wì lùl Chuaq Jesus .<sup>24</sup> I mangai lùl bàu haq anoe ,i ngai ùh lùl . <sup>25</sup> Pi mòeq manoh ka dabau wì hi loh hlài , dài qmang aih Phaulô capoch tam bàu kô “ Bàu Yeang Hadròeh khoe anoe joq troq , jò haq canòm ka pajàu Êsai òeôq hu doe ka boc yaq pì

<sup>26</sup> Drah trùh nòe bài mangai kô òeôq hu doe :

Pì yôc don tamàng mahaq ùh qnì tàng cleq ,

Yôc mat ngan mahaq ùh hnoq cleq

<sup>27</sup> Majah qmang aih , wì haq khoe trap manoh

Wì caxet don

Caqnhip clong mat

Yùq ðeh mat loq hnoq

Don cla loq tàng

Manoh loq hèm

Wì wih hlài

Èh Au loq broq ka wì jah brêh qmòh .

[Type text]

<sup>28</sup> Qmang aih , au enh pì loq kan dèch dech da Boc Plinh khoe aràng am ka mangai diac wì , wì aih èh ma tamàng ,<sup>29</sup> Khoe ka Phaulô capoch qmang aih, mangai Juda loh enh gùng rai tarahen ka dabau oe i jaq cleq .<sup>30</sup> Phaulô oe wop baiq hanam ,ta hnim haq ma cìh ka bac òòeq hu oe òò . Haq òòh òòq òòng mangai leq lam glàm haq .<sup>31</sup> Haq cajap manoh òòeq anoe ka wì diac Boc Plinh,hnài wì loq ka Chuaq Jesus Christ , pì oe i cabô khech tât hòm .